



ИТВЫВ КОДЗУВ

4

АПРЕЛЬ

1987

Март 9—13 луньясö Сыктывдін районын вöліны коми литература луньяс. Сэтчöс механизаторьяскöд, скöт видзьясьяскöд, вöр лэдзьясьяскöд, войнаса да уджывса ветераньяскöд, интеллигенциякöд, велöдчьясьяскöд аддзьясьлісны Серафим Попов, Геннадий Юшков, Петр Шахов, Иван Торопов, Нина Куратова, Владимир Тимин, Петр Столповский, Надежда Мирошниченко да мукöд.



Снимокъяс вылын: гижьясьяс Яснöгса леспромхозын да КПСС Сыктывдинскöй райкомын.





Войвыв Кодзув

ТАЙО НОМЕРЫН

Серафим ПОПОВ. Гөрд субөта (кывбур)	3
Геннадий ЮШКОВ. Рөдвуж пас (роман)	4
Галина БУТЫРЕВА. «Кодлөн Паспомын...» (кывбур)	28
Виктор НАПАЛКОВ. Рытгорув. Зэр бөрын. Мыйла вежөгтöны нылöс. Пажын кадö (кывбурьяс)	29
Елена ГАБОВА. Куим висьт	30

МИЯН КАЛЕНДАРЬ

В. В. ПАХОРУКОВА. Сьылөдö гаж, шондi да удж	35
Василий КЛИМОВ. Кама коджын. Тшупам керку. Гор- тö кыскö. Тырö олан ноп. Норасьны одзöв (кыв- бурьяс)	36

ЧЕЛЯДЬЛЫ

Леонид ПАЛКИН. Вөр-ва йылысь висьтьяс	38
---------------------------------------	----

ПУБЛИЦИСТИКА

Михаил ЕЛЬКИН. Чужан сикт йылысь кыв	41
--------------------------------------	----

ЛИТЕРАТУРА ДА ИСКУССТВО

В. И. МАРТЫНОВ. Александр Герцен да коми куль- тура	46
--------------------------------------------------------	----

ЧУЖАН МУ, ЧУЖАН КЫВ

Ф. В. ПЛЕСОВСКИЙ. Эжва катыдса комияс	48
---------------------------------------	----

Серамбана гижөдьяс

Леонид ОГНЕВ. Дженьыд вежон. Ставыс на водзын (висьтьяс)	53
-------------------------------------------------------------	----

«Войвыв кодзувлөн» почта

Лия МАРТЮШЕВА. Некор вунөдлытöм вояс	55
--------------------------------------	----

БЫД ТÖЛЫССЯ
ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ЛЭДЗÖ КОМИ АССР-са
ПИСАТЕЛЬСЛÖН СОЮЗ

ПЕТÖ 1926 ВОСЯНЬ

4

АПРЕЛЬ

1987

СЕВЕРНАЯ ЗВЕЗДА

◆
ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

◆
ОРГАН
СОЮЗА ПИСАТЕЛЕЙ
КОМИ АССР

Главный редактор *П. Шахов*

РЕДАКЦИОННАЯ КОЛЛЕГИЯ:

*А. Ванеев, Ю. Васютов, М. Игнатов, Н. Куратова,
А. Одинцов (ответственный секретарь), В. Попов,
И. Торопов (зам. главного редактора)*



Сыктывкарса зонъяс, войнъяс-интернационалистъяс (шуйгавыв-сянь): А. Кириллов, С. Бугаев, Н. Рожицын, И. Напримеров, В. Рогов, Г. Порсюрор. Найö служитисны Афганистан Демократической Респуб-ликаын.

Снимокыс Ю. Осетровлөн.

*1919 вося, апрель 12 лунӧ медводдза субӧт-
ник вылын уджаліс В. И. Ленин, а субӧт-
никсӧ сійӧ нимтіс «Великӧй починӧн».*

Гӧрд субӧта

Гӧрд субӧта кыпид,
сьыланкыв кодъ гора,
фермаясӧ, ыбӧ
бур войтырӧс корӧ.

Карын, сиктын, вӧрын
бара пузяс уджыд,
шонді енӧж шӧрӧ
нюмъявны тшӧтш вуджас.

Водз асывсянь зілян
тэрмасьӧмӧн локны:
вонас ӧтчыд волӧ
ленинскӧй субӧтник.

Ловъя на кӧ вӧлі,
шуднымӧс код сетіс,
миянкӧд жӧ ӧні
медводз эськӧ петіс.

Сыланкывлӧн горыс
кывтӧ ылӧдз-ылӧдз,
гӧрд субӧта корӧ
выль вермӧмъяс вылӧ.

Рөдвуж пас

РОМАН

Непöштö эз вермы, эз на кöсйы Васька сэки вежöртнысö, мыйла тадзи вöчис Елисаыс. Кадөн нин пыдди пунктис сылысь öдийö вежсьöмсö, бан вывсьыс моз асьсö гугöдöмсö: тöдöмысь, ыджыда на лолыштіс, медым асьсö кутны шодъялöмсьыс и Васькабс су потшöсөн видзны. Збыльысь öд, мыйöн эськö помасис на костын лöсялöмыс, эз кö дугдöмасö ло öтчыдысьөн вундöмнас? Тыдавлытöм изйыс му веркöсас лыбö, а кык мортыдлөн гусьöнасьöмыд көнкö да мыйöнкö петкöдчас нин.

Нинöм абусыс на лэптис зыксö Лидияыс, кор Васька тöчитис Елисалы косасö.

Кильчö вылас вöлі пукалö Васька, кöмтöм кока. Воис видз вылысь да пöрччис сапöгсö, дыш-лöсьыдыслы сетчис. А Лидияыс лук турун нетшкыны петис, ырöшөн мед сёйны. Сэки и мыччысис Елисаыс тэрыбасö. И, дерт, юавсис Васькалөн:

— Кытчö нин котöртан? Туруныд öд сулыштас на.

— Да косайй дзик нин ныж. Коктöм Кöсьта оз-ö видзöдлы.

— Лок, бергöдлан кö. Со öд тай тöчилаыс.

— Бергöдла нин эськö да.

И пукисны тöчитчынысö. А Лидияыс нетшкис лук турунсö да пырис керкаас, но регыд и бөр петис, вала нин. Пыртис сэсся васö да корсьөн петис, ветліс кötöдны юкмöсдорса ворьяс. Кильчö сод вывсяньыс нин горöдис:

— Лок ужнайтам!

— Энлы, час, помала нин.

— Помалан тэ коркö, вугыртöмыд сэтчö да.

— Ог öд чатöрт юрöс.

— Он, дерт, исасигад.

— Да мырддя ме тэнсьыд Васькатö, мырддя!— шыасис Елиса.—

Öнi и нуöда!

— Нуöd, тойышта на бöрсяньыс,— жергöдчыліс Лидияыс да кайис кильчö вылас, швыркйöдліс сэтгысь Васькалысь сапöггьяссö. И пырис.

— Мыйла нин мырддясö шуин?— кайтис Васька.

— Мед оз ыкшаась дай... тэ вылын,— вочавидзис Елиса.

— Öнi ковмас нин меным пöлатын узылыны.

— Коньöрöй.

И кыкнанныс серöктисны курыда.

Пöлатяс, пияныс дорын, и узыліс сэсся Васька мыйкö дыра. Öдийöджык на и унмовсьыліс да сэзь юрөн садьмыліс, сы вöсна мый ловсö песöмыс этшаджыка сюрліс. Дерт, кузя тадзи эз эськö вермы, öкмис да пысьтис кодкö здуко лёкыс. Но мамыс водзджык дөнзис на вылö, гозья вылö, видзöдöмсьыс. Шуліс нин: «Мый бара керсянныд?» А медбöрын и пызанас кучкис, ывлаб ворснысö ытис пöчөн шуысьяссö да.

— Торйөн узыланныд? Пона-каняён оланныд? Тэнсьыд наперво юала, пиб? Лэпты юртö!

— Оз лэдз орччөнсö да.

— А тэ мый чушгьялан, невестка? Мый оз тырмы?

— Бур кывйыс. Мелыс да.

— Сэсса таdzi велöдан?

— Кытчöкö öд ог мун?!

— А Лидия! Онöдз эськö ме тэнö пыр на лэптылі, ас водзын и йöз водзас. Мися, видзöдлыны шогмö и надейнöй. А лэдза öд улö. Ме öд овлі жö гозйөнсö. Лөгасьлан вöлі, а таdzi он на тешитчы верöсыд вылын. Мыйкöнад ышнясян? Кырсавны мед петас? Комын арöсаыслы нö, оз ков сылы? Куш сөйöмөн и пöтас?

— А сылы кыв ни джын?

— Сылы менам гөбöчын гормöдчаныс, көрт пома, оз кө веж серсö.

— Кутшöм сер?— дузгысьліс Васька.

— Мусаалöмыс нö оз ков гөтырыдлы? Абу сійö дойман сьлöма быдторйыс понда? Оз енлы моз ов тэныд?

— Гөрöм паныд нин гöран.

— А мый нö, гежöмавын колö тiянöс?— вочааліс мамыс.— Ме, онö кө водй талун öтлаын пыдиас!

— Мырдөн öд ог вод,— дöжныштіс Васька.

— Мед локтö,— шуис Лидияыс.

Но сійö рытсаяныс эз на сэтшöмасö бурасыны. Ыштöкö кывзысисны на сöмын мамыслыс. Мыйкö тай вöчан, да оз на топыда пуксы, сідзи и на костöд ыркыдыс ветліс на. Виям ты вылö катлісны, да сэки помöдзыс инасисны ловнаныс. Чери кыйны сэтчö войколөн мөдöдчис Васька, а Лидияыс тшöтш вöзйысис, ме пö чöд вота. Воисны сэсса ты вылас, да чеччöдіс сійöс козья веретя бöжас, көні нитшкаджык вöлі, ачыс петаліс и чöд сиксö корсыны, сэсса бөр лэччис пыж дінас да йöткысис чөвтлыны кытчöкö ботансö. Сöмын вөрзылöмыс нин и лои, чуксасыны кутіс Лидияыс, гажтöм пö меным öтнамлы.

— Сөяс тэнö кодкö!— дöзмыліс Васька.— Ме öд тани.

— А мед, ме пола.

Ковмис петны сы дiнö да тшöтш вотчыны. Гырысь да сьöдöдз нин кисьмöма вöлі чөдйыс, но öткымын тусьөн на шедаліс корсыс, и Васькалы регыд дышöдіс копрасынсö, нбöжмис да пидзöсчанысис, а сэсса и гатшöдчис.

— Ме тай воді-а. Меным коскö нин сюйис. Вид, колöкö.

— Кытчö нин тэнö видан?!

— Вомö кө эськö вайин öти китыр?!

— Лабич кузя кагаыслы? Но, вота час!

И, збыльыс, сетчис Лидияыс шмонитöмыслы, пунктіс наберушкасö да öти кинас мөдас зэв öдйö и öктіс чөдсö. Локтіс да копыртчис Васька дiнö, кисьталіс сылы вомас.

— А öні кө ме ошкö пöра? Ошкыд чөд вылын жö öні олö.

— Мый сэсса?

— Сөя тэнö. Мыйла вотчан татысь.

— А ме пышгья.

— Кытчö нö тэ пышгьян? Менам öд со лапаяс!— курыштіс Васька Лидиясö кокьясöдыс да кыкыштіс ас вылас. Мурзöмөн сэсса и окаліс.

— Энлы на сэні... Ой-я да!— эз сетчы сійö водзöсö.— Тыртöм наберушкасö ог лэччöд.

Дышöдчынысö сэсса Васька эз жö лэдз аслыс, и кыкөннад рөмдытöдзыс на тыртісны наберушкасö. Узынысö вуджисны ты мөдарас, чомгяс. Небыд вылас урбöж турунсö нетшкисны яг пöкатсыс.

Водз асывнас Васька петаліс ботанасыны да кывтнысö нин и садьмөдіс Лидиясö. Чөд и чери вайисны сэки гортаныс, и Зоянысö на, буракö. Сідзи лөсяліс сылөн чужöмыс.

А ёна и повзыліс Васька, кор висьталіс Лидияыс, нбөся пö öд

ме. «Друг да Елисаыс нобасьё жё?»— кватитчис сійё, и кусыньтлісны быттьёкё, кызди тай ачыс кусыньтліс кызд пусё коросьё чегьялігөн. Кыйёдїс синкымув да юалїс Елисаыслысь:

— Тэ некодёс он виччысь? Коркёя бёрад?

— Ог. Ме ёд кага эг корсь тэсянь.

Вёлись личлэдзис сійёс. Госпиталяс палялём бёрас, петкёдлісны моросьёс перйём пулясё да, эз на татшёма кокнёдлы, сёмын и нюмъ-ёвтїс лачасьыс, мый оз нин, гашкё, кув. А ёні эськё эз волю нюмыс, но доровтёдліс лигышмунёмсьыс, сы вёсна мый йёзыс водзын юр яндзим-сьыс мыніс. Мый дыра на тай эз бурд морёсыс, да венїс ас кежас дойсё, а гусяторсё тайёс пёжас жё кызкё. Но сэся кё воштылас садьсё!

И бара на воштыліс. Сёмын эз нин та туйёд, а дзик мёдёд. Вундём бёрын катїс Виям тыс войколён арся кельчисё кыйны, да сэки эз куж овнысё, кывзысис синмыслы колёмыслысь. И кымын во нин со коли сэсянь, а век на йикиён сатшкысьлё горшас. Артмис сїдзи, мый донтём донысь и вузалїс батыслысь паметьсё.

Петїс вис вывсьыс Виям ты бёжас да тшын сюръя казяліс ягладорсьыс, чом горувсьыс, сёмын пыжыс мыйлакё эз тыдав дорёс эжёрсьыс. Сыніс видзёдлыны, кодї нин сэтён да мый вёчё. Пиок Витень вёлма, биасьёма яг улас чай пузьёдны да пыжсё на сэтчё кыскёма, кымыньтёма вожка вылё.

— Но, важён нин вольтём морт?!— чуймис Васька.

— Важён. Тёдсаинад тай локсьё на.

— Мый нё, эз кут шедны карсьыд матысьсё?

— Йёзыс уна лои, быдсямаыс. Нинём он лысьт кольны, пыжтё ни мёдтор. Пыр и шышкаласны. Ю чайтё.

— Сёмын на гортысь. Базар вылад сулавлан на?

— Мый огыс? Ньбёбны ёд тай ас черитё. Кый да катёд жё дай.

— Сэся вузасьны сувта?

— А мый нё, юрид усьё?— вомалїс Пиок Витень.

— Усьё, дерт, медбёръя уджсьыд. Асьтё он кут морт туйё пуктыны.

— Кодї тайёс тэныд мойдїс?

— Батьё на и мойдліс? Куим удж пё коми мортыдлы медбёръяыс: гусясьём да пон джагёдлём да карын, базар вылас, вузасём.

— Мойдыд серти он на ов. Бур уджсё колхозад уджалан, да зеп тырыд локтё деньгаыс? Сё дёмаса на паськёмыд.

— Дёмасыд ёд... — тшёкмунліс Васька,— абу на няйт. Мед оз на веж синтё.

— А тэ менё аддзан жё да. Либё эн и дойдась. Кисьта да, ю чайсё. А, колёкё, мёдтор на. Калбас вунда и.

— Ог, меным ва вылё колё петавны. А кызди тэ пыртїн ёні татчё пыжтё? Абу ёд ытва.

— Вёрёдыс Эжвасяньыс, Иллякёд. Весътассё ёд абу ылын. А карсяньыс катерён дай. Юромкаё, лесничествоас, Илля лэччис, да ёти сайын.

— Война вылас сійё вёлі жё?

— Кодї нё эз вёв? Менё на босьтлісны-а. Охранаё.

— Пыжтё нё сиравны али мый кёсьян?

— Колё. Тюргё нин ваыс кытсюрё.

— Абу сирыд да?

— Вёчам, дыр-ё нё?!— серамсё лэдзліс Пиок Витень.

Васькаёс шемёс босьтліс сы вылё: ягвывса пожёмьясьыс али мый. Но уна-ё нё сїдзтё ёктан, кытчё тырмылас пыжыслы? А збылсьыс кё кёсїё чуктёдлыны сир тусьяссё, вотны пёртїё да сывдыны би вылас?

Од вийодны сиртö, мыйта мунас уджыд: корсь на сирöд кондасö да, пöрöдчы да поткөдчы да, гу коды да. Ой-ой!

Нопгъяс нин вöлöма Пиок Витеньыслөн, мый колöйс. Тыртöм стеклö банка перйис сэтъыс да тыра сулея, сэсся акань кыскис да чöвтис муас. «Мама» весиг шуис аканьыс, ловъя быттьöкö.

— Мый нö тэнад сулеяас?— юалис Васька.

— Ацетон. А аканьыс целлулоидыс.

— И сир артмас?

— Видзöдлан вот!— чиктылис Пиок Витень. Восьтис сулеясö да кысътис ацетонсö банкаас, вайис плавкöс лöп, пунктис сы вылö аканьсö да керавны кутис посни торгъяс вылö.

Кезйöдлис таыс Васькаöс, да бергöдчис. Мышкөн и сулалис, кыт-чöдз кылис керасьöмыс.

Вöлöмкö, сылö целлулоидыс ацетонас, везъялан улимö пöрö, а улимыс нин и вежö сирсö, быд коластö пырö да, сöмын удит видзнытö чорзытöдзыс. Тадзикөн и тупкалис Пиок Витень пыжсö ва пырöмсыс.

Лудис Васькалөн кывйыс важ бöрын выльыс йöртöдлыны сйöс. Мөвпыштис весиг, кыдзи юавнысö, мед мöрччылис: «Тöдсаинад, шуан, локсьö на? А мортсö вöйтин, да абу шуштöм?» Но такöдис на асьсö вой улас пондысöмыс, мед оз вöчсы мыйкö скөр йывсыс: абу öд сьöкыд матыстчны сёрнион да путкыльтны пыжсö, кор петас Пиок Витеньыс ва вылас. Асылöдзыс шуис вичысылыны, медым сапкыны синмас: «А тэ батысö вöйтин!»— и кывтны гортас.

Рöмдан верхыдас на вöрзис кельчыис да шедыштавны кутис, а мыйон усис пемыдыс ва вылöдзыс, нянявлис мукöдлатыс ботансö. Öткөдь пöлöс вöли унджыкыс, син пырыс локтана, да гырысыджыкыс и манитöдыштит Васькаöс, сы вöсна мый кималаснас ковмис перъявны гыдсыс.

Ботаныслөн вылыс сюрöс помас, кузь йылыс, сямöд гöгыль вöли кöрталöма, мед пыр и сюрис чöвтлөм бöрас. Но пемыдысла сямöд гöгылыс вошласис жö ва вылас: тöдан эськö, көнкö танi, да он на тай аддзы матö нин вотöдз. Таыс и дöзмылис Васька да, позис кö, лэдзис эськö кодкö вылö дöзсö.

Пиок Витень ветлöдлис жö, кылö, пыжнас, пелыснас таркөдчылис и бурскансö на босьтлис. Но сыланьöсö Васька эз видзöдлывлы, медым асьсö оз вомдзав. Вильлаö вешйигөн лöсялис сыланьö синмөн и казялис ва вывсыс мыйкö вижоват лöзөн югзянаöс. Чуймылөмсыс и тойлис телепитыс матыстчывны да юавны, мый сэтшöмыс сылөн.

— Мый нö тэнад сдзсö югзьö?

— Волейбол камера. Пöльтан да кöрталан да оз нин ков корсьны ботан помтö. А колö тэныд?

— Колö эськö да... эм кö мöд?

— Эм, партук зептын. На, со.

— Аски бөр сета.

— Нинöмла. Тэнад и лоас.

— Но, аттьö.

Кöрталис Васька пöльтöм камерасö ботан помас, кузь йылас, да эз нин и сюрлы сэсся корсьöмсыс дöзмöмыс. Сьöд войнас петалис чом динас кок мудсö веськөдны да чай пузьöдны. Сöмын на биасис да öшöдис пöртсö, и Пиок Витеньыс локтит. Бара вöзйис: гашкö пö, мыйкö да... кынмöмсыд?

— Ме ог тöд, ичöтика кö ог,— сетчис Васька. И винасö, и калбассö на видлис тадикөн Пиок Витеньыслыс.

Эз и лысът сэсся асывнас каттысылыны сы вылö. Синсö лазгöдöмөн öд оз матыстчы да ныр улас намöд. Веськөдис пыжсö Виям ты вис вылас и кывтит гортас.

— Мый нö сэтшöм дзугыль?— юалис мамыс.— Шедöма на да!

— Мудзи.

Быдөнлы мортыдлы тыдавтём гижтас колё ас гөгөрыс. Мед век тёд вылад кутін да некор эн петав сэтысь. Некутшом гаг оз йир сэки ловтё. Дерт, он сюръя моз сулав олёмад, кувтөдзыд век мыйкё вөчан, кодкөдкё и зурасьлан, но мед югыдыс аслыд локтис, а эз кынөмтё тиркөдан долыдыс.

Судё шедліс Васька ар помас, да сысы на эз төдлы шогсё ни яйдзимсё, мөдарё, чивъяліс на ловнас выліті, сы вөсна мый аслас садь вылас сулаліс да эз и кыв мыжсё. И судьяыс, Нина Егоровна, коді коркё велөдліс сійөс, нюмдыліс на сылы бөрынас, көть и эз коль нёти мыжавтөг.

А судас сійө со кызди веськаліс. Вартны коліс, нянь поставкасьыс да МТС-ыслы натуроплатасьыс өдйөджык мынтөдчыны, а моль бөж вөтлыны сэтчө нөшта йөзсё мобилизуйтисны. Шуисны лун куимнэль жеждё, а вежон мысти на эз воны ыстылөм йөзыс.

Чужмудорё, вый вөчанінас, лэччыліс Васька верзьөмөн. Видчис сэтөн, мыйла чинтөмабсь налысь йөвсё. Синмас и шуис Подюковыслы, сәні нин сійө заваліс да, мый шышкалөны выйсё, а ыстысьөны кизьөр йөв вылө, оз кө дугдыны мудеравнысё, өдйө на кыяс найөс. И, збыльысь, аскинас лэччөдөм йөлыс и сукджык лобма вөлі.

Гортас нин бөр рөдтігөн видзөдліс сійө Эжва катыдыс, да пыр и усис син улас плашкоутыс, коді сулаліс чукыльсяньыс нюжалысь лыа бөж весьтас, куръя вомас. Куръяас и келалісны йөзыс, йөткалісны багыр йылысь сэтчө йөрмөм керсө.

Асьсё Васькаөс йирмөг бөстыліс, мөвпыштіс да, мый йиа ваас лоө пырны йөзыслы. И кыкис ветлыны плашкоут дінас, төдмавны көть, дыр-ө на кутасны йөзсё.

Ыджыд бипур өзйис кыркөтшас, кодкё мужичөй сулаліс сэтөн полевөй сумкаа, и сэтчө и вөтліс Васька вөвсё, кор петіс вөра верета вывсьыс, кыті нуөдіс ордымыс, Эжва дорас, видза кушинас. Вөлыс повзис бипурсьыс да табанитіс, и муртса эз тут ачыс муас. Резьдыліс-серөктіс таысь мужичөйыс, и вукөдны сійөс пондіс.

Чеччис Васька вөв вывсьыс да дом помнас өти кокас чотөдөмөн йирсьыны лэдзис. Магыстчис бипур дорас. Мужичөйыс дугдіс жө сәсся мышкырасьнысё, бергөдчис сылань чужөмөн... и Шмать Микол вөлөма, өгралө ныр-вомыс бисьыс да юөмсьыс, синмыс ыштөкө көнасьөма сотчөм йөв моз.

— Тэ нө нин мый тані?— юаліс Васька.

— Сюйисны да.

— Кытчө суйисны?

— Сплавучастокас. Начальникөн. Лөсьыд тэныд, некытчө оз вөрөдны да.

— Тэныд абу жө лёк. Би дорын со сулалан. Гажа.

— Лок гажөда, со тай!— сутшиктөдліс Шмать Миколсө.

Эжа вылас брезент вөлі вольсалөма, и няньсө и көтөдөм сола трескасө чукөраөн сэтчө вундалөма. Ва ведра да фляга тшөтш сувтөдөма. Тырыс кружка сэтөн и.

— Ог нин удзөд.

— Удзөдан! Джынйыс на, гашкө, флягаас!

— Спирт али мый?

— Но! Вина өд татчө оз вайны!

— Оз на эшты моль бөж вөтланыс?

— Аски. Тайө куръяыс нин и коли миян. Талун шабаш нин.

Кыпөдчавны кутісны йөзыс кыркөтш йылас, коді кысянь, да веськыда фляга дінас и локтавны. Довйөдліс на мукөдөс палявтөмсьыс: кынмы көть эн йиа ваад, а юрсьыд оз на регыдөн пет спиртыд. Медся

нин шуштõмыс вõлi сыысь, мый нывъясыс тшõtш вõлины руалõм синмабсь да бара на кисьталiсны аслыныс, эз кодкõ вõзйы-а.

Õти томиник ныв, кõсатор лэдзыштõма чышьян увсьыс, няргыштана шуис киас кружкаõн нин:

— Ой, ме ог сэссия.

— Мыйла он?— пыр и вомалiсны сийõс.

— Ог вермы.

— Сорав. Ныр улад тай ваыс.

— Ог неkyдз.

— А висьман кõ? Эн нõ изõймит? Кувны кõсьян?

И кывзисыс коньõр, чукрасьõмõн юис.

Пõрччалiсны ва паськõмнысõ да би гõгõрыс сэссия сувталiсны йõзыс. Морт ветымын, гашкõ, чукõрмис: и Кокадсаыс, и мукõд сиктсаыс. Торъя некод эз и яндысь улыс кышõднас косьтысигмозыс дзõрнясьõмысь.

Нывбабаясыдлõн эм серõс би дорад шонтысигõн водздорсõ лыбõдлыны. Таысь найõс нинõм и дивитнысõ. А Натальõс новлõдлiс нин кодс, родыштлытõг и тыдõдлiс лядвевейяссõ кызõдзыс.

— Яндзимтõ петкõдлан!— горõдiс сылы кодкõ.

— Мед, абу õд гусялõма!— вочаалiс сийõ да вылõджык на лэптылыс дõрõм мыгсõ.

— Эн йõйтав,— õлõдiс Васька.

— А тэ эськõ мый õтнад садьыс сулалан?

— Ме эг уяв да.

— Мед. А эн пуксьы сэн ютõмас!— И Наталь ветлiс да гумовтiс кружкаõн флягасьыс спиртсõ, вомас кисьтõмõн юктõдiс Васькаõс. Дерт, пыкис кõ сийõ, йõtкыштiс ли мый ли Натальсõ, сiдзõн на и помасис, а вывтiсõ пыксьõмыс сылõн эз жõ ло. Сõмын эз ставсõ ю-а, õвтыштана вештõдiс вом дорсьыс кружкасõ да тõдõмõн и солькнитõдiс сэтысь коляссõ.

Мõдысь Наталь эз нин вай спиртсõ, нуис тыртõм кружкасõ да нянь шõрõм да сола треска торсõ вайис:

— На, вомтõ вежлыны. Сэссия ужнайтам.

— Ог, ме гортõ.

— Но, он и видзõдлы, кызди ми олам?

— Сiдз аддза. Дурмõдõны тай йõзсõ.

— Кодi дурмõдõ?— шыасис Шмать Микол.— Оз нõ пõлагайтчы спиртыс? Пырав, кõдзыд-õ ваыс.

— Позьõ õд тупкавлыны быд татшõм курьясõ. Õти кер визьõн кõtь. Мед оз суй тõв паныднас мольсõ.

— Сэтчõ трос на колõ. А кытысь сы мындаыс?

— Сисьмõ тай эстõн важ сира гезйыс.

— Сийõ и кутас?!

— Мыйла нõ оз õти кер визьтõ? Лõнинсьыд?

— Ог тõд. Эг аддзыв.

— Он, дерт, лõсьыда на овсьõ да. Йõзсõ йиа ваõ, а водзõссõ спирт!

— Ме нõ думышти тайõс?

— А кõtь кодi!— дõжныштит Васька.— Сылы лõсьыда жõ овсьõ!

Лэдзõма лои тõрõщитан лёксõ, да пуксьыны эськõ и колiс Васькалы вõв вылас да гõнитны гортас, но педзис на би дорас, а сэссия мунавны кутiсны йõзыс плашкоут вылас, и тшõtш вõtчис Наталь бõрся, шуис сийõ да, чай стõкансõ пõ õд юан жõ.

Плашкоут бõжас сёянiн вõлi, кымынкõ пызан тõрмõна, и сэтчõ нин вõлi вайõмабсь флягасõ да ва доз моз сувтõдõмабсь пельсõ, бõртõм улõс вылõ. Кодi кõйõма, дарьясьõма на содтõдсõ, да сёйнысõ нин эз вермы, аклясис унзиль вывсьыс. А кодкõ и лизгырмунõма нин пызан саяс.

— Юан он?— юалис Шмать Микол.

— Ог,— буркнитіс Васька.

— Он кӧ ӧд, ме томнала да нуа.

— А вайышт на ичӧтикасӧ,— ырскӧбтіс Наталь.— Ми чай сорӧн ськӧд юам. Тэ пуксьы, пуксьы!— тойлаліс Васькаӧс тыртӧммӧм пызан сайӧ.

Бӧръяӧн нин петісны сӧсся найӧ кыкӧныс сӧянінсьыс. Плашкоут нырас вӧлі трапыс, и сэтчӧ нин мунігас Наталь восьтіс кутшӧмкӧ ӧдзӧс да кыкыштіс Васькаӧс сойбордйӧдыс.

Кык судта узыланін вӧлі векныдык вежӧсас. Выліас кодкӧ узис нин. Наталь калічаліс ӧдзӧссӧ да пӧрччӧдны кутіс Васькаӧс.

— Вай огӧ нин.

— Бара ыкшаасьны кӧсьян?

— Юрӧн овны?

— А ме кулӧма? Меным оз ков мужикыс?

— Метӧг аддзан.

— А ме, гашкӧ, аддзылі нин. Менам, гашкӧ, лоӧ нин кагаыд.

— Мый сӧсся менӧ вождан?

— А ӧтчыд кӧть мед тӧдла жӧ тӧнӧ.

— Мун,— йӧткыштіс Васька.— Дурмӧмыд нин. Ен ни садь!

— Тэ кодъ попыд меным! Чужъя вот!— эрыштчыліс Наталь. И збыльсь чужийс сылы бӧрсяныс петігас нин.

Мынӧма лои, да эз нин пыдди пукты тайӧс Васька. Долюдпырысь на мӧвпыштіс, мый эз вожасьлы Наталь вылас: колӧкӧ, сибӧдліс нин кодӧскӧ, мыйлакӧ ӧд казътыліс ачыс, а чужӧ кагаыс, да сысянь висьталас дай. Ӑні мед лысьтас кӧвъявнысӧ!

А сьӧкыд нин и вӧлӧма, пӧс чужтіс локтан гожӧмнас, Толясӧ. Нӧбасигас на Елиса юалӧма, кодсянь нӧ пӧ, да карсаӧс висьталӧма, сплавсьыс кутшӧмкӧ начальникӧс, воліс пӧ полуглиссерӧн, да ськӧд узи.

Но, а плашкоут вылас сӧки вирӧдзыс на скӧрмыліс Васька. Мӧдӧдчис нырланьыс да ырзана ойзӧм кыліс. Каліча ли эз вӧв ӧдзӧсыс, код тӧдас, нетшыштӧмсьыс тай гурийыв воссис-а. Шмать Микол сэн пеллаліс кияссӧ томиник нылыслыс, коді ӧнтай эз нин кӧсйыв юнысӧ да кывзысис, мед оз висьмы, и коддзӧмысла ӧні эз нин и вермы ӧнасӧ водзсасьны.

— Мый нӧ тэ вӧчан, а? Да пежӧс ме тӧнӧ!— уськӧдчис Васька да урӧс каньӧс моз и петкӧдіс Шмать Миколсӧ, сеталіс юрнас перилӧас. Вирсермунӧмасӧ нин зывӧка шыбитіс кысьыс.

Аскомысьнас воліс Кокадас следователь, да сысянь нин тӧдмаліс, мый лоӧма Шмать Миколыскӧд: пасьмунӧма пӧ чужӧмыс и юр вемыс вӧрзьӧма, больничаян куйлӧ.

— Сӧсся мый меным таысь?— юалис Васька.

— Судыс мый шуас.

— А асьсӧ оз ков судитны?

— Оз кӧсйы сійӧ нылыс судас сетны да. Нинӧм на пӧ эз вермы вӧчны.

— Эз, дерт, ме сэтчӧ лӧсялі да. Ӑтнам, сідзкӧ и, мыжаыс? Мыйыс и санӧді, артмӧ, пежӧс? Ӑтнамтӧ ме ог жӧ лок суд вылад.

— Куимнаннитӧ и корасны. Кырымась.

Чужмудорын, клубас, вӧлі судыс. Коркӧ ноябрь празник бӧрас нин. Вӧла-доддӧн, мича лым вывтӧ лӧччылісны гозъя. Мамыс мӧдӧдчыліс жӧ, да шусис Васькалӧн:

— Лок, видзӧдлан... важ мусук вылад.

— Мун, эн грекӧвӧйтчы,— дузгысис мамыс да кольччис.

Клуб сцена вылас сулаліс гӧрдӧн вевттьӧм пызаныс, а Васькаӧс, дерт, уліас пуксьӧдісны, скамья вылӧ, и кор тшӧктісны сувтнысӧ да

сцена сайсыыс медводзён петіс Нина Егоровнаыс, төдтөг эз ов Васька сійөс. Эз нин эськө шылыыд да еджыд вөв сылөн чужомыс, и юрсисө абу нин зэлыда сыналөма да балябөжас гаровтөма, но век на шань да видана видзөдласа.

Вом пельөсыс калькавліс Васькалөн вөзйысына нюмсыс, и ки мышнас ковмис сайөдлыны вомсө. А Нина Егоровнаыслөн некыті чужомыс эз вөрзыв, сөмын ышловзис сійө да лэдзыштліс юрсө, кор восьтіс ассыс папкасө.

Лыддисны сэсся мыжалан кывкөртөдсө, и Нина Егоровнаыс юалис:

— Тадзи вөлі, Русанов?

— Тадзи.

— Сідзкө, пуктан асьтө мыжаө?

— Ог.

— Мыйла он?

— Нинөмысь.

— Но тэ жө нөйтін Гужевсө. Вины вермин.

— Вины и коліс сійөс.

— А мыйла тэ локтін сэтчө?

— Юавны, дыр-ө на кутасны йөзсө. А налөн спирт флягаын.

— Тэ юин жө спиртсө?

— Юи.

— И волін Гужев вылас?

— Ме эг. Шуи и сөмын.

— Мый шуин?

— Лөсыйд, мися, гадзтө... йөзтө йиа ваад сүйнытө, спирт вайин, да оз нин ков думайтны нинөм.

— Лөгыд эз на вөв Гужев вылас?

— Эз. Плашкоут вылас на ветлі да. Чай юны.

— Спиртсө юин на сэтөн?

— Юи, чай сорнас.

— Сэсся, коддзин да, эн нин бура вежөрт?

— Эг кө өд, гортө эг мөдөдчы. И нинөм эг кывлы эськө. Синтөм гут и вөлі.

— А мый кывлін?

— Ырзана ойзөмсө и кылі. Нетшышти сэсся өдзөссө. А эсійө,— синбөжаліс Васька Шмать Миколсө, коді веськыдвылын сысянь пукаліс, улөс вылын,— личкөма нин вөлі да пєслалө кияссө... Но, и петкөді да санөді юрнас перилөас.

— Кымынысь?

— Ме эг лыдды.

— Но садь кө вөлін, дерт, эн сідзи вөч?

— Эг, дерт! Жалиті ме сійөс! Кымын дур йөзыслы, сымын бур сылы да. Абу нө водзын на став олөмыс томиник нывкаыслөн?

— Сідзкө, ассыд суд вөчин? Төдөмөн?

— Төдөмөн.

— И он каитчы өні?

— Ог.

— А мортыс висьөдчө да. Шыблөдлө сійөс. Лыддя справкасө?

— Вєськодь.

— Но, пуксы.

Та бөрын Нина Егоровнаыс юасис Шмать Миколлысь, и сійө өтарө мудералис, видзөдлыны пө пыри, а нылыс, коньөр, джоджас и усьөма вөлі, да лэпти узыланінас, а сійө код вывсыс мөд ног гөгөр-воис да горзыны кутіс.

Медбөрын нывсө чукөстісны посводзсыс, көні сылы тшөктылісны виччысынысө. Синсө тільөмөн и пырис сійө, да такөдіс сійөс Нина Егоровнаыс, а сэсся юалис:

— Рогова, пондыліс тэ дінё Гужевыс?

— Да.

— И мездіс Русановыс?

— Да.

Кутшом лоё прыговорыс, сысыс Васька өні эз нин майшась. Шешъяліс на ас кежас топыд вомён, да весиг сутшиктөдліс таыс сійс. Отпырысыён ставсыс, ичотдырсяныс босьтөмөн, ыштөкө водзөс косөдіс Шмать Миколыслыс, да мыйла кутас дількъявнысө? Да и прокурорыс сы вылө ёнасө эз жө каттысыс, вывтiasьомсыс сөмын и мыжаліс.

Сэтшөмтө да сэтшөмтө статьяс серти, но сійөстө арталөмөн да сійөстө төд вылын кутөмөн — кузь да гартола вөлі прыговорыс, кодс лыддисны коставлөм бөрас, и помсө нин и виччысис Васька да кывзысяна доровтліс юрсө, сы вөсна мый эз и дөзмы: квайт төлыс чөж кутасны кольөдны удждонсыс кызь прөчөнтөн, но и мед.

Помасис судыс, да Нина Егоровнаыс дзик нин мөд ног видзөдліс Васька вылө, онишыс моз куньтыртөм синмөн, и нюмыс сылөн петаліс. Таыс и збоймөдчис Васька да матыстчис сцена дінас:

— Здравствуйте, Нина Егоровна!

— Здравствуй, Вася!

— А ті судья нин вөлөмыдөсь.

— Да, вежсьө өд олөмыд. Коркө велөді тэнө, а өні вот судиті.

— Мед, таысьтө. Асьсө тай коліс да, Гужевсө.

— Абу сетөма Роговаыс да. А сідсө... мөрччис нин Гужевыслы.

Кутшөма көть олансө?

— Мыйкө тай... колхозад... кыс ёна бурасө?!

Нина Егоровнаыс зумыштчыліс да ышловзяна тапкис папкаас:

— Ме сайын өд закон жө.

Гортаныс кайигөн, корадоддяс ланьтөма пукалігөн, юаліс друг Лидияыс Васькалыс:

— Мый нө төдсаыд висьталіс?

— Ме сайын пө өд закон жө.

— А мый нө эськө?

— Нинөм эз сет, колөкө.

— Сійөн и сэтшөм?

— Кутшөм?

— Гөститны тай быттьө ветлөмыд.

— Пиньбс өд ог мурчйөдлы.

— Бара нөйт кодөскө. Кокни кинад.

— И нөйта, ог на видзөд быд пежыс вылө.

— А вомыд на тэнад... кокниа вөсьсө. Коркө и вомыдла верман веськавны. Тадзтө он мын сэки.

— Мый ме сэтшөмсө шулі, кодлы?

— А уполномоченнөйдылы, пажнайтны тай гортө вайөдлін? Казакалө пө өні колхозникид.

— А оз нө? Ставыс на донтөм доныс и мунө: няныс и, яйыс и, йөлыс и. Мыйыс лышкыдасяс колхозыс?

— А удтіс кө, муніс да? Со пө кыз Русановыс сёрнитө.

— Удтас прамөй морт?!

— Мыйөн төдан прамөйсө?

— Но, вартіс тшөтш миянкөд да, кольта мыччаліс?! Атомнөй бомба йылыс висьталіс и. Сы вөсна пө, гашкө, и сьөкыд на миянлы, мый атомнөй бомбасө ковмис вөчны, мед оз ыршась Америкаыс. Мортө өд аддзан, коді кутшөм.

— А лёк шөрө веськалан дай. Чужмудорыс со, висьталөны, кутшөмкө бабаөс... кутшөма чиршөдлөмаөсь, көзасө сталинскөй мөскөн шуөма да. А тэ нө шөдтөм?

Васькалӧн серамыс петалис кӧзасӧ тадзикӧн нимтӧмысь, и Лидияыс тувкыштӧс гурддзанас лӧгасьӧм вывсьыс.

— Лок, кутла бурджык,— сывъяліс Васька.

— Мыйысь нин... друг сэтчӧ... мелыд босытӧс?

— А шогалан на ме вӧсна да.

— Быть ӧд шогав,— нӧровтчис Лидияыс.

Вомыс вӧсна и шедліс сзэся Васька, да эз кӧ бара Чудов мезды сійӧс, код тӧдас, кор эськӧ бергӧдчис гортас.

Сӧвещание вӧлі, район пасытасьыс йӧзсӧ чукӧртӧмаӧсь. Сӧрнитисны Сталинлӧн выль книга йывсьыс, ошкисны дорыв, мый ӧні ставыслы тыдалана, кызди водзӧ нуӧдны видз-му овмӧссӧ.

— А кор миянлы кокныдыс лолӧ?— чепсасис нин сьӧлӧмыс, да шыасис сэтчӧ Васька.

— Кутшӧм кокныд? Мыйысь кокныд?— звирк сувтис да ярскӧба вомалис сьӧд кителя мортыс, кодӧ докладсӧ вӧчис.— Кодӧ тэ сэтшӧмыс, мед демагогиясӧ тан разводитны? Кытысь тэ кокныдсӧ виччысян без самоотверженного труда. Америка тэныд отсалас, по плану Маршала, понимаете ли? Кодӧ татшӧмыс?— бергӧдчыліс сэтчӧ-татчӧ, и йӧжгылтылысны орчлӧн пукалысьясыс. Чудов сзэся кыпӧдчис мышку сайсяныс да шӧпкӧдіс мыйкӧ сылы.— Вот и разберитчӧй кому следует!

Чеччыны да петны Васькалы ӧні эз позь, пышйӧмӧ эськӧ пуктисны, и юрсӧ лэдзӧмӧн лӧсьӧдчис кыскыны кадсӧ. Сьӧлӧмнас сійӧ эз на усь, мӧвпаліс, кутшӧм кокныдӧм йылысь висыталас, корасны ли нуӧдасны кӧ кытчӧкӧ. Тшӧтш и вӧлыс понда майшасис, мый вӧчнысӧ, асьсӧ кӧ оз нин лэдзны.

— Лок петалам,— тапнитис кодкӧ пельпомас. Пыркмунліс виччысьтӧмыс да эз и тӧд гӧлӧс сертиыс. Чудов, вӧлӧмкӧ.

Аслас кабинетас нуӧдис сійӧс Чудовыс, тшӧктис пуксыны, а ачыс ветлӧдлыштис на да юалис:

— Чипансӧ видзанныд гортад?

— Эм кымынкӧ.

— А петукуыс?

— Эм жӧ. Сытӧгыс ӧд...

— Но и кор сійӧ чуксасьӧ?

— Кор кадыс воас.

— А мыйла нӧ тэ кадсӧ он тӧд? Мыйла сэнісӧ шыасин?

— Кӧні нӧ коліс?

— Ме дінӧ мед локтін.

— А тэ эськӧ висыталін? Висытав, мыйла сідзисӧ артмӧ?

— Кыдзи?

— Но, хлопокуыс и, чайыс и, быд сэтшӧмторйыс, мый лунвылас быдмӧ, мый дона сувтӧ, а миян, мый поставка вылас мунӧ, нинӧм дон оз сувт. Кысыным быттьӧкӧ мырддьӧны. Истӧг кӧрӧб оз шед йӧв литра вылад. Кань серам!

— Сідзкӧ, оз на вермы государствоыс ставсӧ донӧн босытны. Муқӧд рӧскодыс на зэв уна сылӧн. Выль войнаысь нин колӧ видзчысьны, а важсьыс на, кызд шуасны, тшындӧ. Но олӧмыс кӧ лӧӧ, и кокныдыс лӧӧ. Мӧд ногыс ми орӧдам сиктсӧ, и ме ог тӧд, мый дон сувтас бӧрсӧ кыпӧдны. Колӧкӧ, вӧрсялӧм дыра ковмас виччысьны. Мусӧ мед оз ӧрны — вот мыйысь колӧ повнысӧ!

— Ме дор жӧ, сідзкӧ, тэ.

— А мый нӧ ме тэнӧ, ог гӧгӧрво?!

— Кӧть мед МТС-сьыс мездісны,— шуис Васька.— Гижлӧмаӧсь тай со Сталиныслы, колӧ пӧ тупкавны МТС-яссӧ, а тракторъяссӧ колхозьясыслы вузавны, да абу на мунӧма сы вылӧ. А бурджык эськӧ

вөлі мянлы. Кор колё да кызди колё эськё и уджаліс ас тракторыд. И натуроплатасё эз ков мынтыны.

— Мый вылө нё эськё тэ ньёбин тракторсё? Кёні тэнад деньга-ыд, кутшөм банкын?

— А тэдтё ми гөльдөбаас и колям!

— Он коль, абу кок пёла государствоыс. Өтинас кё водзё, и мөд-нас ковмас. Вот и терпитлы. А сьёлөмтё личөдны мекөд верман.

— А тэ омөльтчөмыд, Михаил Степанович. И эн тыдавлы мыйкё.

— Операция меным вөчисны.

— Мыйыськё?

— Язва двенадцатиперстной кишки. Кызди и лоё коминас?

— Язваыс — мылөд висьөм, а сьуйыс сійө — сёпөлөска. Шедлі жө өд нин тэныд. Кос сёяныс и сьёлөм нокыс.

— Но мед, абу кё рак. Вот мый!— видзөдліс Чудов часі вылас.— Помасяс регыд совещаниеыс. Пет өдйө да пуксы вөв додяд, и мед эн вөв тани!

— А юаласны кё, кёні пё эсіё...?— падъяліс на Васька.

— Гортас, мися, лэдзи. Нянь поставкатё тыртін? МТС-ыслы веш-тысин?

— Да.

— Мөскыд оз кулав?

— Оз.

— Но и эн сулав тан!

19

Нюкөсө вайөдіс визиркаыс, кытысь Прокё Васька кыйліс сьөд-бөжсө да йөйталөмысла тшыгылы узытөдліс асьсө.

Эз нин сійө предав колхозас, мыніс помала өшалан нопсыс, и петалис пальөдны вөралан гажсө.

Этшаникасө вөлыштис урыс, дас-дас витсө увтліс понйыс лунтыр-нас, но и ветлөдлөмыс шедліс. А жаялөм вывсыд да синтё перьян пемыднад абу на муса бөртө быд рыт бергөдчынытө, и войколөн пон-діс кытшлавны ылыс чомсянныс, ноддя дорын узылөмөн.

Войколөн жө и мөдөдчис сійө луннас. Кыт сөмын эз новлөдлы понйыс, а рөмдан веркыднас нин тайө нюкөс дінас чуксаліс увтан шынас. Сьөдбөжсө, вөлөмкө, туялөма да пырмөсө йөрмөдөма, пась-кыд вутш улө.

— Час, кыям!— такөдіс Прокё Васька понсө, мед оз на сэтшөма кодйысь пырмөсас. Пөрччис мышку сайсыс нопсө да ректіс вутш вылас став сёянсө, мый босьтліс. (Лунся ур-кыйдөсыс сьлөн лаз зеп-тас вөлі.) Сэсяя перйис ёсь да кутіс сутшйөдлыны вутш улас, а нопсө шуйга кинас лөсьөдіс пырмөс водзас, эз коль югыдсө. Өдйө и тьувк-нитіс сьөдбөжыс нопьяс да сэтысь и виис сійөс ёсьнас кучкышталө-мөн. Нимкодь быдөн лоис, мый татшөм кокниа шедіс сьөдбөжыс, лыйтөг ни понйыслөн курчавтөг, некыт эз и тшык кучикыс. Лаз зеп-тас жө и пуктіс сьөдбөжсө, а вутш вылас ректылөм сёянсө бөр сөвтис нопьяс. Кыпөдчис ягас конда корсьны ноддя вылас. Юрас весиг эз волю, кутшөма йөйталіс.

Кыян сьөдбөжтө да кульны кутан, да ывлаө көть пышйы, сэтшөм сьлөн лөк дукуыс, ныртө чашкө. Понйыд эськө оз нин сөй сійөс, да исөдөмсьыс на понтө несйөдлө.

Но мед нин яйыс сьөдбөжыслөн сэтшөм дука, ловьявывсыс на, кор пикө воас, кудз сямас сійө лэдзө. И Прокё Васькалы тайө эз нин төдтөм вөв, йөзыслысь кывліс и ачыс коркө казявліс, кызди пон-йыс ырс чеччыштліс бокө вөтөдігас нин, а вот тай эз и мөвпыштлы, мый нопсө вермас пежавны сьөдбөжыс.

Кыян рууд кор босьтас, сэк вунөдлан ставсө, медтыкө сөмын шедас. Нинөмысь он дөзмы бөрынас ас вылад, оз кө мыйкө сідзи ло, шуам, гачтө косялан ли чужөмтө парсыштан. Серамө бергөдан дай. Но тайө пөрийө эз артмы Прокө Васькалөн асьсө тадзи 'бурөдөмыс, матькөмысь на эз инась сьөлөмыс. Да и кызди инася, кор гурьялө кынөмыс, а эмыс оз пыр вомас. Ньоти сөянтөгыс кө войыс суис, эз на эськө татшөма дөнзы.

Нянь вөлі нопьяс, сукар, сюра рок, сакар, вый тор — ставсьыс кейөдлан дук паркйө, төбөдыс весиг абу видзөма. Пөртсө на ковмис пожьявны, пөсь васө мед пузьөдлыны. Чайтис на, мый төлалас сөяныс нитш вылас, да нурьясяс аски асывнас, но пөсь ва вылас на ковмис мунны ваймөм нодда дінсыс.

А понсө, дерт, эз узьтөд тшыгысө, кульөм урьясө сылы вердіс. Сэся понйыс вердіс жө сийөс, көндозмөрөс увтис лыйнысө. Манпассө дозйын вөлі нопьяс солыс, да абу тшыксьөма, и шогмис дозмөрсө пуны. Та вөсна лунсө эз на вошты, кымынкө урөс лыйис на чомьяс локтигас. Воис да веськөдіс няньөн сьөлөм нурсө, и лэччыліс ёляс пожьявны нопсө. Сэки вөлись петалис ас вылас серамыс.

Но мортлы та йылысь Прокө Васька эз висьтавлы. Мукөд дырйыс, гажмыштөма кө нөшта вөлі, кыв йылас нин воліс, а кодкө ыштөкө өлөдліс на, мый нө пө верстьө морт серам туяс асьтө лэдзан, кыв вөдитны али мый көсьян?

Өні, нюкөссө вуджигөн, гажөдліс жө асьсө коркөясө син водзас уськөдлөмөн. А кодысь кутас видзчысьнысө, коді тані юалас сылысь, мый нө пө шешьялан?

Та вөсна сэся эз и вермы дзик пырсө лөсьөдчыны водзө казтылөм вылас. Бара коліс дзугыльтчыны, медтыкө оз исковтсьы олөм горувыс да вунөдөмаөн мыйкө коль, ыштөкө эз и вөвлы, а шойччөдыштөма лои сьөлөмсө, да эз на и сибөд сьөлөмыс дзугыльсө. Йөнөд паныдыс восьлалігөн торшөдлыштіс весиг асьсө, мый со нин мыйта муніс весьшөрө. Сувтөдчыліс нарошнө, мед оз тыртөмавсьы водзөсө, и падмөдіс сэки сийөс тшын-курудөн волөм мөвпыс: «Но, казтывны кутас, ачыс аслыс моз норасьны, а мый таысь босьтассө, кутшөм за? Ловсө личөдлас и сөмын?»

Могтөма нөжмыдика тувччалөмөн кыпөдчис турунзьөм йөнөдсьыс и нитшкаинас воөм мыстиөн коз пу аддзис, код вылө пипу коркө чарөсалөмөн пөрөма да чегьялөма вылысьыс вөсныдджык вожсө, а воөма кызөдыс и өшйөма. Сісьмөм сьөмөса нин вөлөма пипуыс да сийөн и ратшкысьөма кутшөмкө төвнырысь, кырсьыс нин усьөма и сьөдөдз төрмөма, а век на өшалө козийыс вылын.

Перйис Прокө Васька тасма козьянсьыс черсө да тышнас и кучкис, мыйысь пипуыс жугавліс кузяласө да торьясөн гылаліс муас. Личкан сьөктасьыс мынөм козийыс тіркмуңлі йылөдзыс да вөрзыштавлөмөн веськөдчыны пондіс пөлынсьыс. Ловьяылөн — сылөн эз на сулавсьы ковтөм ногөныс, мед и кузь кад бөрын.

Тайө козийыс и чуйдіс Прокө Васькалы мөвпыштнысө, мый мортдыкөд тадзи жө овлө, сөмын лөкджыка на: өшьяс кодкө тэ вылө, колдөн сямыс ни мывкыдыс абу, куш ыджыдас пунктөмыс, да муөдзыс и кусыньтас, сетчан кө, и мынан нин сэся сыысь, да кольө на лов вылад мустөм неджөгыс. Сэтшөмыслы сетчытөмыс, морттуйтө асьыд чорыда кутөмыс и лөб тэнад ломзысьыс бинас. Гашкө, сы вөсна и сулалө казтывны вөлөмасө, мый видзөма на лои ашөр бисө да өнөдз на югзөдө сийө? Мед, оз кө уна йөзлы югзөд, аслыд сөмын, и то на бур. Мукөдыслөн и дзузган биыс оз овлы ас пытшас.

Тадзикөн Прокө Васька и лөсьөдчис казтывнысө. А панасыс сылөн вөлі нин, потшөс майгөс моз сатшкөма, и сөмын коліс водзө сюрсавны потшөссө да йөрө босьтны аслас олөмсьыс шедана кадколастсө.

Во джын мысти Сталин кулём бѳрас и кокньодісны тѳдчымѳн сиктсѳ. Мѳд синмѳн ыштѳкѳ видзѳдлісны да казялісны, мый сувталѳ нин сиктыс мудзѳм вѳв моз, оз нин вермы кыскыны вывтїа сѳвтѳм додьсѳ.

Но эз тай джѳмды таысь государствоыс, сы вылѳ на весиг муніс, мый МТС-яссѳ сѳсся бырѳдіс, тыдалана лои да, мый унджык на вермасны сетны колхозьясыс, он кѳ найѳс дзескѳд.

Ўдждѳд-ѳ и колхоз вѳлі Кокадас, а кык трактор лѳсьѳдісны, автомашина, пилорама. Дерт, ковмыліс Васькалы вензьяны та понда йѳз-ыскѳд: трудодень вылас найѳ корисны унджыкѳн юклыны сьѳмсѳ, а сїѳѳ мѳдарѳ синіс, бара мыйкѳ вылѳ видзтысьны. Дизельной станция нин кѳсйыліс нѳбны, би нюжѳдны. Чайтїс, ѳнітѳ предалас нин, тыр овмѳсѳдз лѳптас колхозсѳ, медым эз кедзовтѳмаѳн кывны асьнысѳ.

Но чѳвтїсны сїѳѳс предсьыс, йѳзыслысь весиг эз кывзыны. Ловъя кѳ вѳлі Чудовыс, гѳгѳрвоис и дорїис на эськѳ сїѳѳс, а выльысь операция вылѳ водтѳдѳмаѳсь морттѳ, да операциясѳ вѳчигас и кулѳма. Песлѳма нин, вѳлѳмкѳ, шань сьѳлѳмсѳ.

Ёсь ныр-вома да чилзан гѳлѳса Жутиков кутїс воывлыны, колѳ ли оз ков льяксыны. Армияс сїѳѳ кольчылѳма война бѳрас, лейтенантѳн век на бротьялѳма, сѳсся демобилизация улѳ веськалѳма да совпартшкола карын помалѳма. Вот и мѳдѳдѳмаѳсь ѳнмѳдны районсѳ, аслас висьталѳм серти кѳ. Но абу, тыдалѳ, тапкылѳма енмыс юрас, мыетшкѳ суйыштѳма вежѳрсѳ, кесьявны сѳмын и велалѳма, медтыкѳ тшѳктасны, ачыс нинѳм оз вермы чуйдыны ни вѳзйыны.

А олѳмыс руж на и пукис сылы, картїѳн моз локтана: то ѳти индѳд воѳма ѳдїѳ да кыв шутѳг мыйкѳ вѳчны, то мѳд сѳтшѳм. Кодзлалѳ синмыс долыдысла, мый мог сувтѳдѳмаѳсь сы водзѳ, и некутшѳм ыдьясьѳм абу, ѳна-ѳ колана да инѳ пуктана могыс.

Бѳбѳнянь понда Васька ськѳд медводзаясьсѳ зурасьліс.

— Миянлы нянь колѳ, а тѳнад турун быдмѳ му вылад!— вуззысис Жутиковыс.— Мед вѳлі гѳрѳма, и никаких отговорок. Об исполнении доложить.

— Гѳрнѳтѳ эськѳ абу дыр да. Бѳбѳняныс ѳд мусѳ на видзѳ изгармѳмсьыс. А куйѳдыд миян оз на тырмы быдлаѳ.

— Травопольенад тѳ менѳ эн повзьѳдлы.

— Да ми сїдз гѳрам, кѳні кунм вося нин бѳбѳняныс.

— Подчистую! Ме ачым прѳверита.

Ставсѳ бѳбѳнянѳс Васька эз на бырѳд, син водзѳ усянсѳ сѳмын, а вѳр сайѳдсьыс эз вѳрзьѳдлы. И кор ветлісны Жутиковыскѳд муяс вылас, мудеравны ковмис ѳтилаын. Заппес кодкѳ вѳчѳма, костѳдлѳма вѳр визьѳбсѳ, и тыдалїс орчча муяс, гѳрдѳн рѳмалїс бѳбѳнянь юрьясьыс. Медым оз видзѳдлы сѳтчѳ Жутиковыс, юалїс сылысь:

— Мыйла эн кольччы тѳ армияс?

— А мый тѳнѳ интересуйтѳ?

— Но, кыптїн эськѳ. Поляковникѳдз, гашкѳ.

— А танї мый мешайтѳ? В смысле карьеры кѳ?

— Нинѳм оз... зїль мортыдлы. Мукѳдыс воласны районсьыд, да гезїѳн он кыскы муяс вылад, а тѳ ачyd быдлаѳ... Тѳныд и туйыс.

— Посмотрим.

Мѳдысь Чужмудорын, сельсѳветас, Васька ськѳд тшетшїысис. Коськѳм бырѳдны индѳд воѳма, да сы могысь Жутиковыс чукѳртлїс йѳзсѳ, морт дас кымынѳс, кодлы медводз инмис тайѳ. Ачыс ыштѳкѳ ѳна нин виччысьѳма татшѳм индѳдсѳ, вечмасьѳмѳн и печласис кывнас, лудзѳм нырсѳ гыжйыштавлїг.

— Никаких паров! Все поняли?— помалїс сѳсся. Но казяліс Васькалысь вежынѳтчылѳмсѳ да чарѳстїс:— Русанов, ты понял меня?

— ѳнтай нин.

- А чего кривляешься?
- Юавны косья, пывсьывлан он.
- Ну, допустим. А причем тут это?
- А муыслы пывсян жö, коськöм улас кö кольöдлан. Небзяс и йöнсьыс мынлас. Чайтан, тэ ловъя, а сйö кулöма?
- Тогда почему ты свой огород под пар не оставляешь?
- Сэтысь нетшкан ёгсö и куйöдсö мылга сюян. Вердтöгыд муыд тэнö оз жö верд.
- У тебя что, торфа там мало?
- Торфыд сйö трунда на, комиён кö. Шоммöдö мусö. Сы динö быдтор на колö. Вай миниральнойтö!
- Нет, до тебя ничего не доходит. В тот раз ты с клевером у меня огрызался. Теперь вот с парами. Смотри, доиграешься!
- А тэ он ворс?— кывберитис Васька.— Кодкö көнкö шуöма кö, колö нин вöчны öдийöджык.
- А ты как думал? Плевали мы на все указания?! Каждый гектар у нас должен работать на урожай! Вот и весь разговор. В конце концов мы без тебя обойдемся.
- Эн и рочась либö. Вöтлам, шу комиён.
- А тебе что, русский язык не нравится?
- Ачyd.
- А это дело не меняет. И спуску тебе не будет. Ясно?— дзерöдана арыштчылис Жутиковыс.— А то дали, понимаешь, слабинку, и завертелся тут!
- Коськöм улас сйö тулыснас Васька эз и кольöд мусö, мед нин оз көвъясьны лов вылас: кодкö öд и Жутиков саяс на сулалö, да нöйтантор и вöчасны тэысь. Но эз на пасьталаыс туся нянь вылö кодз, водзöсö видзöдлис да. Мыйöн тöдан, кутшöм гожöмыс, кор вундынысö петасны? А öд сюсö бара ковмас кодзны, и мед эськö чужны удитис кынмавтöдзыс, көчлы йирсьыны позис петас вылас. Та вöсна анькытш сора зöр улö мукöд мусö босьтис, ытшкыны мед вежнас да мöсьяслы вердны, а сэсся гөрны да сэтчöясö и кодзны сюсö.
- Гожöмыс ыркыдалис, дөрöм кежысь гежöда и лэдзлис ывлаас, и сёрөн нин, коркö август помланьыс, нуръя шептöдыс воис няньыс. Но Васькалы нинöмла вöли виччысьны вундöмсö, да ас кадö и кодзис сюсö, и локтан тулыснас вежөн и чепöсийс öзимыс лым сылöм бöрас, некөн абу ойöстöма. А мукöдыс, кодi кывзысис Жутиковыслысь, чорыда пöръялисны асьнысö. Чужмудорсалөн сюыс öталегъя вöли петалöма, кельöймöм йыла, да кытсюрö выльысь на идйөн кодзисны.
- Но, мый бурыс, коськöмтö бырöдинныд да?— шутöгыс сэсся Васька эз жö эновтчы Жутиковыслы. Йöзыс дырйи жö и шуис Чужмудорын, сельсöветас.
- Тут дело еще и в погодных условиях. Прошлый год, и этот тоже...
- Яндзим нин колö тöдны поводдя вылад ыстысьнытö.
- Это почему же?
- Быд во поводдя мыжа да, ачыс некод абу-а. Оз öд кодкö веж ывлатö. Кутшöм му вылын олан, сы ног и лöсьöдчы.
- А что ты, собственно, зубоскалишь тут?
- А менам сё пудйөн на воис сюыд. А коськöм бöрся кö вöли кöдзöма да бурджыка куйöдалöмён, и унджыкөн на эськö.
- Ну, и откуда у тебя такой урожай?
- Енмыс сетис. Ме карö кайли тулыснас да вичкö ветли, сись пукти.
- Прекрати! Пока не вывели!— тотшкöдчыны моз и нюжöдчылис

Жутиковыс маті стенланьыс, код сайын вöлі участкөвöйыслөн вежö-сыс.

Коймöдыс Васька ськөд вежмасис, кор кукурузасыс пыкис. Öти тулыс кöдзлісны нин кукурузасö, медся бур мусö конюшня сай-сыс торйöдлісны, мыйта куйöдсö суйисны, а кык весьтыс эз и быд-мыв, ытшкынысö весиг эз сулав: гежöд да быгалöм коръя. Мöсьясöс сөсся лэзлісны, мед нин кöть йирасны, да найö на пискаасисны, дув-мунöмөн сувталісны. Сідзи и вошис уджыс.

Чайтисны, оз нин сөсся тувъявны кукурузасö, а бара на вожасис Жутиковыс, мед пö вöлі кöдзöма. Плакат разьліс Васька водзö, тэныд пö буретш тайö инмö. Кукурузаыслыс кольсö вöлі сэтчö петкöдлöма лупа пыр видзöдöмөн, и быд тусь порсь юрö пөрöма ыдждöдөмсьыс.

Но плакаттö Васька эз на пыдди пукты, и карточкаяс сөки кыс-кис Жутиковыс папкасыс, паськөдөм тетрадь гырсяöс. Быд карточка вылын кукуруза, да мортысь на джуджыд. Сідзикөн и снимайтöма, мортыскöд орчкөдөмөн, мед чуймалан да он нин сэн ыдъясь: тырлан веж көрымнад, кöдзан кө.

— Көн нö татшöмыс?

— Тані миян,— нимкоддысла комиён вочавидзис Жутиковыс.

— Кутшöм колхозын?

— Карын, опытной станцияс.

— Сэтөн позьö. Төв сайö кöдзөмнад, пызан пасьта град вылад, да быд лунтö чередитöмнад.

— А тэныд эськө мед... без ухода?

— Меным некор вомнас пöлясьнысö.

— Значит, он кöдз?

— Öг. Матькөдіс нин кольöм во... кукурузаыд тэнад.

— Тогда заставим.

— Мун, шуа мыйкө квадратнö-гнездөвöя,— чушмунліс Васька.

— Выбирай! Или ты сеешь кукурузу, или — на стол печать колхоза!

— А тэ менö бөрйылін предас?

— Народ мы соберем. Но это тебя не спасет.

— Видзöдлам.

— Мы тебя вырвем, как... не знаю!— чилöстис Жутиковыс.— Ты нам по закону ответишь... за преступное отношение... к вышестоящим указаниям. Мы тебя упрячем так, что...!

— Коли нин сійö кадыд.

— Найдем статью!

— А тэ абу нутреч?— наяна шыньмунліс Васька.

— Ы-ы-ы,— быттьöкө шеваыс чукöстчыліс Жутиковыслөн.

— Кодлы мый оз сет но енмыс?! Меным тай сывны абу сетöма, дай мый сөсся вöчан?!— кывпесис на Васька.

— Я-я-я... строевик был!— синваыс доршасьтöдз мыкталіс Жутиковыс.— А ты у меня еще поплачешь!— ыршасяна петис колхоз правлениесыс.

Аскомысьнас и вежисны Васькаöс предсьыс. Куимөн локтисны та могысь Кокадас: райисполкомсьыс предсö вежысыс, Жутиковыс бара да Чужмудорысь Налог Педьö. Война бöрас сійö налог перйис, сик-тысь сиктö и ветлөдліс, эз öд этшатор пычкывны йöзыдлысь, да та вöсна и нимтисны сійöс тадзисö. Но, а бырөдісны быдсяма налогсö. и уджтöг мортыд коли.

Васька пыр и вежөртіс, мый сы пыдди пуктыны вайöдöмаöсь Налог Педьöсö. А мöдыс шпыннйлö очсышталöмөн, ыштöкө тыра пызан сайö чукöстөм виччысьö. Ньöти абу падъялөмыс, мый на йöзыс шу-асны.

Райисполкомсаыс кывсö босьтис да сэтчö вайөдіс сёрнисö, мый

няньыд öнi и лэптöм муяс вылысь воö, и комилöн могыс — унджык йöв да яй вöчны, а, сiдзкö, ёнмöдны кöрым база да вöдитны сэтшöм вына культура, кызди кукуруза, но Русановлы тайö ньöти оз инмы, аснырасьö да некодöс пыдди оз пукты, и оз позь водзö кольны сийöс председательнас.

Лигышмунлис Васька нимкодысла, ыштöкö висьöмысь сийöс лэдзис, кор шыасялисны йöзыс öти бөрся мöд: тiяны пö, гашкö, и оз шогмы, а мияны нинöмысь на норасьны сы вылö, некод вылö на эз лёкавлы да некодöс эз ви тшыгла, öти олöмөн на олис миянкöд да енсö и вичкосö миянлы вежис, и тiян кукуруза вöсна ми огö на пурöй тани сийöс пон чукөр моз, сийöс кö вöтланныд, и миянöс вöтлöй кытчöкö.

— А тi мöвпыштлинныд, кодлөн муыс?— вочаалис райисполкомсаыс.

— Колхозлөн.

— Абуджык. Колхозыдлы сöмын век кежлö сетöма, а муыс госу- дарстволөн.

— А государствоыд эз на дасьсö миянлы сет. Вөр улысь на миян тани вöчöма. И быд олысьлөн на аслас вöли муторйыс.

— Дедöяслы на колö пасибöсö висътавны,— суйсис коймöд.

— Көть мед кызди, а помсянь помöдз ставыс государстволөн. Тшöтш и муыс. И мый сэтчö кодзнысö, абу Русановлы öтнаслы шуöма. Тi верманныд сы дор сувтны, а ми прокурорлы делöсö сетам. Тайöс тi кöсьяныд?

— Да мед вежöны,— шуис Васька.— Ог на ме пышйы кытчöкö. Со тай вайöдöмаöсь нин мортсö.

— А Налог Педьбыд миянлы оз жö ков.

— Мынлöма нин сыысь, да бара?

— Довъявнысö сийöс татчö?

— Мед видлö но,— лөньюдiс Васька йöзсö.— Колöкö, уджалас? А ме — кытчö ковмас. Юрöй менам таысь оз на усь.

Нинöмөн на сэтшöмасö эз кедзовт енмыс, да вылö пуксян висьöмыс сылы эз и пыравлы. Та вöсна сийö эз и пöж гуся дойсö, мый вöтлис- ны предсьыс, мöдарö, лача на кутiс, мый коркö сы ног на бергöдас олöмыс, дугöдас мунас дурöмысь, и волас на сылы нимкодыс. Но дiлькмунлис, дерт, сьöлöмыс, курзьöдлiс горшсö, мый эз сетны ас ыджыдөн овнысö: кызд көть шу, а колхозыс сылы мыйкö аслыс вылö вöчантор кодь нин и вöли.

Кийыс и синмыс судзсьылис Васькалөн колхозыслы, да мырдысьөн да чиршöдлөмөн эз и ковлы уджöдны йöзсö, тшöктынысö весиг коланлуныс ёнасö эз вöвлы. Эскисны нин сылы йöзыс, да шуöмыс да чуйдöмыс и тырмылис налы. «Аскисянь кö эськö петам, этадз кö эськö вöчам, тайöс кö эськö эштöдам...»,— тадзикөн и сёрнитлис сийö, сы вöсна мый морт нога татшöм сёрни дiнас сэсся нинöм эз и ков, сöмын аслыд колiс морттуйтö видзны.

И Налог Педьöлы, кодöс сiдзи нин мустöмтiсны йöзыс, колiс эськö ыкшаасьтöг жö асьсö кутны, мыжмöдчыны на, гашкö, йöзыс водзын, вывтi пö и чорыдасьли, кор налогтö чукöртлi, да лөгаланныд на, колöкö, ме вылö, но эг öд ме аслам лёкöйла, и менö позьö жö гөгөрвоны, сэтшöм нин уджыс менам вöли да. Шуис кö эськö тадзи, öти потшкөн да көть поскасис йöзыскöд, а сийö шор сайö моз и кольöдчис. И райисполкомсаыс (овыс сылөн Васькалы эз и öшйыв юрас) ни Жутиковыс эз жö öлöдны, оз пö эськö ков тадзи асьтö лэптыны. Тыдалö, ньöти эз и парскы налы тайö, сы вöсна мый асьнысö найб поньöд туйб на пуктiсны йöзыс вылас, кызди тай кос турун юрö куртан да лөптор пуктан, мед оз нöбöд тöлыс.

Сэсянь йөткысис Налог Педьöыс сёрнинас, мый со вот ыштöдiсны районса ёртгясыс, да лöб öд кывзысьны, и босьтчас предавнысö, öти

гөрөдөн ставсө корталас, мед кисыс оз мынлы колхозыс дзоньнас, но мед и чорыд удждон сылөн вөлі быд төлысь. Васька эз шыасьлы татчө, медым оз чайтны, мый водзөс нин босьтө сійө Налог Педьбыслысь, а йөзыс, дерт, шызылысны, мед пө петкөдлас асьсө уджнас да вөлись чорыд удждонсө корас. Но, төдөмысь, сёрниыс вөлөма жө нин та кузя, да постановлениебн ланьтөдіс йөзсө Жутиковыс, со пө гижөма тани веськыда, мый чорыд удждон сетсө выльөн бөрийөм председателысьлы, нөшта нин мөд удж вылысь кө мортыс вуджө, и мед талун жө и сетөма вөлі Соровыслы.

Воддза серөсыс на вөдитіс Налог Педьбөсө, да водзпөряныыс и вежөн муніс сылөн предалөмыс, важ дінас содтөдөн сөмын лөгөдіс йөзсө. Лөсьыд вөлі сылы налогтө перйыны, ыджыдавын быдөн вылын, эмбуртө гижалөмөн повзөдлыны: кевмысьөны синва сорөн, гашкө пө виччысьлан, мукөд мортыслөн кө сьөлөмыс потас, а сійө жерьялө на сэтөн, төдө да, мый некытчө сыысь юртө суйны, он кө петляө. И лоис преднас да бара пондіс увтыртны йөзсө, кыз-мый вермө дойдавын: оз лючки шу ли инды, а чиршөдлөмөн, ыштөкө накажиталө мыйкө вөчны тшөктөмнас, и шыннялөмөн на ворсөдчө вомыс. Коді нө та бөрын усыкөдчас да бура мыйкө вөчас? Кийывсөн и пондісны уджавны йөзыс, медтыкө луныс кольө, и водзөс на аслыс вөзьявны.

— Шу но йөзыслы!— Васька дінө сэсся могмөдчис Налог Педьбөыс.

— Мый шуа?

— Но, мед кывзысисны менсьым.

— Абу өд вильыш посни найө. Асьныс вежөраөсь.

— А вельмөмаөсь нин. Кыв шуны он куж.

— Он и куж, сідзкө,— гарыштіс Васька.

— Мый нө мен, теткөдчыны колө накөд? Вывті ло!

— Мыйла нө вывті, бурөн кө? Бурыс өд и буретшыс йөзыслы.

— А мед төдөны жө местасө.

— Кутшөм места?

— Коді кытөн,— увсянь вылө, тшупөдысь тшупөдө моз, лэптыліс кисө Налог Педьбө.

— Коді муын, сідзкө, вөйшөдлыны найөс позьө? Мед гызьялөны ыжъяс моз?

— Мед и гызьялөны, сідзи кө шуны. Öти мян кодкө ыджыдыс, кытысь он босьт. А колхозас ме тани.

— Ыджыдыслы нө оз ков морттуйыс?

— Та вылө тэ эн ыстысь. Чайтан, ог аддзы?

— Мый?

— Дузьялан ме вылө. А йөзыс тэ бөрся. Вот и ставыс.

— Либө и кыскы асладорыд йөзсө.

— Кыз нө ме найөс кыска?

— Сямтө веж!— дөжныштіс Васька.

Но сямтө вежны өд пывсянө он ветлы, и мыйкө дыра мысти бара могмөдчис Налог Педьбөыс. Чужмудорысь кывтыдас көрт туй пос вөчисны Эжва вомөныс, да мед эськө сэтчө Васька пырис удж вылас.

— Мыйкө... регыд восьтасны поссө.

— Мед восьтөны. Сы вылө өд и вөчисны.

— А йөзөс нин корсьөны. Татчөссө.

— Мыйла?

— Видзны поссө.

— Сэсся меным висьталан?

— А мый нө эськө? Сьөкыд винтовканад сулавны?

— Дөзман... сюзь мозыд сэтөн.

— Он өд помся кут. Сутки сулалан, куимөс гортад.

— Сійө и бурыс?

— Абу сөмын. Мукөдторйөн на.

— Мыйён?

— Обмундирование сетасны. Уджон, мый сэн пөлагайтчө. Мө-дыс пенсия кутас локны. Бурджык на, ме чайта, колхозад дорысь.

— Гашкө.

— Окотитан кө, ме лэдза-а.

— Ог.

— Мыйла он? Сэтшөм удж да!

— Меным кийлы уджыс колө.

Эз вермы Васькаысь тадзисө мынтөдчыны, а висьөдіс нин, буракө, Налог Педьөсө, и зыртласьны кутіс сы вылө, а медбөрын и штрапуйтіс. Оз вотны межа гөгөрсьыс ветлөмаөсь ныв-посниыс, тшөтш и Васькалөн Зояыс, да абу топыда пөдлалөмаөсь дзирьясө, и чаньяс сөсся пыралөмаөсь кукуруза му вылас да быгласьмөаөсь сэтөн.

Ланьтөдчыны эськө коліс Васькалы, а сійөс дзерөдны на кыкис Налог Педьөсө. Шешъялөмөн и шунс йөзыс дырйи:

— Налы өд көнкө колө жө быгласьнысө, чаньясыслы. Лөдз-ном-йыс өні найөс кутшөма дөзмөдө. А куш мутө аддзөны.

— Көні куш муыс?— пузис Налог Педьөыс.

— А мый нө, сука петалөма кукурузаыд? Абу өтка-өтка да няр-зөма нин? Вөлісь на өд пуксис шоныдыс, Петыр луныс коли нин-а.

— Сыысь и нимкодь?

— Нимкодь. Нинөмла вөлі мөдысьсө йөйтавны.

— А нывтө он аддзы? Сюя вот аслыд травитөмсьыс, да казялан.

— Сюй... Лөсьыдджык лоө дорйысьнытө арнас. Кутшөм бур, шу, вөлі кукурузаыс, да со мый вөчисны. Бур өд вөлі, пуритө сөмын?!— наяна каймөстіс Васька йөзыслы.

Виньдыліс таысь Налог Педьөыс, пановтөмаөн асьсө кыліс да. Но штрапсө Васькалы суйыс на бөрынас, дас шайт, кум лунся удж-дон эсья кадө.

Васька эз и ырьянит, көть и вермис: колхозыслөн правлениеас өд кольліс на сійө. Загөр курыдөс моз и нылыштис штрапсө, кайтіс на сэтчө да, мед сылөн нылыс и лоө мыжаыс дзирьясө пөдлавтөмысь. Ас жежас сөмын мөвпыштис, мый коркө доньялас жө Налог Педьөсө. И доньяліс регыд мысти.

Видз вылө петөмсяныс чөвтис Васька да сійө луннас чөвтни жө и лэчис. Төрытъя вайөм трактор доддыс лөсьөдтөм на вөлі, да кераліс орчча сөнсьыс бадьсө, пукталіс увтөн додь вылас, мед эз вөйлась туруныс муөдзыс да кыкы улисө.

Кодкө воас на ачыс возмөстчыліс, медым трактор додьяс вылө чөвтни турунсө: оз нин ков төвнас вөлөн ваясьны, локтін да домасин тракторнад, и өтчыдысьөн воас тонна вита зорөдыд мөс карта дінад. Дерт, уна коліс трактор доддыс, быд видз вылө өти-кыкыд, но эз өд ков нббны кыскө керсө, дай кум кер и муніс додь вылас: кыкыс сювяяс пыддыс, а коймөдыс, чинталөмөн, письяс пыддыс.

Өні на совхозыс тадзи вөчө, кытысь оз вермы прессуйтны турунсө. Сөмын тракторөн нин чөвтө-а: юрнас и босьтас тракторыс да ваяс додь дінас, шлап пуктас кытчө колө. Разөдыштін сөсся лэбыннад чукөра турунсө да талялыштін, и содө уджыд.

А ськи, казьятылан лунас, манитіс зэрыс чөвтөмсьыс. Воалісны йөзыс, и шливгыны кутіс. Турунсө и асьнысө көтөдіс. Дзесбылісны эськө кыз пу улө, коді веретя вылас видзана и сулаліс, да кыз пуыд өд оз сайөд сувтса зэрсьыд, өдйө письталө сісь вевт моз.

Ковмис пазөдавлыны турун юрьясө, мед өдйөджык шуралісны, и аслыныслы косьятысьнысө биасьлыны. Чуйднысө Васькалы сөмын и тырмыліс, өдйө тай томүловыс кыскалісны быдеяма лөпсө сөнсьыс, кытчө ытванас вөлі суйлөма.

Би дорад өд гажа, унанад кор нөшта. Оти мыйкө шуас, мөд сод-тас, и гартчө сёрнид, тешө кеждө. Қывзыштіс Васька да тшөтш сюртчис шмонитөмас, дольыштіс Коктөм Қөсьта моз збыльысьөн, ыв-сөдлыштны мед томуловсө.

— Менө вот коркө коч люкавліс, да сійө-а.

— Но, ылөдчан эськө!

— Мыйла нө верстьө морт ылөдчыны кута? Либө ог и висьтав.

— А висьтав!

— Онө эскөй да.

— А бөрынас! Збыль абу.

— Збыль, дерт! Муна вөлі аслам ордымөд, а коч паныд тривк-сьөдө, оз и пов ньөти, жерйөдлө порота вом дорсө. Ме ог кеж, ни сійө оз кеж, вылысө и локтө. Повзи быдөн, мый и вөчны? Понийө оз тыдав, шөйтө көнкө, пищальөй мышкын, воысалөма, черөй тасма козьянын, кор на кыскан сійөс... Ой-я да! Ош кө вөлі, ачыс эськө сувтіс да сярк-нитіс гыжнас, мед эг матыстчы, а көчылдөн өд видзчысьөмыд абу. Бөрсяныс вөтөдөмысь сійө пышйө, этайө трактор додь вомөныс чеч-чыштас, ковмас кө, а водзвылад сылы көть мед коді. И люкаліс, тітш-кис чорыд юнас өдөбывысьыс шуйга пидзөсө. Сэтчө ме и ляпмунлі. Оз нө доймыс пидзөсыд, муртса кытчөкө и инмылас да?

— Сэся?

— Чомийө сэся чотликти. Лун дай мөдөс тупляси. Йөзыс вөралө-ны, а ме ойза. Со на кутшөм көчыдкөд паныдасылөмыд. Оні ме ош-кысь ногө и пола сы лешакысь.

— А ылөдлін, вот!

— А ті кывзінныд, вот жө!

Томуловыслы өні некытчө овлө воштысьнысө гожөмнас. Тырыс техникаыд лои, да быдторсө звеноын вөчөны, и матө оз сибөдлыны найөс збыль удж дінас. А налы эськө колө, мед верстьөыскөд өтисор мыйкө уджалысны. Ворсөдчөмыд налы парскө нин. Вот и мунө пинь кырлөм верстьөыс да на костын. Томуловыс верстьө вылас дузьялөны, мыйла найөс ичөт туяс пуктөны, а верстьөыс — на ылө, мыйла бара вильшасыөмаөсь.

Колхозас сэки верстьөыслөн да томуловыслөн уджыс ыштөкө өти пыжөн и муніс. Қымын видз нин пуктісны, кымын трактор додь нин чөвтисны турунсө, а юрсө өд найө кыскалісны. И кывзысисны Васька-лысь, сөмын шуны налы коліс бурыйсьөн, вай пө тайөс идраламөй нин син водзысь.

Уджач да вежөра йөз и быдмисны. А мый көчыслөн люкалөм йы-лысь кывзисны, нинөм сэн абу тешкодчыс. Верстьө мортсыс кывзылан быд сөрөмсө, ловтө личөдлан, а налы нө оз ков гажыс? Медся на өна колө! Гажыс налөн и дзользөмыс лэбачьяслөн моз.

Мыйкө мөдтор на көсйыліс висьтавны Васька томуловыслы, мед бара гизыштісны, сысьяліс нин юр пырыс мыйсюрө тешкодчыс, и воис сэтчө Налог Педьөыс кыккокйыв вөвсө вөтлөмөн.

— Сулавны тіянос татчө ыстөма, да?

— Эз нө зэр?— вомаліс Васька.

— А мыччасьө нин со шондіыс, сійөс он аддзы?

— Турун вылас тэ видзөдлы, руалө оз.

— Ничего, позьө нин чөвтны,— назгыштіс Налог Педьөыс.

— Эн бызгы.

— А вот сюя бара... йөзсө и уджсө дзугөмысь! Гижа «дезоргани-зация», да төдлан сэки!

— А ме вот гижйөдла жө бөртө и водзтө, он кө мун татысь!— сыркмунліс Васька скөрысла да кесйөдіс томуловсө.— Ноко, вайлө менсьым эстысь кык вожа лэбынсө.— Отитөг ризөдлісны найө да

мырддысьомон и вайисны.— Найдыш понйос тэнö сідз нин вердöны, да пурсыны лысьтан?

— И таысь тэ öтветитан!— бöрынтьіс вöвсö Налог Педьöыс.

— А тэ нинöмдысь он? Пöдö уль туруныс зорöдас, да веськодь тэ-ныд? Кукурузанад көсян скöтсö тöвйöдны? Шленыс мед мөстөг оло? Лэпта вот юрöдыд да чöвта сёнас! Тэтөг тöдöны, мый вöчнысö. Мун, тебене...!— сатшкис Васька лэбынсö муас.

Татчö и йöзыслөн кывйыс воссис:

— Мун, син вежан!

— Вир тшыкöдысь!

— Усян мед из вылö да пасьмунан!

Вöлыс эз кывзысь ли ачыс лёксö песіс да сідзисö веськöдліс, чук-льöдлёмон и рöдтіс сэсся Налог Педьöыс. Видз помас вөр ді вöлі, да саявліс сэтчö, дыркодь эз мыччысь Энь ю дорас кежöдан туй вылас, а мыччысис да, вöвсö поводöдыс нин нуöдіс. Мөрччис, тыдалö, чезда-ліс кытікö пытшкөсас, мый эз нин эськö кивыль керлыны сы водзын дай лөгсö на лэдзисны.

И эз нин лысьт Васькалы штрапсö суйны ни удтыны сійöс. Веж-сис на ыштöкö та бöрын, лчыд вома лои йöзыскöд. Öтчыд, пажнай-тіганыс, тешкодьтор на думсьыс висьталіс, оз-ö серöктыны да бурась-ны тадзикон сы вылö, регыд пö став ныла-зонмасö, кодьяс гöтрасьöны, космосö кутасны кыпöдлыны, и лöсяласны кө сэтön, вöлись и гиж-сьöдны. Но некод эз ыкнитлы ни кывйö кучысь, мөсьяслы моз и лои висьталöмыс. Ланьтöдчис сэки да кöйялыштіс, судзöдчыліс нёрла да пондіс парьявны мусö.

Коркö та бöрын и большöма вöлі гöтырыс сельпо лавкаын, Педөр-лы пö миян дөнзёма нин предалöмыс, во помöдзыс көсий нин кыс-кыны, а сэсся чөвтчыны; а ме пö шуи жö сылы, мый честьö он волы, а татчö асьтö и жугöдан, он кө дугды; грамотной мортыдлы пö сылы уджыд бара на сюрас кутшöмкө, чер оз на ковмы босьтны киас.

Но эз и ковмы чөвтчы Налог Педьöсö иредьсыс, ни аслыс сылы вечмасьомон дугдынысö, сы вöсна мый во помöдзыс нин и оліс колхоз-ыс. Выль во бöрас совхоз котыртисны Чужмудорас, да сэтчö и öтла-алисны сельсоветувсьыс став колхозсö: көні отделение лои, көні ком-плексной бригада. Кокадысь бригада жö вöчисны, и совхозса дирек-торыс воліс Васька дінö сёрнион, мед босьтчас бригадиравнысö, бур удждон весиг қөйысис, но сійö пыксис, кодöскö мөдöс, шуис, аддзöй. И вайисны сэсся мортсö — Роч Тоняöс.

Эз вöв Васькалы сёлөм сертиыс совхозыс, да сійөн и пыксис: ас юрнас сылы оз сетны овны, кеслач туйö и лоö, да мый морла нин бось-тас ас вылас помасьлытöм ноксö? Овмөдчыліс нин колхозыс, а кисьт-нысö эськö эз сетны Налог Педьöыслы, и нинöмла вöлі совхозас ву-дждöднысö, лыддис сійö. Та вöсна водзпöрсö весиг öтдортчана асьсö кутіс, мед мый вöчöны, сылөн могыс ичöt, удж вылас тай, кытчö ин-дасны, ветльвлö-а.

Но Роч Тоняыс, ичötик да тэрыб, нюмсермуныштöма вомыс, узи-гас, колöкö, оз тупкысьлы, лöзалан дзирыдöсь пыськөс синма, Вөлөг-даланысь ачыс, техникум бöрын, сибаліс сы дінö и тальдіс аслас туйöд.

— Дядь Вась, Вы не сделаете мне это?— кевмысяна нисьö ышö-дана шуас öдйөнника да сэк кості на удитлас куим-нельысь юрсö до-ровтлыны, и изйыс вөрзян, непöштö мортыд. Кагаөн он шу, а кага быттьö и лои сійö Васькалы: кывзысьнытö колö и яндысьнытö на лё-катö мыйкö вöчöмысь.

А йöзыс, медся нин олöма аныыс, пыр и ыштісны совхоз вылас: öти-кö, удждон воис, кыкысь на тöлысьнас, майшасьны эз ков, мыйкö юкласны оз во помнас, а мөд-кö, пенсия вылö позис петавны излетыс-

лы, кызди сэки шулісны арлыдсьыс петомасё, сомьн коліс на во-мод уджавны налы совхозас.

Вот тайо законьс и бёрддзодіс унаёс пёрысьсё. Коді вермодчис, уджаліс на совхозас, мый дыра колосё, да босьтны кутіс пенсияёс (мамыс на Васькалөн ветымын куим шайтөдз шедодчис, мосьяс дорё пыраліс да), а коді эз нин вермы, сійо и кедзвотма коли — көкьямыс шайт сэтшөмыслы, ли дас кык уна вылас. Комын өкмысод восянь босьтөмаёсь колхозас уджаломсё, да эз и тырмы стажыс сэтшөмыслөн. Мыйлакё сідзикөн лөсьбөдөмаёсь законсё, ыштөкө водзджыксё некөн некод абу и уджавлөма?

Кытчө сомьн эз гижлы Васька, Москвад весиг, но некодлы нинөм эз и вермы перйыны — өти пөлөс быдлаыс воліс воча кывйыс, мед пö уджыштисны совхозас да сэсян нин и петісны пенсия вылас. Но од вермытөгыс мортыс уджсё оз бергөд!

Пекла ичиньыс тшөтш веськаліс сэтшөмыс лыдө. Кыыс и кокыс эськө сылөн, кыз шуасны, аслас на вөлісны, да синмыс тускассис, би югыд сомьн и кутіс аддзыштны. Карө, больничаё, катөдлісны сійөс, да эз на водтөдны операция вылас, во кымын пö колө виччысьлыны, мед ёнджыка кеняяс. Но восө сійө эз нин и ов сэся: пойгис-пойгис забеднөйсла, коркө пö эькө уджалі жө да, и куліс. Сьөлөмыс, көнкө, потіс.

Көктөм Көсьталы этшаник жө локтіс пенсияыс, кызди Гражданскөй войнасә инвалидлы. Тайо война вылас кө воштис кок пөвсө, и то на ыджыджыкөс позис перйыны. А совхозас уджалыштны сылы ревматизмыс нин эз сет, шыгыртис кольөм коксө да.

Мед дыр на ог кув да босьта на асьым пайөс, — век на кыкис сійөс шмонитнысө, а синваыс доршасис визъялана.

Жутиков динө могмөдчыліс Васька, оз-ө кызкө содтыштны позь Көсьтаысды пенсиясө, но вешкыртчылөмсө сылысь и төдліс, чежмөдлөмсө да:

— Есть порядок, и нечего тут, понимаешь... Еще неизвестно, где он потерял ногу. Так что...

— Мыйла нө төдтөм? Отлаын батьөкөд вөлөмаёсь. Кай-Чердынскөй полкын. Пулемөтөн сувтөдлөма Көсьтаыс белөйяссө. Пушкаыс сэся найө кутасны лыйлыны, да сэки и жугөдөма коксө осколөкөн, вундыны ковмөма.

— Ну, дальше.

— А сэся уджаліс нэмсө. Шпал лөсавлөма «Комилесыслы», пур кылөдлөма лотовкаөн. Йөзыс од төдөны. И комын воысь дырджык колхозын. А колхозсө батьөкөд на котыртлөмаёсь. Тадтө, дерт, оз тырмы стажыд, комын өкмысод восяньд лыддьөмөн.

— А ты знаешь, сколько у нас набирается всякого рода пенсионеров? Тут никаких миллиардов не хватит, ежли, понимаешь...

— Көсьтаысды позьө на содтыны, морт сьөлөмөн кө видзөддыны.

— Есть порядок, сказано тебе!

Сьөлыштис бөрынас Васька, мыйлакө тай могмөдчыліс Жутиков динас. И дзугылыс нин чуйдіс сылы лэччывны Чужмудорө, совхозыслөн бухгалтерияё, да юавны, позьө оз сідзи вөчны: сылысь удждонсө, джынсө кымын, Көсьта ов вылас гижавлыны, медым совхозсяныыс сэся мортыслы пенсияыс петіс? Но повзисны сэтөн, бухгалтерияс, да шенасьөмөн и ытисны, эн пö лок мөдысь татшөм сёрнинад.

Зывөк жө и лолі аслыс Васькалы таысь, быттьөкө шышкавны мыйкө көсьыліс да киөдыс кутісны. Но өвесьыліс сомьн, а нюкыртліс на Көсьта вөснаыс сьөлөмсө, и суис карө кайлан могыс (мамыс вичкө нүөдчис, аслыс капрон сунис коліс ньөбны кулөм кыны), да пыраліс Коми АССР-са военкоматас. Кыззіс сэтөн сійөс кутшөмкө майор, пасьяліс бөрсяныыс и ылөсас на көсьысис, видзөдлам пö.

Некутшөм лача эз на и чуж Васькалөн та бөрын, да нинөм эз и

висьтавлы Коктём Косьтаыслы, медым оз дзерёдсы сійос. И тōлысь куим на, буракō, коли, ачыс нин сійō висьтасис шензяна:

— А меным содтōмаōсь пенсиятō!

— Вот и бур.

— А эг ме некытчō гижлы да?

— Ме пыралі карō кайлігōн... Коми АССР-са военкоматас.

— Лешак, ветлōдлан сэтōн!

— Кокōй ѓд эз на ор.

— Но, ог кут повзбōдчыны мōдысь, кула да.

1967 воас, кор пасйисны ветымын восō Октябрьскōй революцияыслысь, Краснōй Знамя орден на сетисны Косьтаыслы. И позис эськō нимкōдясьны сōмын, да орденсō сетны Жутиков вōліс, коді сѣки райисполкомас нин предаліс. Яндзимсō эз тōд сійō, тивзис кеня варыш моз, мый честь сылы усис сьблōмсяныыс чолōмавны Гражданскōй войнаса геройос, а кōні водзті вōлі сьблōмыс, сы йылысь эз гарыштлы. Вирыс пузылыс Васькалōн, да позис кō быттьō, клубсыс эськō и петкōдіс сійос да лэдзис увлань юрōн кильчō вывсяныыс.

Но мунны кутіс Жутиковыс, да чōвтис на сылы ѓдзос дорас:

— Асьтō эз шугрōдлы?

— А в чем дело?

— Сѣйин яндзимтō, да асьтō эз шугрōдлы?

— А тебе что, пятнадцать суток захотелось?

Вежмасьнысō Васька эз нин кут. Личлэдзыштис сійос лэчыдасō шуōмысь, да шиннялōмōн и вешйис. Мōдарсяныыс кō, дас вит суткисō аслыс эз жō сулав туньявнысō.

А Кōеьталы ыштōкō нинōм нин эз коль таладорсыыс виччысьнысō, тōлысьсō эз и ов та бōрын. Паччōрас кайигōн и лизгырмунōма сод вылас. Абу весиг норасьлōма гōтырыслы, сьōкыд пō ли мый ли.

— Тадзи эськō мед и кулан, некодос нин он дōзмōд,— вежавны кутіс мамыс, локтисны гортас Косьтасō (кодралōм бōрын да.

— Ёна нин и дōзмōдін да,— вōйпыштиє Васька.

— А парализуйтас кō? Ки ни кок? Видзнысō тиянлы?

— И видзам. Лōвтны сэн колō водзвыв.

— Быть ѓд лōвт. Пекла ичиньыд коснбōд вōлі ме серти, да сьблōмас сылы кучкис, а меным — юрō мед оз,— тотшкис мамыс аслыс.

— Мōскыд на тэнад идравтōм!— дōжныштиє Васька, и ылōдліс мамсō таджикōн, а эськō няргис на сэні шогас сетчōмвывсыыс.

Сизим во на оліс мамыс. Кулан воас, гожōмнас, ва гуранō вōлі усьōма, да муртса абу пōдōма. Челядь казялōмаѓсь да чеччōдōмаѓсь.

— Мыйла нō сэтчō ва гуранас пыран?— юалиє Васька.

— А видзōдлі, дай кыкис увлань юрōн. Колōкō, вōч-а!

— Мый вōча?

— Гортсō меным.

— Эштыла на.

— Уль пōвсыыд, дерт,— шлюпкины пондіс мамыс, и эз нин сѣся лэдзчысьлы, дугдывтōг каньгис ѓиторсō. Лōсьбōдіс Васька горт пōвьяссō и мōд пōвст вевт вылас пуктансō, петкōдліс сарайсыыс, со пō дасьтōма нин, да вōлісь ланьтыліс мамыс.

Сентябрь 27-ѓд лунō сійō куліс, ставсō нин идралōма лои усадьба вывсыыс да. Лун вит сōмын и куйліс чеччывтōгыс, но садьсō эз воштыв. Бōрья рытас на бōрдыштиє Васькалы.

— Кытчō сиббодас енмыс-а? Колōкō, адō веськыда?

— Нинōмысь на тэнō сэтчō.

— Вома жō вōлі да. Колысь и.

— Ловья мортыд ѓд быдōн неунатō сэтшōм. Эськō мортсō кō пурин да мортлысь кысыыс мырддин.

— Но, сэтчōдз ѓд эг на жō усь.

— Нинөмысь и повны.

— Моньой на од мый шуас, мөд мамыдлөн быдтасыд?

— Ме нинөм ог шу,— шыасис Лидияыс, уютжитчө вөлі да.

— Эг эськө ме тэнö мустөмтлы да.

— Бура тай и олім.

— Увгывлі, да сійö-а.

— Мед, сійöс од он лыдды.

— Но, вот,— такöдіс Васька.

— А батьгö кö адзыла, мый тэсянь висьтала?— юалис сэк мамыс.

— Ме ог тöд,— шöйöвошлис Васька.— Гортö олан, шу, коли, гöтыра, кык пи да ныв, шу, йылöмыс. Мый сэсся татчö содтан?

— Кутшöм морт лоин.

— Лысьтö на, шу, ывлаö петны, нинöмысь на оз ёрны йöзыс. А рöдвуж пассö кö юалас, тöдö на, шу. Неважөн на, шу, картаын, пузьöдчанинас, пач тэчис да сэтчö пунктис, мед аддзöны, кодлөн уджыс.

Батьыскöд орччөн и гуалис Васька мамсö ~~Ызган шор дорö ягас.~~ Бөр öтлаын лоины гозъя нелямын куим во мысти. Век кежлö нин сэсся.

Энь ю динö матысмис визиркаыс, вöрыслөн лайкова орлöмыс лöсьыда нин тыдаліс водзынсьыс, лажмыдсö сöмын коліс лэччыштны. Но Прокö Васька сыланьсö эз нин сетчы, кывтыдöдыс на сылы коліс вуджны Энь юсö да, изъя борган вельтöдыс, сэтсыянь сэсся рытывлунöбн пискöдчыны Виям ты йылö. Велькыдвылас и кежис визиркасьыс, увтасмысь шондйсылы паныд, вөрвылöдыс нин медым ордйöдны Энь юыслысь кöджъяссö.

Кутшöмкö воö пожöм коллыс, тыдалö, ёна артмылöма вөрвылас, и öткодь понöлыс, вугыр шатин кузяыс, мутшкöса быдмöма пасьталаыс, веж лыскыс муртса йывланыс и кольыштöма, вёсни резювыс зарвидзö. Чужöмсö гирсийöдлөмсьыс видзигтырйи и ратшкöдчис Прокö Васька понöляинöдыс. Дерт, нинөм эз волы сэки юрас, медтыкö сöмын нырвизьсö кутны.

Но петіс ялаа гулыдджык вылö, кыті видзчысьтöг нин позис варгыльтны, и мөвпыштіс ас вылас дöзманаөн, мый мамыслысь нин кулөмсö казьтылөмөн унатор жö сійö ордйöдіс. Шуис косавлыны да Роч Тонясянь и босьтны панассö, сы вöсна мый сьтöгыс эз и позь.

Сяммис ли эз на, а сёлөмсö быдлаö пунктис Тоняыс, битöгыс пуис, комиён зэв öдйö велалис швачкыны, сійөн и Васькалы сёлөм вылас пукис.

Öтчыд весиг вöтлыны ковмис сійöс Васькалы, мед оз кынмöдчы. Совхозыслөн йөв кыскалан машинаыс, фляга тырнас, сибдöма вөлі няйт гуранö, да перйысигас Тоняыс тшöтш бергöдчис йöзыс диньн: то зыр босьтлас, то мездорас лөп кыськö ваяс, то йөткысьны сувтлас. Сулик нин кöтасöма резсьөмсьыс да вывсяныыс кöдзыда буситөмсьыс, пыркмунлö изöймитöмысла, а век оз вешйы.

— Мун нин, тэныд шуöны!— сойбордйöдыс сэсся кыскыштіс Васька, эз, дерт, лёкысь-а.

— Но, тадзи вöд он коль машинасö. А тракторьяссö ме турунла ысті. Найö кор на воасны?

— Тэтöг перьясны. Пилорама дорын... керйыс и гөрбылыс. Ветлам да ваям дай. А тэнад... лөз нин вом дорыд, чöд быттö сөйöмыд. Мун, тапка небыдінад, да некор он и петав верöс саяд.

— Мыйла ог?

— Вомдзавны верма. Ылі кутасны кытшовтны зоньясыд.

— А некод и абу тан зонмыс.

— Көть көні сэсся. Эндан öд, тапкышта кö!

— Ой, но?!— полö нисьö вашьялö, бöрыньөн и ылыстчис Тоняыс.

«Бур и гөтыр кодлыкө лоӧ, пыжӧн и поскӧн уськӧдчас верӧсыс-лы», — лэптіс Васька сэки сылы донсӧ да ас кежас и видзис сэсся та-йӧс. Лидияыслы весиг эз гарыштлы, медым оз суйсы водзвывсӧ. И кор локтіс Ӗлексейыс армиясыс, Тоня вылас и ыштӧдіс сійӧс гу-сьӧн.

— Ме ог тӧд да, — падмыліс Ӗлексейыс.

— Мый он тӧд?! Техникумтӧ помалін, армияд ветлін. Буретш, гӧтрасьнытӧ кӧ. И нылыс, ен сыкӧдӧн! Аддзылін ӧд.

— Ме нинӧм ог шу.

— А мый нӧ эм нин кодкӧ?

— Абу.

— А вежнясян да?

— Мыйкӧ но... карын ме Комилеспромас пыралі. Лесопунктса на-чальникӧн индӧны. А кык во мысти, петкӧдла кӧ ачымӧс, Архангель-скӧ, институтӧ, ыстасны. Удждонӧс сетӧмӧн.

— Но, вот! — шпыньмунліс Васька. — Нинӧмысь и повны.

— А гӧтрасян да, оз нӧ коймӧд ло?

— Мед и лоӧ! Миянын овлас Тоняыс каганас. Вай сибӧдчыв сы дінӧ, а?!

Но мамыслы на висьталӧма Ӗлексейыс, батьӧ пӧ аддзӧма нин ме-ным гӧтырпудӧ, и чизрасьны сэн кутіс Лидияыс Васька водзын:

— Тоня моня сэсся лоам?

— А мый нӧ эськӧ? Пелькиник ныв, топыд и лӧсьыд. Мунӧ да оз бара курасть кокнас, оз зуркӧд ни.

— Ныв дырйиыд быдӧн лывкыд.

— Абу на.

— А потшӧс сайысь и оз нин тыдав, коді пӧ сэтӧн.

— Грыплӧ нӧ тэныд колӧ? Ыджыд-ӧ ачыд? Вайи тай сы понда.

Олі и кызь кык во нин. А Тонясӧ абу жӧ понлы мамыс нюлӧдӧма: сьӧ-лӧм и, мыгӧр и, пертас и — ставыс на сылӧн веж петана.

— Пертастӧ эськӧ тэ эн ошкы сылысь.

— Кыті нӧ кутшӧм?

— Лямпа ныра.

— А нырыс и мичмӧдӧ сійӧс, гӧгрӧс чужӧма да.

— Ачыд кӧ нин тэськасьӧмыд-а?

— Эг и видзӧд эськӧ, том кӧ вӧлі да гӧтыртӧм.

— А мед ачыс корсьӧ Ӗлексейыс. Сюрӧ на сылы татшӧмыд, баба рӧдыд. Мӧдысь, колӧкӧ, карын на кутас овны, ыстасны кӧ институтас.

— Мый нӧ, янӧдас сэсся Тоняыс карсӧ? Дзирнясысь гӧтыр быть сэтчӧ колӧ? Ылӧ чӧвтасянын эня-пия, кык вугырӧн! Видзӧдлам, коді шедӧ.

Сетчис ыштӧкӧ Васька, дугдіс та бӧрын тоткынысӧ, разис ӧшинь дорсыс кулӧм кыансӧ да пондіс шарскыны рӧжнас, но лӧньӧдчынысӧ эз на вермы, шемӧс босьтіс гӧтырыс вылӧ да. Код тӧдас на, кытчӧкӧ волас оз пиыс, кутшӧм на пуксяс сылӧн олӧмыс, а ышнясыны нин кыс-кӧ пинас, оз нин и шоґмы сюрана нылыд моньыс вылӧ.

Удитис петны Лидияыс, мӧс дорас, буракӧ, лэччис, да шутӧм и лои Васькалӧн, мед оз на вышитчы. Колана здукӧ моз Ӗлексейыс сэки ыла-лысь пырис, да сы вылӧ сэсся и лэдзис скӧрсӧ, крапкис веськыда.

— Мыйла нӧ сідзсӧ олан?

— Кыдзи?

— Қальӧг вомнас? Эгӧ ми тэкӧд ая-пия сёрнитӧй? Абу кӧ син-мыдлы Тоняыс, мед сідзи и висьталін. Гезйӧн ме тэнӧ эг на нуӧд. А пыр сэтчӧ и мамыдлы былъчиктӧмыд.

— Мамӧыс ӧд абу жӧ бокӧвӧй.

— Ачыд нӧ коньӧр? Удтысыны колӧ? Тадзтӧ ӧд тэ велалан да коркӧ и мортӧс вузалан!

— Но, бaтьё, тэ вывтi жё... Эг на ме вуджлы тэнсьыд ньёти кыв. Эг на гусясьлы ни, пёрьясьлы ни, удтысьлы ни...

— Эз на дзескёдлы олёмыс да, дерт. А дзескёдас кызкё ногён, дай... вугыль-вегыль! Ас чорыдыд абу!

— Тёдмасы Тоняыскёд?

— Нинёмла!

— Мый либё скёралан?

— Ог лэпты ме тэнё та бёрын.

Олексейыс педзыштiс вежыня вомён да петiс мёд керкаас, киас чемоданён бёрсё локтiс, чукёртчыны кутiс пыдиас, сэтысянь нин и гарыштiс:


— Аски ме карё кая. Сэсся — кытчё ыстасны.

— Мамыдлы висьтав!

— А тэныд оз ков?

— Ме сiдз аддза,— вочавидзис Васька.— Бордья нин каньлы шедёмысь!

Водзё лоё на.



Галина БУТЫРЕВА

* * *

Кодлён Паспомын

медся джуджыд да ён керкаыс?

Кодлён Паспомын

медся ыджыд челядь котырыс?

Кодлён Паспомын

медся рам да киподтуя верёсыс?

Кодлён Паспомын

медся чёскыд пуём-пёжасыс?—

Даней Сан Марейлён!

Кодлён Паспомын

быд во и турилув, и мырпом?

Кодлён Паспомын

быд во и кос льём, и кос чёд?

Кодлён Паспомын

быд во и сола тшак, и сола чери?

Кодлён Паспомын

быд во и ас нянь, и ас йёв?—

Даней Сан Марейлён!

Кодлён Паспомын

эжмёма гортдор муыс?

Кодлён Паспомын

нойтмёма чери вискыс?

Кодлён Паспомын

кёдэдёма керка пачыс?

Кодлён Паспомын

лым тола улын кильчё содйыс?—

Даней Сан Марейлён...

Коми муын комынöd воясö



Паль сиктын ректöны кооператоръяслы воём тöвар.



Визинга МТС-са нывбабаяс тракторной бригадаысь бригадир М. Е. Попова.



Палаузысь вӧр лэдзысь-тысяч-
никъяс. Пукалоны: И. Г. Подоров
(гудӧка), Г. Ф. Карманов; сула-
лоны (шуйгавывсянь): И. А. Же-
лев, А. В. Карманов, И. Н. Бог-
данов.



Сыктывкарын Культура керка
стрӧитаниын. 1931 во.



Ижемскӧй районса колхозникъяс Ставсоюзса видз-му овмӧс выставка
вылын. 1939 во.




Керчомьса школьникъяслӧн демонстрация, кодӧс сийма вӧр лӧдзан
вель сезон восьтӧмлы.



Лотовка-пур Сыктыв вылын. Тадзи, олан керкаа кузь пурйӧн, нулисны
20—30 воясӧ ва туйӧн вӧр.



Вомын сиктын колхозной правление.



Ухтаын медводзаысь пискодоны скважина роторон.

Снимокъяссö йöзöдны бöрийс Коми республиканской краеведческой музейысь научной сотрудник Н. А. Митюшева.

Рытгоруv

Лэбачьяслөн сыланкывйён
Енкёлаын кья кусё.

Рытъя рёмыд аслас сывйё
Босьтё вёр-васё и мусё.

Гусьёникён локтіс төвру,
Ошинь вылё кань моз водіс.

Кулёмдінлань Эжва шөрті
Шывгё-катё теплоходьс.

Вөляникысь паськыд енэж
Кодзувьяссё кёдзны пондіс,
Медым аски асыв кезлө
Наысь чужас мича шонді.

Зэр бөрын

Зэрыс локтіс уна вожён,
Бывла югыд здукён вошис.
Лысьтё кымөръяссё гожём,
Мулысь веськөдны мед горшсё.

Муыс пөтіс. Сэсся кобис,
Лөзён ойдіс енэж отыс.

Ягын мыччыясны гобьяс,
Зэры рад и град выв вотёс.

Пуксис чөвлун өмидз көра,
Нөгыль сынөдсё көть чуняв.
Водзын руалыштё вёр-ва
Кызди выльён чужём кукань.

Мыйла вежөгтёны нылөс

Пыста кодь ичөт да визув,
Кран вылё лэбовтас пелька:
Кар шөрын мича ныв Лиза
Стрөитё ыджыд выль керка.

Радуйтчө ныв Сыктывкарнас,
Сөмын тай повзыштлө синмыс:

Медым кузь голиа краныс
Шондіас эськө эз инмы.

Кымөрыс аслас руд тошкөн
Тошкавлө мусаник нылөс,
Зонъяслөн кыв-ворыс вошө,
Вежөгла сьөлөмныс сьлө.

Пажын кадө

Бытьё нылөс топөдөма сывьяс —
Борйын узьё мудзём тракторист.
Сылы колип сьылө сыланкывьяс,
Ыбьясывса медся бур артист.

Юрлөс пыдди пуктөма му шарсё,
Шебрас пыдди — шоньд, небыд төв.
Мудзөмысла пөсялөма трактор,
Сійө өні бытьё шойччысь вөв.



Куим висът

Экскурсия

УРОК ВЫЛО Татьяна Михайловна аскодыс пыртөдіс выль велдчысьос, повзыштөм чужома нывкаос.

— Төдмасьбй, челядь,— шуис Татьяна Михайловна.— Тайо Юля Никитенко. Локтома Краснодарсянь, өні кутас велдчыны тиянкөд. Пуксы, Юля, со медбөръя партаыс прөст.

Юля лөня, кок чунь йылас моз, прөйдитіс да пуксис медбөръя парта сайо. Быдса урок сійо пукаліс шы ни төв, а перемена дырйи нывкаяс кытшалісны Юляос да кутісны юасьны:

— Тэ карын олін али сиктын?

— Тэ кутшөм кыв велөдін?

— Тані тэ көні олан?

Выль велдчысь быд юалөм выло сөмын синъяснас лапйөдліс.

А мөд урок заводитчигөн Боря Спирин, збой, асьсө выло пуктыс детинка, гораа шуис классө пырысь Татьяна Михайловналы:

— Татьяна Михайловна! Выль велдчысьтө колө мөд школао нуны, немөйяс дінө. Сійо сёрнитнысө оз куж.

Юля гөрдөдіс, а Спирилөн медматысса ёртыс, Самохвалов Коля серөктіс да, Юлялань бергөдчөмөн, кутіс вежньөдлыны чужөмсө да вөрөдны чуньяснас.

— Ноко, өвсьбй кык друг,— өлөдіс найос Татьяна Михайловна.— Энө вөйсөдлөй мортсө.

Квайтөд классын Боря да Коля вөліны медся вильышөсь. Боря — мусянныс тэчөм тушаа, паськыд пельпомъяса, Коля — кузьджык да косіник. Коля збаялө сөмын Борискөд орччөн. Босьтчас Борис кодөс кө серамыв лэптыны — Коля сы дінын жө кывнас печлась.

Медся ёна сюрліс Борясянь да Колясянь Дима Тимушевлы, банйөм көвдум кодь чужөмбана кызіник зонкалы. Кык друг нимтісны Димаос «вольпасьөн», конъявлісны переменяяс дырйи коридорын, шыблавлісны Дималысь тетрадь-книгаысө парта вывсьыс джоджас... Дима водзөс босьтны поліс, пытшас ставсө чөла кутіс.

Өні, кор найо классө локтіс выль велдчысь, Димаос эновтісны кык друг, Юля гөгөр бергалісны. Переменяяс дырйи матыстчасны Юля дорө, синъяссө сы выло сувтөдасны и дзоргөны, быттө нимкодьясьбны Юляөн.

— Юля, кознав меным асьыд фотографиятө,— меліа корө Спирин.

Юля дась джодж пырыс мунны, мед кытчөкө дзесьыны тешитчысьясысь. Медся ёнасө Юля вөсна Дима Тимушевлөн сьөлөмыс висис. Сійөтө ас сертиыс төдіс, ёна-ө лөсьыд, кор тэ вылын сералөны, зэв бура гөгөрвоис тайо вөсньыдик тушаа нывкаыслысь шөгсө.

Ноябрьскөй празникъяс водзвылын велдчысьяс мөдөдчисны чипан видзан фабрикаө экскурсияөн. Асывнас школа дінө матыстчис лөз визя автобус. Челядь дурөм сорөн пуксялісны сы пытшкө, и автобус

вөрзис. Коля Самохвалов да Боря Спирин пуксисны Юля мышкө. Дима Тимушев казяліс тайос да думыштис, мый кык друг лосьодчисны Юля сайо эз бурьсь. И збыль — муртса автобус вөрзис, Борис шыасис Юля дорө:

— Юля, ми мунам чипаньясон нимкодясьны. Тэ чипаньяссө адзылін коркө? Налон кокьясыс тэнад кодь жө вöсньыдöсь!— и серөктис. Ёртыс, Коля Самохвалов, тешитчөмсө водзө нуөдөм могысь, тшөтш гөрөктис. Ок, кутшөм окота вöлі Дималы чечыны да шонтыштны эльтчысьяслысь бан бокьяснысө, дорыны Юляос, но сийө эз лысьт, пукалис аслас пельөсын лөня, матысь каньос кылысь шыр моз.

Чипан видзан фабрика дорын челядьос виччысис найо классын велөдчысь Нина Семушиналон батысь, коді уджаліс тани. Сийө и пыртис велөдчысьясөс фабрика пытшкө, новлөдліс цехьясті, петкөдліс чипан видзан-дөзьөритан уджсө. Некымын сюрс чипанпи сильгисны сідз, мый велавтөгьд пельясын чуналис.

— Лок, ветлөдлам мекөд,— шуис Юлялы Люба Моисеева да босьтис кидыс. Водзөсө найо кыкөн и мөдөдчисны. А чипанпянлы ньөжйөнник мунысь кормушкаясө кутісны көрым киставны, вердчыны кад, буракө, воис. Чипанпян нөшта на шызисны, өта-мөднысө таялігтыр уськөдчисны кормушкалань, кутісны кокасьны сэтшөм тэрыба да зіля, мый Любалон серамыс петіс:

— Кутшөм тешкодьось!

А өти, мукөдсьыс неуна ыджыдджык, став сертиыс — петукпи, быдөнөс кокаліс, лючки нурьясьны эз сет. Сийө өддзөдчөмөн уськөдчыліс өти котырө, вөтлавліс чипанпянөс разі-пели, сэсья, өтрасөн здук кокасьыштөм бөрын, уськөдчыліс мөд чукөрө.

— Видзөд, Спирин кодь!— вашнитіс Юлялы Люба, и кыкнанныс серөктісны.

— Мый нө сераланьыд?— нывкаяслысь гажөдчөмсө кылісны мукөдыс да матыстчисны на дорө.

— Да со, Спирин төвзё!— Люба индіс петукпи вылө, коді, дженьыдик бордяссө паськөдөмөн, бара уськөдчис чипанпян вылө. Челядь вак-вакөн серөктісны.

— Спирин! Волы видзөдлы ас вылад!— горөдіс Вова Симпелев.

— Кыдз тай ворта!— эрыштчис Вова вылө Борис, но кучкынысө эз удит, ёртьясыс бара гораа серөктісны, и Спирин лэдзис кучкыны нин дасьтөм кисө.

— Спирин, тэ кызди татчө чипанпян пытшкас веськалін?— водзө гажөдчисны велөдчысьяс, и мый ёна шензёдіс Боряос, матыс ёртыс, Коля Самохвалов тшөтш сераліс.

— Асьныд ті...— нурбыльтіс Борис да вешйис. Ставныскөд он тышкась.

А сералысь Юля, кодлөн чужөм вылысь быри гажтөмлуныс, вөлі өні весиг мичаөн, и Дима видзөдіс сы вылө дольдпырысь.

Экскурсия помасьөм бөрын автобусө пуксялісны шызьөмөн на, сералігтыр. Сөмын Спирин сөліс зумыш, Самохваловкөд найо өтдортчисны, пуксисны торья пельөсьясө. Борис, кодөс талун асьсө серамвыв лэптисны, пуис скөрысла, но немтор вөчны эз вермы.

Автобусын Дима Тимушев дзоргис гажөдчысь ёртьясыс вылө да шензис: вөлөм, и Спирин кодьясөс поэьө раммөдны.

Мый шуис Онегин Татьяналы

ГОРТСАЯС СТАВӨН видзөдісны телевизор, и сы вöсна некод эз казьяв, кор Аня войтыштис өдзөс сайө.

Бывлаас кистөтөмөн-кистіс медбөрья лымсө сывдысь зэр. Уличывса пөнарьяс каньяс моз дыша куньтыралісны виж синьяссө.

Аня котөрөн локтіс телефон-автомат дорё, но будкаас эз пыр, дыр сулаліс сы дінын, шөпкіс аслыс вомгорулас: «Ой, мамой, мамой!», кытчөдз эз котась медбөръя сунисөдз. Сэсся ёна, быттьо джуджды йирё сунөм водзвылын, лолыштис да пырис телефон будкаас.

Став шогыс Анялөн вөлі сыын, мый сійө важөн нин мөвпаліс восьтыны ассыс сьөлөмсө зонлы, кодөс радейтіс быдса во, көкъямыс-өд классянь, а висьтасьнысө кывйыс некыдзи оз бергөдчы. И өні, будкаас пырөм бөрын, сьөлөмыс сідзи нөйтчыны кутіс — этша оз чечышт. Кыдзкө тай сэсся веніс жө асьсө Аня: ышөдіс сійөн, мый коркө Татьяна Ларина медводдзаён жө Онегинлы висьтасис. Аня босьтіс телефон трубкасө, водз чуньнас некымынысь бергөдіс аппарат вывсьыс гөгыльсө, ланьтіс.

— Да! — шыасисны сьөд трубка пытшкас.

— Сашаөс позьө?

— Позьө, сійө сөмын на гортө локтіс, матыстчас.

Здук мысти трубкаыс шыасис Саша гөлөсөн:

— Кывза...

— Тайө Саша?

— Саша.

Аня бара пыдісянь ышловзис да — ачыс эз и гөгөрволы кызд — тэрыба шуис:

— Саша, тэ эн серав. Ме радейта тэнö! — и шыбитіс трубкасө аппарат крук вылас да төв ныр моз усыкөдчис-петіс будкасыс.

Ывлаыс дзикөдз пемдіс; зэр эз чин, эз өвсьы, и лыдтөм ва гуранъяс эз тыдавын войся пемыдас. Но Аня видзчысьтөг төвзис, веськыда на вомөн.

Висьтасис... Ачыс. Мый өні лоө? Таня Ларина ачыс жө висьтасис, но тайө мөвпыс өні эз ышөд Аняөс. Сійө дыр эз во ас садяс, котөртіс ва гуранъяс вомөн, а зэрыс кисьтіс, быттьо көсийс падмөдны сійөс.

Горт дорас воигөн нин вежөрас вирдыштис мөвп, мый сёрнитіс Сашакөд телефон пырис медводдзаысь, төдмаліс телефонной книжкаысь номерсө и звөнитіс... А гашкө, Саша эз и төд сійөс? Гашкө, весьшөрө вөлі ставыс? Аски жө колө аддзөдлыны Сашаөс! Аня сьлөн синьяс серти гөгөрвоас, төдіс эз сійөс Саша.

Гортас пырөмсө Анялысь некод эз казьяв — телевизор пыр мыйкө зэв лөсьыдөс петкөдлісны.

Мөд луннас Аня эз аддзысьлы Сашакөд... Эз аддзысьлы и коймөд-нас, и нельөднас. Аня майшасис, эз төд, мый вөчны...

А Саша, Аня висьтасьөмянь бөръя лун-войяссө, ёна жө быд ногыс бергөдліс вежөрас лоөмторсө: вөт али вемөс тайө ставыс? Сійө, дерт, важөн казьяліс, мый найө школаысь өти сьөд синма нывка быдлаын, көні колө и оз ков, зілис паныдасынь ськөд, школаын, гажа рытъяс нуөдігөн (Саша ворсіс школьной ансамблыын), эз вештыв сы вылысь сьөд сэтөр кодь синьяссьө. А бөръя кадө Саша и горт дінсьыс тайө нывкасө некымынысь казьявліс. И өні Сашалы эскыссис и эз эскыссьы, мый сьөд сэтөр синма нывкаыс сылы радейтчөмын висьтасис... Сы вөсна и Саша тшөтш көсийс аддзысьны тайө нывкаыскөд, помөдз ставсө төдмавын. Көсийс и, Аня моз жө, ачыс эз төд, мыйыс поліс.

Аддзисны найө вежон мысти, позьө шуны, нем виччысьтөг воча ныр школа коридорас зурасисны. Перемена дырйи Аня аслас класскөд вөлі вуджө өти жырянь мөдө, кор коридор чукуль сайсянныс сылы паныд воськовтіс Саша. Сы серти, мый вьйөдз Саша гөрдөдліс да шөйбөвошис, Аня гөгөрвоис: Саша ставсө төдө...

Та бөрын найө дзикөдз торъялісны, сайласьны өта-мөдсьыс кутісны... Сэк кості и экзаменъяс матысмисны Сашалөн, а 9 «б», көні вөлдчис Аня, петіс уджавны карбердса совхозө...

Июлыын, экзаменъяс сдایتөм бөрыл, Саша муніс мөд карө, пы-

рис велодчыны институто, и Аня бара кутіс воывлыны сылөн керка дінө — өні эз ков повны паныдасьомьсь, а Сашалөн керкаыс вөлі Анялы зэв дона. Тани сійө овліс, а өні олөны мам-батыс и куйлө на көнкө Сашалөн велөдчан көлуйыс, школаө ветлан сумкаыс кутшөмкө тув йылын өшалө...

Сёрөнджык сылы мусаөн лои Ухта кар, сы вөсна мый сәні вөлі индустриальной институт, Сашалөн выль велөдчаніныс.

Аня аслас висьтасьомьсь эз каитчы, сійө мөвпаліс: быд мортлы любө төдны, мый кодкө сійөс радейтө. Но и паныдасыны Сашакөд аслас висьтасьомьс бөрын Аня поліс. Татьяна Ларина поліс жө... А мый сылы шуліс Онегин?..

Вермөм

А ЭНА ЖӨ НИН, МАЙБЫР, лөсьыд ывлаыс. Май пом, шондыыс энэж пасьтала лыдтөм югөр койө. Со и Войвылө тулыс воис! Йөртан өмөй өні челядьөс керка жыръяд?

Алгебраыс консультация бөрын көкъямысөд классын велөдчысь-яслы эз жө вөв окота пырысьтөм-пыр разөдчыны. Найө сулалісны школа кильчө вылын да гораа сёрнитісны телепатия йылысь: позьө-ө мөвпөн, ылісянь, веськөдлыны мортөн?

— Позьө, дерт,— вензис кияснас шенасигтыр Владик, кузьта и пасьта ногыс визия курткаа беринөсь зон.— Ме өти книгаыс лыдди: пыислысь эна висьөмсө мамыс мөд карсян кылас.

— Да!— Владик дор сувтіс Толік.— Мортлөн юр вежөрлы позьө ыставны мөвпалөмөн тшөктөмъяс, гашкө, тысяча верст сайсянь! Важөн нин та йылысь кывлі.

— «Кыськө кывлі, кыськө аддзылі...» Большанныд нем абусө да асьныд эсканныд!— шыасис татчө Галя, пыста кодь визув нывка.

Челядь шызисны, тайкө тышкө воасны. И сәки воссис школа өдзөс, кильчө вылө петіс Ольга Сергеевна, математикаыс велөдысь. Челядь өти здукөн кытшалісны велөдысьсө.

— Ольга Сергеевна,— юалісны челядь.— Телепатия — эм?

— Ог төд,— нюмуніс Ольга Сергеевна.— Гашкө, и эм... А вай, видзөдламө өтвылысь. Бөръям мортөс... Со, Любочкаөс, шуам, да ритнас видлам кутшөмкө мөвп сылы мөдөдны став кар пырыс, кывзысяс оз мяннысь... Люба, тэ вешйив бокөджык, а ми сёрнитчам.

Люба, нейджыд тушаа, гөгрөсіник лөсьыд чужөма нывка, коді өнөдз веськөдпырысь кывзіс сёрнісө, лэччис кильчө вывсьыс, а челядь да велөдысь, кытшө топөдчөмөн, кутісны зіля вашкөдчыны. Сәс-ся өти кывйө воөм бөрын, корисны Любаөс.

— Дас час ритын,— юөртіс сылы Ольга Сергеевна,— ми кутам мөвпнаным тшөктыны мыйкө вөчны, а тэ сюся кывзысь гортад...

Рытнас, дас час кежлө, Люба пөдласис гортсаясьыс мөд вежөсө. И өлөдіс гортсаясьсө, медым эз пырны сы дорө некоді. Пуксис пызан сайө Люба, водзас пуктіс бумага лист: гашкө, мыйкө и пасйыштны ковмас. Орччөн куйліс алгебра книгаыс. Люба дасьтысис экзаменъяс кежлө.

Дас час. Öні Любалөн өртъяс мыйкө мөвпнаныс тшөктөны вөчны сылы. Но мый? Мый? Жырйын шы ни төв. А юрас немтор, некутшөм тшөктөм оз кыв. «Гашкө, өшинь дорө матыстчывны?»— мөвпыштіс Люба, и сәтшөм окота лоис сылы матыстчывны өшинь дорас, быттө кодікө чуксалө сійөс. Люба чеччис, воськовтіс, ляскысис чужөмнас көдзыд стеклө бердө. Öшинь сайын ньөжйөнникөн пемдіс ывлаыс — помассис шоньд тувсов рит... Жугыля сулаліс пасьтөм на тополь. Сы

улын пуысь вöчöм лабич вылын эз на пукавны рытйысьысь ныла-зон-маяс, том йöз, виччысьöны прамöй шондöдöм.

Люба вешйис öшинь дорысь. «Абу некутшöм телепатия,— дöзмöм-пырысь нин думыштіс сійö.— Вельшöрö рытсö сöмын вошті...»

Асывнас, кор Люба локтіс школаö консультация вылö, челядь уськöдчисны сыланьö, быттьö донасьыс-дона гöсть локтіс — быдöнлы вöлі окота кывзыны, мый висьталас Люба. Қодсюрö войсö та понда бура эз узьны. И Ольга Сергеевна, классö пырöм бöрын, медводз Люба дінö жö шыасис:

— Ноко, Любочка, висьтась миянлы, кызди рытсö коллялін, мый-кö сьöлöмнад да вежөрнад кылін эн?

— Эг, Ольга Сергеевна,— норасянмоз артмис Любалөн.— Пукалі пызан сайын да öшинь дорö матыстчылі... И ставыс.

— Да,— челядькөд тшöтш ышловзис Ольга Сергеевна.— Ми кöс-йим, медым тэ востін алгебра учебниктö кызь кöкъямысöд лист бок вылын. Тыдалö, некутшöм телепатия олмас абу.

Челядь чöв олісны.

И некод эз казаяв, мый сэки, кор Люба гарыштіс öшинь дорö матыстчылöм йылысь, бөръя парта сайын пукалысь Коля нима зонкалөн долыда öйисны синъясыс, а чужöм вылас ворсіс нюм. И некод эз тöд, мый сійö дас час рытын сулаліс Люба öшинь улын да зэв пöся кеммис:

— Любочка! Матыстчыв öшинь дорад! Матыстчыв!

А кор Люба матыстчис, зонка дзебсис тополь саяс.

Эз, Коля эз вöv телепатөн, но Люба вывті ёна воис сылы сьöлöм вылас. Аслас дзoляник вермöмысь Коля вöлі шуда.

Сылодо гаж, шонди да удж (Василий Климовлы — 60 арӧс)



Коми-пермяк гижысь Василий Васильевич Климов пырис литератураӧ 1958 воӧ, кор «Иньва» сборникын вӧлі йӧзӧдӧма медводдза кывбургыас. И сэксаянь воысь воӧ вынсялӧ поэтлӧн гӧлбсыс, чужтӧ лыддысьысь сьӧлмын чужан му дінӧ раддейтӧм.

В. Климов чужис 1927 воын март 20 лунӧ крестьянин семьяын Кудымкарской районьсы Заречной Пешнигорт сиктын. Война кадӧ уджаліс колхозын, 1944—1952 воясӧ служитіс армияын. Помаліс рытъя школа да Кудымкарской педучилище. 1971 воын — Высшій литературной курсъяс.

1966 во кежлӧ, кор сійӧс примитісны СССР-са писательяс союзӧ, вӧлі йӧзӧдӧма висьгъясӧн да повестъясӧн не ӧти книга: «Чайдӧмув», 1960, «Пашко менам дона», 1962, «Виль нянь-сов», 1963, «Кӧчлӧн гӧснеч», 1964, лӧсьӧдӧма фольклорной сборникъяс: «Коми-пермякӧй устно-этнической творчество», 1960, «Сизимок», 1965, «Ошпелев — медвежье ухо», 1960. «Зорагум» сборникын со кызд сійӧ гижис ас йывсыс: «Лӧнь олан ме дын эз вӧв матын, весь олӧмлысь ме ог тӧд кӧр». А лӧнья овны издательствоын уджалысьлы оз позь, сэтчӧ жӧ кыскӧ унджык тӧдны аслам народ история да культура йылысь. В. Климов участвуйтис фольклорной экспедициясын, ветліс подӧн веськыда вӧрӧд дзюдинской пермякъяс дорӧ, чукӧртис топонимика да фольклор серти материал. 1971 воӧ петіс сылӧн книга «Мый висьгъясӧны Пармаысь ниммес», сәні географической нимгъяс объясняйтӧмын виджыд места босьтӧ фольклор. Автор тәрмасытӧг сёрнитӧ лыддысьыськӧд, велӧдӧ сійӧс пырны аслам народ историяӧ. 1960 воясӧ коми-пермякӧй литератураын заводитіс сӧвмыны лирической проза. В. Климовлӧн висьгъяс да повестъяс тырӧмабсь шондия настроениеӧн, писатель корсьӧ ас гӧгӧрсыс виджыд мывкыда, бур йӧзӧс, кодъяс кокниа гӧгӧрвоӧны вӧр-ва, гажӧн керӧны ассыныс уджсӧ. Татиӧмӧсь Митрук («Ломав, ломав»), Сима да Тасим («Туйсӧ бӧрйӧ сьӧлӧм»), тайӧ гижӧдъясыс петавлісны «Войвыв кодзув» журналын 1963—1964 воясӧ. Народной кыв да творчество дінӧ интерес отсалӧ гижысьлы озырмӧдны литературной кывсӧ, паськыда пыртны фольклорлысь изобразительной средствоясӧ. Великой Отечественной война кадся коми-пермякӧй сикт йылысь гижигӧн, «Гавкалӧн бедь» повестын писатель тӧдчӧдӧ, мый победалӧн вужъясыс — народлӧн мывкыдлун (нравственной) вынын. Гавкалӧн бедь, кодӧс корсьӧ детинка Тури Петя, дерт, и мупыгша озырлунгъяс и народной мывкыдлунлӧн выныс, кодӧс ӧна зильӧ тӧдмавны том морт.

70—80-ӧд воясӧ В. Климов йӧзӧдӧс 3 поэтической сборник: «Зорагум» (1973), «Ловъя говк» (1981), «Мои крылья» (1982), наын бура гыдалӧ поэтлӧн кужанлуныс. Тайӧ збыль ловъя говк (йӧлӧга) став лобмторгъяс вылӧ, кодъясӧн олӧ ӧнія морт. Мый йылысь кӧть оз гиж В. Климов, век тӧд вылас видзӧ видз-му уджалысьяслысь тӧждгъясӧ, сиктлысь олӧм-вылӧмсӧ.

Кӧть и шуӧны менӧ поэтӧн,
Но душа менам нач мӧдик.
Меным колӧ: мед овсис бы пӧта,
Ме — деревняысь бур мужик.

Чужан му — со кытысь поэт босьтӧ вын, со мый урчитӧ гижӧдъясысь сюрӧссӧ, образной стройсӧ. Тӧдса серпасӧс, сиктӧ шыбитчана образгъяс йитсьӧмабсь коми-пермяк сиктса олӧмкӧд: «вӧлі менам игантӧм сьӧлӧм, кызд деревняысь керку ыбс».

Климовлөн поэзиясы, дерт, зэв топыда йитсьё коми-пермяк йёзкостса поэзиякөд, авторсы пыртё аслас произведениеясё сэтшым фольклорной сюжетгяс, кодгяс абу на ёна төдсаёсь ёнія мортлы, абу на пыдисянь исследуйтёмаёсь фольклористгяс-учёной-ясён («Көк синва», нель вок йылысь легенда).

РСФСР-са писательяс союзысь Коми-Пермяккой округ кузя литературной консультант велөдö томгясё став гижöмторсö нуöдны сьёлöм пыр, быд кывйöн инмыны лыддьысьысь сьёлöмö, отсалö налы аслас гижöдгясөн сөвмöдны-озырмöдны поэтической интонациясö, поэтической лексикасö. Сылөн кывбуртясын век эм бөрö кольбм кадлөн да ёния олöмлөн йитöдыс. Со «Рытгя дума» кывбурса геройыс пöч, кодлөн чужöм серти «он вежöрт нем». Но мыйта, вöлөмкö, мунöма сы сьёлöм пыр, сы пельпомгяс вывт! Татиöм уджач, быдтор вöсна төждысьысь кывбабаясыс — В. Климовлөн медся дона геройяс.

Поэт, прозаик, фольклорист, Василий Климов тыртис квайтымын арöссö «Лöньыс оз ло» книгаён, тырдоз выль творческой плангясён.

В. В. ПАХОРУКОВА,
филологияса кандидат.

□ □ □

Василий КЛИМОВ

Кама кöджын

Ми Кама кöджын тулыскöт сулалам,
Ыбшаррезöс¹ кымөр увтö ысталам,
А одзаным, вселенской гажын-зыкын,
Шыннälö Парма — зарни сина Нывка —
И шондiлiсь, дзик мортлiсь, сьёлöм шысö
Быдсөн вывтырнас-ловнас сiя кывзö.
Ме тöда: Парма шондыскöт тöдчö,
Сьёлöмнас сы дынö важын нужöтчö.
Да эта мöднëж оз и вермы лоны:
Эд Парма сiдз любитö морт моз овны!
Вай, Пармаиньöй, честной китö меным,
И ме благословита ськöт тэнö,
А тэ, вежайöс бытьтö, менö донты,
И горетöг ми вексö овны пондам.

Тшупам керку

Пым шондiлөн югöрыс
Бытшкасьö, бытьтö жель.
И чувйö сьёлöм шöрöс
Быдладорсянь апрель:

Тэ мый пö узян-туктан,
Кыз вельмöм, дыш ичмонь,
Неужто лудны дудгiс
Весь овтөн кидолонь?²

Бара пö усин шогö
Да панан сказка сер?
Иньдöт пö сiйö бокö
Да босьт лэчытджык чер.

Видзöт пö, керку тшупсьö —
Горалö gymсянь яг,
Чер нырыс сапкö пусö —
И дышыс абу жаг...³

Сьёлöмö асыв зыксянь
Чепсасьö, дзик каёк.
Но кыз тэ сэтөн пыксян
Да помечö он лок?

...Ёркötö⁴ ямбөн черö,
Сьёлöмö — дзульзян кай.
Стенаас рызйö керыс,
Дзик стихын — бур строка.

¹ ы б ш а р — жаворонок.

² к и д о л о н ь — ки пыдöс.

³ ж а г — надз.

⁴ ё р к ö т ö — ийркакылö.

Гортö кыскö

Öтик кыз да льöмпу öтик,
Важкодь керку — вит öшын,
Да туёк, кыт ва кайöтлi,
Да волькötöм пöла стын...

Кырчча¹ кызсö дедö быдтöм,
Волькыт стыныс — зонлөн удж.
Кольöм веклөн, тöння рытлөн
Эстөн олö йыв и вуж.

Вит öшынкöt, пöрись кызкöt
Менам ййтсöма олан.

Муна лункеж — бөр ни кыскö,
Оз сет зника², дзик висян.

Кытшöм дора, кытшöм шöра
Миян гортнымкöt йитöt,—
Не сьölöмөн, не вежөрөн
Этö вексö он вежöрт.

Öтик кыз да льöмпу öтик,
Важмöм керку — вит öшын,
А видзöt, мый сэтөн öдыс,
Мымда сэтөн гаж да вын!

Тырö олан ноп

Может, кинкö³ мавтiс
Тэнö нятьöсь кылөн
Нетö нёштöм⁴ правда
Айыт йылись кылiн,
Может, иньыт дугдiс
Асылөн шыннявын
Али дона другыт
Пондiс вдруг лöгавны —
Эн пышкайт дзодзог моз,
Мыжасö эн кошшы⁵:
Этö воö-шогмö
Тэнат олан ноша.
Тырö сiя, кызö
Абунас и эмнас,

Лөгтö-лөктö изö,
Содтö мывкыд тэныт.
И давай тэрмасям
Ношанымöс тыртны,
Ась⁶ лёк шогным разьсяс,
Ась öбида кыртас.
Огö мийö тэкöt —
Рам сьölöмөн, лөктög —
Тридцать пятöй векöдз,
Дзик Христоссез, локтö,
Огö, но уджавтөн
Эта гардчöм светын
Мортлiсь ним да слава
Сöстöма нуöтам.

Норасыны одзöv⁷

Дыркодь ме тшакьялi,
Мыдзи да шоччися:
Кöz увтын пукала,
Тшаккезам бöрйися.
Кыла: кинкö мышкам
Кыша-паша локтiс
Да норасьö-шушкö,
Голостöм и проктöм:
— Ми бодритiм вель дыр,
Олим кузя, кыза,
Öнi рапмим⁸, кельдiм,
Корным косьмö, усьö.
Шондiным сайкалö,
Етша öдсö сетö.

Локтö кад миянлö
Мунны мöдөр светö.—
Ме дзарнитi бöрам:
Кин сiдз норөн вашкö?
Аддза: кинкö дзөрö —
Вамöм⁹, рушмöм, пашмöм.
Лоöm нярся-няр,
И вежöрти: а р.
Сувтi, кос веськöti,
Чапки¹⁰ арыс йөрö:
— Сийö весь тэ кöтан,
Весь ропкötчан, пöрись!
Ми эшö лöсялам,
Эшö дыр тшакьялам!

¹ кырчча — потласьöм кырся.

² зника — спокöй.

³ кинкö — кодкö.

⁴ нёштöм — мисьтöм.

⁵ кошшыны — корсьны.

⁶ ась — мед.

⁷ одзöv — водз на.

⁸ рапмыны — эбöсьсь усьны.

⁹ вамöм — кöтасьöм.

¹⁰ чапки — шыбитi.



Леонид ПАЛКИН

Вөр-ва йылысь висьтъяс

Варов котыр

Сідзи нин вөр-ваислөн шуома да оз отмоса козьнав сійо ассьыс озырлунсö. Шуам, во-мод ягысь ни öти пельсы тусь он аддзыв, а сэс-ся ышмас да сы мында пельсыс кысьмас, мый муодзсы личкас пу вожъяссö. Татшöм кадö веськалан пельсяинö да кажитчö, мый пуяс-ыс ыпъялöны-сотчöны гöрд биöн.

Сідзи жö тшаккöд овлö. Öти воын сійöс көть зырийöн зырт, а мод воын уртшакысь да понтшакысь кындзи немтор он и аддзыв. Таво эз жö ошйысьны уна тшакнад. Бура дыр ковмас ветлöдлыны вöрас, медым наберушка тыр гöрд гоб öктыны.

Восьлала пожöма ягöд нейджыд нюр бердті. Öтар бокас быдмö веж нитш, модар бокас — еджыд яла. Татшöм местаас ылысянь на аддзан öткөн-öткөн сулалысь гобъяслысь гöрд шляпаяссö. Сорасөн чöд да рака чöд паныдасьлö — таво, майбыр, вотöсыд шогмöма, мортлы и лэбачлы тырмымөн. Со и мырпом тусьяс паныдасисны, гöрд чутъясөн ломзьöны нитшлөн небыд эшкын вылын. Кодкö татчö водзджык волöма да пазöдöма нин вотöса местасö, абу виччысьöма мырпомылысь воёмсö.

А луныс мича да лöнь, сэтшöм шондіа, мый став пожöма ягыс нюмъялö-сералö. Муна да любуйтча вежласысь серпаснас, видзöд-лывла öтарö-модарö, оз-ö кыськö нöшта гоблөн гöрд юрыс мыччысь и аддза: некимын воськов ылнаын куйлысь пусянь пондिसны гöгыльтчыны вöсныдык «пи-пи-пи» чипсаян шыён кутшöмкö кольквиж рöма ёкмыльяс. Гöгыльтчисны и здукөн саялисны, быттö сылісны. Сöмын öти ёкмыль эз удит дзебсыны да пыр тюргö-гöгыльтчö водзö, бура ылö нин пышйис.

Ме сүдi ёкмыльсö да босьтi киö. Лэбачпи вöлöма. Ачыс пемыд кольквиж рöма, а юрыс да мышкыс визьордалөн моз пемыд визьяса. Бордъясыс дзик на гөнтөмөсь, тыдалö, лэбачпиян неважөн на петö-

маось свет вылас. Вөрса лэбач-пёткайдлөн од пияныс петасны колькъясьсыс, косьмыштасны и дасьось нин котортны мамыс бөрся.

Пукті му вылө лэбачписө да виді-велөді:

— Сэсся мөдыс некодлы нин эн сюр'киас ни гыжъяс, өдйөджык нин сяммы дзэбсыны.

Зарни кыснан

Чайтанныд, сёрниыс кутас мунны сиръяс да ёкышъяс ылөдлан көртъсы либө ыргөныс вөчөм кыснан йылысь? Оз.

Шондйыс вөлі нёровтчөма нин рытывлань, кор юлань лэччигөн петі нейджыд кушинө. Таөдз лунтыр ветлөдлі вөрөд, корси пувъяин, но бур местаө эг и веськав, ковмис өтка-өтка розйөн көрзинаөс тыртны. А тані, кушинас, пувйыс өшалөмөн өшаліс: гырысь, пемыдгөрд. Пуктан розсө вомад да быттьө сылө шома-юмовысла. Тані коркө прөйдитлөма бушков, вужнас бертлөма гырысь козъяссө да пожөмъяссө, өти визьөн водтөдөма найөс му вылө. Пөрөм пуяс костын да вужляяс бердын и воөма пувйыс.

Вотчыны вөлі сёр нин. Ме пукси шойччыны пөрөм пожөм вылө да синбөжөн аддзи, мый месянь неылын, веськыда сынөдас бергалө зарни кыснан. «Мыйсяма нө дивө тайө?»— шемөсми ме.

Орччөн сулалысь кызд пусянь ичөтик понөльлань накөсө вөлі нөжөдчөма черань вез. Дзик өтка. А вез шөрас сибдөма кызлөн вижөдөм кор. Төвру лолалөмысь сійө өдйө-өдйө бергаліс вез гөгөрыс. Недыр кежлө сувтлас да бара пондас бергавны. Рытъя шонділөн югөр улын черань везйыс югъяліс вөсньыдик эзысь сутугаөн, а сы вылө сибдөм виж корйыс вөлі зарни кыснан кодь.

И меным окота лои аттьөавны сійө ичөтик чераньписө, коді позсыс петөм бөрын лэдзис ас пытшкысь дзик өти кузь вез да төв отсөгөн мөдөдчис кузь туйө, медым выль местаын водзө нөжөдны черань рөдсө. Татшөм лэбалысь везсө ми тшөкыда аддзывлам арся бур лунъясө, ог мөвпыштлөй, мый сылөн помас пукалө повтөм путешественник — ичөтик чераньпи.

Көн тэ, еджыд өмидз

Коркө важөн, зэв важөн тані быдмылөма ниа вөр. Сэсся вөлөма ыджыд пөжар. Оні сөмын вышкаяс кодь джуджыд сьөд сюръяяс да гөгөрыс пызанъяс кодь паськыд мыръяс чурвидзисны тайө местаас. Биөн чишкасьсөм пуяс улын быдмисны льөм да пельысь, сэтөр да өмидз, ыжнён да лежнөг, а турунөн вевтгысьсөм кушиньясын — оз да намыр.

А сэсся локтісны йөз. Вына тракторъясөн берталісны тайө нэмөвөйся косьмөм пуяссө, йөткалісны найөс чукөрөн-чукөрөн өтилаө да мөдлаө. Бырөдісны юмов вотөс вайысь кустъяссө, небзьөдісны мусө, вынсьөдісны сійөс, көдзисны уна вося турунъяс. И артмис мөсьяслы бур йирсянин.

Му сорөн гудралөм пуяс да кустъяс чукөрөн-чукөрөн колисны сисьмыны паськыд видзлөн эрдъяс вылын. Но во-мөд мысти тайө чукөръяс вылас пондіс тшем быдмыны өмидз. Быд мыльк лоис өмидза! Лышкыда козьнавлісны найө асланыс шондіа вотөсьясөн матігөгөрса олысьясөс.

Ме эг прөста шу өмидзсө шондіа вотөсөн. Сылөн став юмовлуныс — шондісянь. Жар гожөмын пуктан өмидз тусьсө вомад да сылө

чөскыдысла. А зэра, кӧдзыд гожӧмын — мӧдарӧ. Тусьясыс кольяс моз ӧшалӧны кустьяслӧн вожьяс вылын, гырысьӧсь, но васӧдӧсь, абу юмовӧсь. Буретш татшӧм вотӧс и кисьмӧма вӧли таво тайӧ ӧмидзайнъясас.

Ме корсюрӧ волювла жӧ татчӧ. Писькӧдча ӧмидз кустьяс пӧвстӧд, ӧкта шондӧа тусьяссӧ, а юрын пессьӧ важся, гуся мӧвп: «Вот-вот тайӧ куст сайсьыс мыччысяс еджыд ӧмидз. «Ок, кутшӧм окота нӧштаысь видзӧдлыны еджыд ӧмидз вылӧ!»

Коркӧ зэв нин важӧн, кӧмтӧм кокъясӧн котралӧгӧн на, меным медводдзаысь паныдасис тайӧ еджыд ӧмидзсыс. Гӧгӧр ӧшалысь рубин рӧма гырысь тусьяс пӧвстысь син улӧ усисны сэтшӧм жӧ гырысь, но еджыд ӧмидз тусьяс. Шемӧсми — кытысь нӧ татшӧмыс татчӧ воис, гӧрд сора еджыд ӧмидзсыс? Но менам, вӧлӧмкӧ, сорассьӧма. Еджыд ӧмидзсыс ӧшалӧс аслас, торъя куст вылын. Тайӧ куст вылас вывсянныс да улӧдзыс став ӧмидз тусьяс вӧли еджыд. Ме полӧгтырйи пуктӧи ӧти тусь вомам, но сийӧ вӧлӧма гӧрдыс кодъ жӧ юмов. Гашкӧ, и юмовджык на.

Вои гортӧ да ӧдзӧссянь на горӧдӧи:

— Мамӧ! Мамӧ! Талун еджыд ӧмидз сюрис!

— Но и бур, пиук! — нюмъӧвтӧс мамӧ, — чассьӧ вылӧ тайӧ.

Гежӧда, но паныдасьлисны аслам муса чужан сикт дорысь еджыд ӧмидз тусьяса кустьяс. Уна во нин колис сийӧ кадсянныс, но сӧсся некор да некытысь нин эг видлыв еджыд ӧмидзлысь кӧрсӧ.

А сэтшӧм окота! Ӧд сӧнӧи, чужан сикт матӧгӧгӧрын кӧнкӧ быдмӧны на тайӧ еджыд ӧмидза кустьясыс. Со мый вӧсна и менам юрын быд во, ӧмидз кисьмигӧн, пессьӧ-нӧйтчӧ инас ӧшйытӧм мӧвп: колӧ ветлыны чужанӧнӧ, вайны еджыд ӧмидзсӧ, пуктыны ӧшинь улӧ. Мед сӧсся ичӧтик нывка либӧ зонка, шондӧа вотӧссӧ чукӧртӧгӧмоз, шензьӧмӧн горӧдас:

— Мамӧ, Мамӧ! Еджыд ӧмидз сюрис!

А мамыс нюмъӧвтас:

— Чассьӧ вылӧ тӧныд, донаӧй.

Кӧнӧи тӧ, еджыд ӧмидз?



Михаил ЕЛЬКИН

Чужан сикт йылысь кыв

Йӧз тыра ыджыд автобус сьӧкыда катласигтыр кежис Сыктывкар — Нювчим шоссесянь веськыдвылӧ, асфальтӧн жӧ вевттьӧм туй кузя мӧдӧдчис горув, Шошка сиктлань. Здук-мӧд мунӧм мысти стенмӧн сулалысь пожӧма ягыс помасис, и восьсаинас тыдовтчисны панельясъсы тӛчӧм уна жыръя кык судта керкаяс, а неуна водзынджык — автобуслы кирпичысь тӛчӧм сувтанӧн.

Чужан сиктӧй... Пожӧма-козъя яг нӧрыс вылын сулалысь Шошка... Здук кежлӧ и торйӧдчылам, а гажӧй бырӧма нин. Пета автобусысь, ньӧжйӧникӧн восьлала туй кузяыс и, кӧсйытӧг, челядьдырӧй казътывьсӧ. Со ми, зонпосни тшӧгшъяяс, мӧс видзанинысь локтам, тайтӧяс да сюрукъяс миян водзын восьлалӧны, а бӧрсяныс кайысь бусыс мӧс вӧра йӧв кӧра, ныртӧ гильӧдӧ... Лӛб-зӧ тай кадыд...

А талунсӧ кыззи олан, чужан сиктӧй, кутшӧм тӧждлун-могъясӧн? Сы йылысь тай и гижӧдӧс панӧ, окота чужанӧн йылысь сӧрнитыштны, ас сиктса дона войтыр йылысь.

Шошкаӧ кыськӧ бокиысь воысь морт, медводдзаысь кӧ локтӧ, вермас думыштны, мый воис карса ног стрӧйтӧм посӧлокӧ, а эз сиктӧ. Да и сиктысь петӧм, кодӧ кӧнкӧ дыр, во 8—10 ветлӧдліс, ылі муясысь шуд корсис, гортас воигӧн ӧна жӧ эськӧ шензис, сэтшӧма бӧръя вояснас вежсьӧма чужанӧныс. Менам паметьын на йӧз ветлывлісны Сыктывкарӧдз подӧн, некутшӧм туйтӧг, видзяс вьвті чукльӧдлысь векныдик ордымті, сӧнъяс вомӧн. А ӧнӧ со карӧдзыд асфальт, позӧ бӧра-водза лӛччывны — сывьясис сиктӧй карыдкӧд. Га-шкӧ, тайӧ тшӧгш отсалӧ сиктлы, сиктса овмӧслы ӧдйӧсӧ сӧвмыны? Мый стрӧитны панӧма, зӛв ӧдйӧ, веськыда шуа, лыбӧ... Став коланаторсӧ ас кадӧ вайӧмысь шог абу асфальт кузяыд. Сикт уддорын быдмис скӧт дӧзӧритан ыджыд комплекс, сӧнӧ уджалысь-ноксысь йӧзлы кык судта панельнӧй керкаяс. Сиктсайса нӧрыс вылын зымвидзӧ кирпичысь тӛчӧм ыджыд гараж. Унаӧн техникумъяс да училищеяс помалӧм бӧрын локтӧны Шошкаӧ. Локтӧны и — кольчӧны. Да и мекӧд ӧти школаын велӧдчысь войтыр лоины механизаторъясӧн, армияын служитӧм бӧрын кольчӧны сиктӧ, локтӧны уджавны гаражӧ, «Сыктывкарскӧй» совхозса Шошка отделеннеӧ. А Шошка сиктса гараж — отделениен, ме думысь, меся водзмӧстчысь овмӧс. Уна эбӧс да кужанлун гаражын уджӧс колана ногӧн котыртӧмӧ пунктс бригадир-механик В. А. Бажуков. Сылы, Печора вожын чужлӧм мортлы, Шошка сикт лои гортӧн. Тани сійӧс примитісны партияӧ, а сиктса войтыр бӧрйисны сельсӧветӧ депутатӧн.

Неважён на ме жежалі Владимир Алексеевич дінё, кори висътавны аслас удж йылысь, юксыны водзё вылё мовлясьён. Пукалім ми Владимир Алексеевичлөн патераын, панельной керкалөн мёд судтаас, да руалысь пельмень-ясён чосмасигтыр, сёрнитім, выльсё вёрзёдлім и важсё казътылім.

— Менам медводдза уджалан лунёй тешкодя заводитчис, — висътасис Владимир Алексеевич. — Пыри гаражас да пырысьтём-пыр и юавсис войтырлысь: мыйысь нё, бурьяс, джоджныд уджаланинад? Бетонысь, пуысь али муысь? Тёді, дерт, мый джоджыс бетонысь да трактор-машинаён сы мында ныйтсё пыртлёмабсь гараж пытшкас, а весасысьыд уна пиад некод абу. Янёдны лои, мяся, гаражныд выль, кык во стрёйтёмыслы, кирпичысь да бетонысь вёчёма, ремонт нуодны быдикас механизмъяс эмёсь, а ныйтнас тырны кутёмныд! И бумага делёяссё төлктөг жё нуодлёмабсь. Лючки учётность ни немтор абу вёлёма! Отвылысь босьтчим пёрадок лёсьодны.

Онi, кор став страна пасъта ветлё вежсьёмъяслён ыджыд төв, выль ногён уджалёмён некодс ёна он чуймёд. А сэки, дас кык во сайыи, кор том механик Володя Бажуков ачыс, некодён тшөктытөг, босьтчис вежны гаражса коллективлысь уджсё, тайё уналы сёлём вылас эз во, унаён эз гөгөрвоны Бажуковёс. Но кадыс петкөдліс том специалистлысь правлуно: некымын во мысти Шошка сиктса гараж лои районын медбурьяс лыдын..

Чосмасим ми Владимир Алексеевичкөд пось пельменьясён, юим чай, сёрнитім, а сёсся янсөдчим бур ёртъяс моз. Көсийсы мөдысь на пыравны и эг төд, мый век жежлө мяян янсөдчёма лөё. Тайё гижөд вылас уджалігөн нин суис менё шог юөр: Владимир Алексеевич Бажуковлөн гаражас, механизаторъяскөд сёрнитігкості, сувтёма сёлёмыс. А өд мортыслы и нелямын арёсыс на эз вөв..

Оз вунёдны Шошкаын сөстём сёлёма, ыджыд сөвестя мортёс.

Мыйла ме пані сёрнисө гараж йылысь? Да окота вөлі висъталыштны, мый тадзи, төлкөн-ладён, позьё лөсьөдны уджсё сиктса быд овмөсын. Сиктад оні видз-му овмөсса став ноксьёмыс йитчёма техникакөд: и гөрём-көдзём, и скөт дөзьбритём, налы ас кадө көрым ваялём.

Унджыкыс гаражын том йёз. Унаён, армияын служитём бёрын, овмөдчөны чужан сиктаныс, локтёны гаражө. Сэні 12 коммунист да коммунистө кандидат, наысь котыртёма крепыд партийной группа. Выль восянь лөсьөдёма чекөвёй книжкаяс, кытчө стөча пасйысьсё, мый вылө да кытчө видзёма быд көпейка, водзыв артавсьё, уна-ё видзны сьёмсө ГСМ, запчастьяс да мукөд колантор вылө. Быд төлысь помын вөчсьё итог, кутшөм тырмытөмторьяс вөліны, шуам, февралын, медым бырөдны найёс, не вөчны водзё. И зильөмыс оз вош: 1986 воын Шошкаса механизаторьяс 34600 эталон-га план дырйи сетісны 43400 эталон-га, мөд ногөн кө, вося плансө вевтыртёма 34 процент вылө. Асьныс Шошка гаражса войтыр шуёны, мый позис на эськө и бурджыка уджавны, но..

Көть вөлі нин та йылысь и партиалён постановление, но онөдз уна механизмъяс да оборудование вооны мяян дорё лючки чукөрттөг, разі-пели, а тані, гаражас, найёс чукөртигөн тыдовтчө, мый уна деталь, весиг сверлөён пискөдөм розьяс өта-мөдыслы оз лөсявны, көртсө вайигас ёна дойдалёны-нюкльөдлёны, и унатор лөё вөчны выльысь.

А сійө, мый Шошка сиктса войтыр кужёны уджавны, тыдалө оз сөмын гаражсалён вермөмъясысь — 11 пятилеткаө «Сыктывкарскөй» совхозысь Шошкинскөй отделениеса быд юкөнын производстоыс содіс 28 процент вылө.

Меным торъя нин любө, мый сиктса дзоя войтырөс, школаын велөдчысьясөс, өнісянь сибөдёны-велөдёны видз-му овмөсбердса уджө, быдтёны сиктлы выль, уджалысь смена. Оні Шошкаса школаын 77 велөдчысь. Бытгькө и абу уна, но өд 1982 воын на став велөдчысьсө арталісны 49-өс. Сідзкө, бөръя нель воён велөдчысь лыдыс содіс пөшти кык пөв, чужан сикт эндөм йылысь некутшөм сёрни оз вермы лоны.

1984 восянь школаса директор Василий Михайлович Каневлөн да парти-организация шуөмөн быд во школа бердын котыртсьө уджалан да шойччан

лагерь. Дзюла войтыр отсасьоны совхозлы пось гожа кадö, страдна дырйи, капуста быдтыны, муяс весавны ёгсьыс, град выв пуктас теплицаысын быдтыны — та вылö быд во школа да совхоз костын гижсьö договор öта-мöдлы отсасьöм йылысь.

— Быд боксянь бур! — мекöд сёрниин шуис школаса директор В. М. Канев. — Челядь интереснöя, пöльзаöн коллялöны ассьыныс прöст каднысö, а совхоз сылы отсасьöмысь ёнмöдö школалысь материальной базасö, сетö школа дзоньталöм вылö быд сикас стрöитчан колуйсö. И водзö кутам зильны, мед школа да совхоз костын ёртасьöмыс эз ор, öд тайö вывти колана водзмöстчöм.

Сиктлөн пытшкөсса олöм йылысь медся, дерт, лöб тöждысьны сельсöветса депутатъяслы. Налы, ас сиктса йöзöн бөрйöмаяслы, колö и аслыныс тыр сёлöмөн уджавны и йöзсö та вылö кужны ышöдны, кызди, шуам, вöчöны асланыс уджалан места выланыс Рочева Мария Васильевна, град выв пуктас вöдитысьяслөн бригадир; Попова Нина Васильевна да Сивкова Анна Михайловна, кукань видзсыяс; картофель быдтысьяслөн звеньевöй — механизатор Корычев Николай Михайлович; бур уджысь 1985 воын сийöс наградитсны «За освоение Нечерноземья» медалён.

А öд депутатлөн удж кындзи и мукöд ыджыд могъяс на эмöсь, быдтор вöсна лöб сюся видзöдны. Со Шошката детсадö места абутомла 1986 воын бокö долины детсадысь сиктса 18 посни олысь! Сиктын уна том йöз, унаöн на локтöны мукöдлаысь татчö овмöдчыны. Сидзкö, посни челядьлөн лыдыс кутас водзö содны. Тайö пятилеткаö планируйтöма стрöитны Шошкаö выль садик, но кор на сийö лоас. А панны кö сёрни Шошката фельдшерско-акушерскöй пункт йылысь, ме чайта, некодi вензыны оз кут, мый сийö тшöтш жö пуктö бур пай сиктлөн олмö. Шошката участковöй фельдшерөн уджалö Раиса Ивановна Гуляева, авъя да бур сёлöма ань. И сэк, кор лымсö печкö турöб, кор шляка слöтитö-усьö и кодыр зэр кисьтö, тэрмасьö Раиса Ивановна висьысьяс дорö. Оз позь шуны, мый Гуляеваöд больничаын пöрадок эз вöв, но кор Раиса Ивановна босьтис аслас киö Шошката фельдшерско-акушерскöй пунктлысь уджсö, сэки и сийö пöрадокыс ёна бурланьö вежсис.

Коркö январь тöлысья кодзыд асылö аслым лон мунны больничаланыс — висьми. Пыри, и ортсыса и пытшкөсса жырьясыс, кызди и век, дзим-дзурк сөстөмөсь, но... кодзыд. И нöшта на эськö кодзыдджык вöли, эз кö больничас идрасысь 6 час асывсянь став пачьяссö ломтав.

— Көдзыд, дерт, — дөзмөмпырысь шуасис Раиса Ивановна. — Больничакеркаас важөн нин колö ыджыд ремонт нуöдны... Гашкö, и пачьяссö идранны да пось ваён шонтана батареяса пыртны. Сессияса вылын сёрнисö кыпöдлi, эг öтчыдысь, но отделениеён веськөдлысьяс оз быттö кывны да тöдны.

Ме Раиса Ивановна дор жö сувта — колö тэрмасьыштны больничакеркасö дзоньталöмөн, планъяс тыртöмыд мортлөн дзоньвидзалун сайын. Да и мортгыс медся дона, сы ради ставыс вöчсьö миян странаын, морт ради.

Шошкаын, кызди и быдлаын, мунö вина юмкөд тыш. Сельсöвет бердын лөсьöдöма та кузя комиссия, бригадаясын лыддöны лекцияса, а накöд, кодъяс вывти нин велалöмаьс юнысö, нуöдсьö торъя удж. И сийö, мый 1986 воын отделение пасьта уджалысьяслөн прогулыс чинис куим пöв 1985 воын серти — ставныслөн ыджыд вермö. Колян 1986 воын жö сессия вылын сёрнитөм бöрын Шошка сельсöветса исполком дзикöдз пöдлалис винаён вузасын магазин. Ошкана водзмöстчöм: öти зэв мисьтöмтор — «код юра» öчередьяс — сиктын бырысны. И сийö жö кадö чужис уна мукöд проблема. Зарплата сеталан лунö карö лэччан автобусö öни сьöкыд сöвны — курыд зелья радейтысьяс ыджыд чукөрөн лэччöны карö винала. Автобусөн карöдзыд часысь этшаджык кадөн воан. А рытнас вина юсысьяс гажаөсь нин, бөр Шошкаö гургöны-кайöны. И бара жö на понда мыжтöгыс мыжаөсь садь юра йöз, торйөн нин олöмаяс, кодъяслы лöб мунны-локны сувтсөн места абутом вöсна — ви-

нала ветлысь йӧз пискӧкӧсь, велалӧмабсь карад кузь ӧчередьясын сюсявны. Найӧ и автобусад ӧдйӧджык вевъялӧны пуксывны.

Дерт, позьӧ тайӧс донъявны и кызди вина юсысьяслы потшӧс либӧ сьӧкылдунъяс лӧсьӧдӧм да кинад ӧвтыштны, кодлы колӧ, мед ветлӧдлӧны. Но ӧвтыштӧмӧн лӧксӧ он бырӧд. Ӧд, шуам, сиктад ӧна нин пыдӧ вужъясьӧма быд вӧчӧм уджысь винаӧн мынтысьӧм. И сӧмын винаӧн вузасян лавка пӧдлалӧмӧн таысь он мын. А кокниа овны радейтысьяс аддзӧны татысь аслыспӧлӧс нажӧтка: медасьӧны неыджыд доньыс олӧма йӧзлы, винаӧн юкталӧмысь да вердӧмысь, винасӧ вайны карсысь. Ме ог кӧсйы шуны, мый вина лавка пӧдлалӧны нем думайттӧг да тэрмасьӧмӧн, и гӧгӧрвоа, мый юӧмкӧд тышкасьны быть колӧ, но мед эськӧ ӧти лектор бырӧдӧмысь эз чужты мӧд лӧксӧ..

Да, став вежӧра йӧзыслы вина юсысь радейтысьяслы паньд сувтны тшӧктӧ ӧни оз сӧмын партиялӧн индӧд, но и олӧмысь.

Сикт кузя мунигӧн, автобусысь чеччӧм бӧрын, кок улӧ меным частӧджык и частӧджык кутисны сюрны выльӧн на чегъялӧм ныв лапъяс.. И жугыльтчис сьӧлӧмӧй, лун югыдыс быдӧн син водзысь вошли: бара кодӧскӧ медбӧрря туйӧ колльӧдӧмабсь, бара ӧти олысьӧн Шошкаын чинӧма. Ми ставным ӧтчӧд олам, и туй помным ставнымлӧн ӧти. Ӑти, а вот абу на тай ӧткодь. Шуӧма кӧ нин, мед сюрас меным овны да ас кадӧ и мунны кызди Владимир Алексеевич Бажуковлы, радейтана удж вӧчигӧн.

А ӧд таво нин, кык тӧлысьӧн корсисны аслынысь пом, кулисны-сотчисны стеклӧ весалан став ловъясӧ виысь кутшӧмкӧ пеж ва юӧм бӧрын куним, буретш верстӧ морт, куним нывбаба (!). Шошкаӧ менам локтан лунӧ сӧмын на вӧлӧм дзевӧмабсь коймӧдсӧ. Ас сиктса войтырӧй, сьӧлӧмшӧръясӧй, донаясӧй.. Кытчӧдз на воам тадзтӧ? Корсянь нӧ тайӧ пеж ваыс лоӧма тӧянлы мусаджык шондӧ таладорсысь, тӧдӧмӧн яд юаньыд. Со олӧмӧд ӧни — уджав, радлы, сыв. Меным тайӧ дойыс кык пӧв дойӧн кучкӧ.. Ӑд и менам мамбать вина помысь кадысь водз кыз му улӧ водисны. Асьнымӧс кӧ асьным ог кутӧй кианым кутны, помӧдз уськӧдчам-сетчам вина юӧмӧ.. Мый нӧ нин, сидзкӧ, и олӧмсысь?.. Вайӧ чорыда думыштчыламӧ ӧтвылысь..

И меным, том мортлы, дерт, окота Шошка сиктса том йӧз йылысь сӧрнин лӧптыны: а кызди найӧ олӧны? Кутшӧм ыджыд тӧждлун-могъясӧн ӧзйӧны том сьӧлӧмъяснысь? Кужӧны-ӧ асьнысь гажӧдчыны прӧст кадӧ и йӧзсӧ гажӧдны? Кымын выль семья гӧрддзасис-чужис сиктын, ӧна-ӧ пыдӧ вужъясьӧны сиктӧ том йӧз?

Шошка сиктса комсомольскӧй организация, кӧни 42 том морт — «Сыктывкарскӧй» совхозын медся ыджыд. И кор кывла, мый сиктын овны гажтӧм — ог эскы. Гажтӧм. А кодӧ сыысь мыжа?

Сидзсӧ, ортсысянь кӧ видзӧдны-донъявны комсомольскӧй организациялысь уджсӧ, быттьӧкӧ и ставысь лючки-ладнӧ. Собраниеяс нуӧдсьӧны ас кадӧ. Да позьӧ-ӧ артавны комсомолецъяслысь уджсӧ-олӧмсӧ собраниесӧн? Сельсӧветлӧн сессияяс вылын нин тӧжысьӧмпырысь кутим сӧрнитны, мый сиктса том войтыр дзикӧдз ӧтдортчисны став сикас культурно-массӧвӧй уджысь, гажтӧма колялӧны асьынысь прӧст кад. А ӧд гажӧа олӧм вылӧ сиктын ставысь эм: зэв ыджыд, дворец кодӧ культура керка, котыртӧма культурно-спортивнӧй комплекс, бурмӧдӧма культура керкалысь материальнӧй базасӧ, нӧбӧма выль усилительнӧй установка — 2 тысяча шайт дон, магнитофонъяс, бильярд. А том йӧзлӧн рытйысяннысь тыртӧм. Дзикӧдз йывмис самодеятельность, он нин аддзав сцена вылысь ас сиктса артистъяслысь сьылӧм-йӧктӧмсӧ.

И культура керкаӧн том завӧс, Надежда Станиславовна Бурдихинабсь, да художественнӧй юкӧннӧ веськӧдлысьсӧс мыжавны он жӧ вермы. Ме, сиктса морт, тӧда, мый кокныдджык тракторсӧ тыра телеганас сцена вылӧ петкӧдны, асьсӧ, том трактористсӧ дорысь. А мыйла? Юалӧмӧй сьӧндас ӧшйӧ. Гашкӧ, сийӧн и сьӧкыд ӧтдортны вина юӧмысь сиктса том йӧзсӧ, мый вина юӧмысь быд ногысь ӧлӧдам-видам; вина вузасян лавка пӧдлалӧм, а сы пыдди, водзӧсӧ, немтор огӧ кужой сетны. Со и сӧлӧны удждон сеталан лунӧ сиктса том механизаторъяс карӧ мунысь автобусӧ ыджыд сумкаясӧн. Шоча ну-

одсьоны ветераньяскод аддзысьлёмьяс, и тайо висьтало политическюя воспитайтомын жеб удж йылысь.

1985 воын Шошкаын чужис 10 выль семья, а 1986 воын — нель. Сиктыдлы абу дзоляник лыдпасьяс... А козяинён тшупом выль керкаясыс оз лыбны. Стрöйтсьо сиктын коймод уна жырья панельной керка, совхозлөн стрöительной бригада лэптö брусось тэчом выль срубьяс. Зэв бур, кор совхоз сиктö уджавны бокысь воом мортлы вермö пырысьтöм-пыр оланін сетны. Тани, кыз шуасны, и шогыс абу. Но мыйла сиктса морт, семья лöсьöдöм бöрын, вермö овны коть дас во кодкö ордын, и, весиг, кöнкö совхоз контораын да школабердса мастерскойын, виччысьны, кор дась патераысь ключöсö ваясны? Дерт, аслыд стрöитчыны öнi сьбкыд, мича керка тшупны шогмана вөр ёна нин ылымис и ылымö. Но и совхоз отсавны кöсьö стрöитчысьлы быдторйөн, сьомөн и техникаөн. Ме тай думыштла — эгö-ö ми велалöй вывти кокниа овны, дасяс? Асыд век на жö ас! Меным эськö сьолём вылын ёна долыдджык лои, Шошка сиктö воигөн кö вөр помасигас эз панельной, а ас лэптöм, сиктса, мичаа öбшивайтöм керкаяс петкöдчисны.

И век жö, став тырмытöмтор вылас видзöдтöг, менам чужан сиктлөн олöмыс ёна бурланöг вежсис. Важөн-ö арся зэрьяс бöрын сиктса уличьяс вылö кузь гöленя сапöгтöг петны вöли он лысьт, нйит пиас вöян? А талун, пöжалуйста — сикт помсянь культура керкаöдз кино вылö джуджыд каблука туфлийөн асфальт кузя мунан, Уна во сайын, гашкö, кызь во сайын нин, менам мам-бать сиктын медводдзаяс лыдын босьтисны дзоляник телевизор. И рытьяснас, кор кельыдлöз экран вылын петкöдлисны кутшöмкö фильм, мянö чукöртчылисны став матигöгөр олысыас — керка тыр йöз. Öнi телевизорыд ставыслөн нин эм, а уна керкаын — весиг цветной. Совхозса уджалысыяслөн, торйөн нин механизаторьяслөн, уджоньяс бурöсь. Кызд шуасны, ставыс ас саяд: бура уджалан — бура и олан. Мöдар боксянь нин элясьöм кывлан, мый сьом öнi тырмö, и магазиньсь босьтны немтор, консерв банкаяс кындзи. Но тани, ме думысь, сиктса войтыр и асьныс мыжаöсь кутшöмакö. И абу кутшöмакö, а зэв на и ёна. Ме тай гарышти нин гижöдöс панигөн челядь кадся мöс видзöм йылысь. Öнi Шошкаын мöска овмöсыд лыда. Со и уськöдчöны нывбабаяс магазинö, кор вузалöны сэнi йöла сёян. Ёна-ö тайö лöсялö, кор сиктö карысь йöвсö вайöны? А öд сы вылö, медым Шошка сиктын скöt видзны, быдтор эм. Öнi, майбыр, оз ков кöнкö лөк вутшкаиннын гөрбушөн öвтчыны, и сиктбердса шылыд видзяс тырмымөн, и совхоз бара жö отсалас гортса пемöстö лöсьöдны. Да и турун вайöмсыд ыджыд шог абу жö, пöшти быд семьяын трактористыд эм. Öнi со и государственным ышöдö гортса пемöстö видзны. Нокыс-бергалöмыс скöt гөгöрыд тырмымөн жö лоö, но да öд и ноксытöгыс йöв-вйыд пызан вылад оз лок. Му бердöдзыс копыр налы, кодi и ачыс аслас йöв-ййөн олö, и государстволы отсыштö на, олö збыль сиктса олёмөн.

...Ывла вылын кöдзыд на тратшкакылö, а шондыс тулыслань нин чужöмбаннас бергöдчис. И чужан сиктöй бара нин тувсовья могьясөн олö. Ыджыд öдөн торф да куйöд муяс вылö петкöдöны, гаражын гöран-кöдзан техника дасьтöны. Быд мортлөн аслас торья удж, торья мог, и ставныслөн öтувья: сöвмö-озырмö сикт — сöвмö-озырмö государственным.

Дженьыдика кöсьи чужан сиктöй йылысь висьталыштны, а вель кузя лои сёрнитöма сы вöсна, мый унатор вөрзöдö и дойдö менö сылөн олöмын.

И сэтшöма кöсьиьсö, мед эськö быд ногыс водзö шаньмис да бурмис чужан сиктöй. И став коми сиктъясыс!

В. И. МАРТЫНОВ,
филологияса кандидат

Александр Герцен да коми культура

Ыджыд роч гижысь да революционнй демократ Александр Иванович Герцен, кодлы тавося апрельын тырö чужомсяньыс 175 во, пырö отечественнй культура да литературалон сэтшöм представительяс лыдö, кодъяслысь сёлöмсö пыдйа вörз-öдс оломыс да аския луныс Россияса быд народлön, на лыдын и коми йöзлön.

1835-öд воын, Московской университет помалöм бöрын кык во мисти, Александр Герценöс революционнй агитация нуöдöмысь вöли арестуйтома царскй правительствоон да ыстöма Пермö, а сесся Вяткаö полициялön стрöг дözöр улö. Ссылкаö ыстöм ёна паськöдссылысь видзöдласьяссö роч крепостническй олом вылö да чиновникьяслön бюрократическй аппарат вылö, а такöд öттшöтш озырмöдс Россияса мукöд народъяслысь олом тöдöмсö.

Аслас гижöдъясын А. И. Герцен сйö уна лист бок финно-угръяслы: черемисьяслы (мариецьяслы), вотякьяслы (удмуртьяслы) да зырянаяслы (комияслы). «Былое и думы» аслас медтöдчана книгаын сйö шуö тайö йöзсö финн олысьясон да гижö: «Финн олысьясöс мыйкö мында вöли пöртöма христианаö Петр I кадöдз на, мыйкö мында Елизавета дырйи, а кутшöмкö юкөн сйдзи и колис язычникьясöн. Петр I кадöдз вöли пöртöма христианствоö тшöтш и коми-зырянаясöс.

Коми мулань Александр Герцен велькöдс ассысь мовясö ещё сы вöсна, мый татчö, Усть-Сысольскö, 1839-öд воын царскй властьяс ыстисны роч гижысь, журналист да литературнй критик Николай Иванович Надеждинöс сыысь, мый сйö аслас «Телескоп» журналын йöзöдс П. Я. Чаадаевлысь «Философическй писъмö», кодсö вöли гижöма царскй самодержавиелы паныд. Усть-Сысольскö Надеждинöс мöдбöдöм йылысь А. И. Герцен аслас гижöдъясын пасйö куимысь: «О развитии революционных идей в России» уджын, «Былое и думы» книгалön нельöд юкöнын да «Лишние люди и желчевики» статьяын.

Александр Герценлысь гижöдьяссö тöд-лисны кодсюрö и комияс пöвстысь. Сйдз, коми литературалы подув пуктысь И. А. Куратовлысь оломсö да гижöдьяссö туя-лигön литературовед А. Н. Федорова пасы-ылис, мый Вёлгöдаын, конй велöдчылис медвöддза коми поэт, «пыр вöли поэзö судзöдын Герценлысь «Колокол» газет», мый «вёлгöдаса семинаристьяс ордын шобси-

гön жандармьяс пыр вöли аддзöны А. Герценлысь да Н. Огаревлысь Лондонын петьсь «Полярнй звезда» да «Колокол» гуся изданиеяс, конй йöзöдсылысны роч революционнй демократьяслön уджыяс, тшöтш и Герценлön татшöм гижöдьяс: «Ископаемый епископ, допотопное правитель-ство и обманутый народ», «Исполни про-сыпаются», «Разговоры с детьми», «Ответ Искандера» да мукöд. И кöть Куратовлön рукописьясын Герценлысь нимсö эз ло аддзöма, век жö тыдалö кык гижысьлön уджыасын тшöкыда кодь паныдасысь ма-тыслуныс. Сйдз, öтилайын роч йöз йылысь Герцен пасйö: «Люди у нас родятся, что-бы склонить голову перед несправедли-вым роком, и умирают бесследно, предо-ставляя своим детям начать сначала ту же безнадежную жизнь. Наш народ не знает своей истории...» Сйдз жö кымын гижö комияс йылысь миян Куратов. «Про-шедшее зырян такая пустыня, где глаз не находит предметов, чтобы на них остано-виться и по отношениям их опреде-лить обозреваемое пространство и свой-ства его... у зырян нет истории» и с. в. А. И. Герцен роч историян мыйкö мында тöдчанаон лыддö Пугачевлысь восстание да французьяскöд 1812-öд вося война, И. А. Куратов лыддö коми историяын тöдчанаджыкөн зырянаос христианствоö Сте-фан Пермскийон пыртöм.

Либö босьтам сйöс, кызди шыöдчö А. И. Герцен 1849-öд во динö: «Проклятие тебе, год крови и безумия, год торжест-вующей пошлости, зверства, тупоумья. Прок-лятие тебе!» Тадзи жö кымын гижö И. А. Куратов «1865-öд во петигön» кывбурын:

**Мун, лёк во, мун! Ме аддзи сöмын
Ас шудшöн дженьыд мусалöмын;
Тэ винн муса мортöс... Со
Мем бара кысь! Мун, мун, лёк во!**

1861-öд воын Александр Герцен мукöд-көд тшöтш босьтис ас вылас «Земля и во-ля» революционнй общество котыртöм. Сэтчö пырис и Петербургскй универси-тет помалöм том коми лингвист Георгий Степанович Лыткин. Тöдлсны-ö öта-мöдныс-сö Герцен да Лыткин, висътавысь ськыд. Герцен тайö кадö олис да уджалис Лондо-нын. Обществоса членьяс пыдди пуктисны сйöс кызди революционнй теория лöсь-öдысьсö. Г. Лыткин вöлис сэтшöм йöз лы-дын, кодьяс нуöдисны Россияын практи-

ческой революционной удж. Сылон Петербурга оланінын да дачаын вөлі дзебөма типографияс, көні йөзөдсьылісны революционной прокламацияс. Кодыр царской жандармьяс аддзисны да пасьвартісны тайө обществосө, унаөс вөлі пуксьөдөма тюрьмаө, мөдөдөма ссылкаясө, быд ногыс стрөжитөма. Сэки унаөн өтдортчисны революционной уджыс. Öтдортчис и Г. С. Лыткин, көть и тыдалө сылөн письмөяс да казтылөмьяс серти, кутшөм сьөкыда сійө нуис ас вывтыс асьыс медбур надеяс жулльөмсө.

«Земля и воля» обществолөн уджкөд вөлі йитчөма оломьыс и Усть-Сысольскыс петлөм Латкиньяс семьялөн. Нималыс промышленник да общественной деятель В. Н. Латкинлөн нылыс Серафима Васильевна петліс верөс сайө тайө общества активной член Лонгин Федорович Пантелеев сайө. Пантелеевс вөлі судитөма квайт во келлө Восточной Сибирса каторгаө.

Пантелеевьяслыс семьясө да В. Н. Латкинөс бура төдліс Александр Иванович Герцен. 50-өд вояс помын В. Н. Латкин ветліс Герцен дорө Лондонө. Öти письмөын Герцен пасйө, мый С. В. Пантелеева шыөдчыліс жандармьяслөн шеф дінө, да сы бөрын весиг царь дінө, медым прөститісны сылыс верөссө. Но некоднаныс том нывбабалы нинөм эз вочавидзны.

Кыдзи гижө А. И. Герцен аслас «Земля

и воля» уджын, сэтшөм жө прошение царлы сетліс и В. Н. Латкин. Но тайө прошениесө сідз жө вөлі кольөма видлавтөг. 1866-өд вояс майын уна тюрьмаясын видзөм бөрын Л. Ф. Пантелеевс вөлі мөдөдөма Сибирө.

Александр Иванович Герценс кыскисны ас дінас не сөмын торья коми йөз, но и Коми мулөн социально-экономической оломьыс да сылөн аския луньясыс ставнас. Кыдзи гижө СССР Географической общества действительной член В. Королев, «Герцен шыөдчыліс В. Н. Латкин дінө, мед сійө гижас лондонской «Колоколын» Печорской порт стрөитөм йылыс, тайө босьтчөмын сьөкыдлуньяс йылыс».

Революцияөдзса водзмөстчыс йөзлыс мөвпяссө вөлі збыльмөдөма сөмын Великой Октябрьской социалистической революция бөрын. Сэки жө лоисны паськыда төдсаөн комияслы, кыдзи и став страна на лыддысьысыяслы, А. И. Герценлөн общественно-политической, философской да художественной гижөдьяс. Сы вөсна мый роч кыв лоис комияслы мөд рөднөй кывйөн, А. И. Герценлөн гижөдьясыс гөгөрвоанаөсь миянлы коми кыв вылө вуджөдтөг. Такөд өттшөтш 1956-өд воын коми кыв вылын Коми книжной издательство йөзөдліс торья книгаөн сылыс «Гусьясыс катша» да «Доктор Крупов» повестьяс. Книгасө вуджөдіс Ф. Шадрин, редактируйтис С. Морозов.

Ф. В. ПЛЕСОВСКИЙ,
филологияса кандидат

Эжва катыдса комияс

Документъяс серти кӧ, комияс Эжва катыдын овмӧдчисны сӧрӧн. Но татшӧм шуӧмыс подулавтӧм. Медводдза писцӧвӧй книгаясын индыссьӧ, мый сыктыввожса, эжваса, емваса, удораса войтыр 1585 восянь муналӧны, пышйӧны, вуджӧны Кама да Вятка вылӧ, Сибирӧ, а Эжва катыд, Сыктыв ю вомсянь, кольӧ овмӧдтӧм, либӧ овмӧдсьӧ нӧжйӧ.

Кызд шуӧны миян историкъяс, медшӧр помканас талы вӧлӧма сйӧ, мый Эжва катыдыс вӧлӧма быттӧкӧ Печораса мансилӧн кыйсян-вӧралан угоддьясӧн, и сйӧ, мый Печораса манси тшӧкыда уськӧдчылӧмаӧсь Эжваса олысьяс вылас. Но коми мулӧн историяыс документъясӧн тӧдмасьӧм бӧрын тыдовтчис, мый Эжва катыдӧ комияслӧн сӧрӧн овмӧдчӧмыслӧн помкаыс абу сыын, мый сэн вӧлӧмаӧсь йӧгралӧн кыйсян-вӧралан угоддьяс. Та йылыс некутшӧм документын оз казтывсьы. Эжва катыдсӧ 1485 вося грамотаын шуӧма сыктывсаяслӧн кыйсян-вӧралан угоддьясӧн.

Мансилӧн Эжва катыдса олысьяс вылӧ тшӧкыда усьласьӧм йылыс сӧрнясыс абу жӧ инаӧсь.

Историяыс ми тӧдам: Стефан Храп (Пермской) Емдінӧ воӧма 1379 воӧ. Сэн сылӧн лоас ыджыд вен Пама сотниккӧд. Пермско-Вычегодской летописьын пасйӧма (1380 воӧ): Пама дор сулалысьяс вӧлӧмаӧсь этшаӧн и налы лоӧма Емдінсьыс мунны. («Понеже их малолудно и вшедше осьвьяси».)

Пама сотник пышйӧма Урал сайӧ, но Стефансӧ Емдиньыс вӧтлӧм йылыс мӧвпсӧ абу энвӧтма. Та могыс сйӧ шыӧдчӧма абу нин комияс динӧ, а йӧгра динӧ. Но дыр жӧ ковмӧма Памаыслы йӧграсӧ комияс вылас кыпӧднысӧ — дзонь 12 воӧ! (Олісны кӧ йӧграыс Эжва катыдын, Печораын, найӧ зськӧ Емдинас локтісны сйӧ жӧ воас. И уськӧдчылӧмыс налӧн вӧлӧма ёнджыкасӧ мода вылас: Емдінсӧ босьтны найӧ абу и заводитлӧмаӧсь). Со кызди гижӧма та йылыс 1392 вося летописьын: «Лета 6900 пришедшу на владычній город на Устьемь поганьи вогуличи, а с ними Пама сотник окаянный. Стояли вогуличи станом на Юруме на месте завемой Асыкоя неделю, к горотку не приступали, а погосты около тех мест разорили. Узнав те вогуличи из слухов, устюжский полк идет на вогули-

чов, сели в лады и утекли взерх Вычегодоу рекою».

Буретш тайӧ уськӧдчылӧм йывзъыс бӧрынджык Епифаний Премудрый казтыштӧма «Стефанлӧн житиеын». «Поганьи вогуличи наступають».

Кольӧма та бӧрын 70 сайӧ во, но сзэся йӧгралӧн коми вылӧ некутшӧм уськӧдчылӧм абу вӧлӧма. Унаыс уськӧдчылӧмсӧ подулалӧны 1455 воын Емдинса нельӧд епископӧс, Питиримӧс виӧмӧн. Но 1455 воас йӧграыс уськӧдчылӧма абу Эжваса комияс вылӧ, а Чердін (Чердынь) вылӧ.

Тайӧ воас Питиримыс ветлӧма Чердинас сзтчӧс комиясӧ Кростос вераӧ пыртӧм могыс. Питиримыслы Чердинсьыс лоӧма пышйыны, йӧграыс вӧтчӧма сы бӧрся, кутасны да виасны сйӧс Эжва катыдын. Помӧс юыввса Кафедраил нима местын.

Тані, дерт жӧ, чужасны юалӧмъяс: кызди Питиримыс веськалӧс Эжва йылас да мый сйӧ Кафедраилыс?

Тадзи артмӧма со мый вӧсна. Важӧн Чердінӧ ветлӧмаӧсь Эжва катыдса Нем ю кузя (Нем вывсьянь Березовка ю вылӧ, сзэся Вишерка ю кузя Колва вылын сулалыс Чердін карӧ). Тайӧ важ туйӧдыс и пышйӧма йӧграсыс Питиримыс и, тыдалӧ, кӧсйылӧма дзэбсыны Эжва йывса слугаясыс ордын. Эжва йылас епископьяслӧн владениеас местаӧн-местаӧн вӧлӧмаӧсь Вӧль юӧдз. Та йылыс жӧ висьталӧ и Кафедраил нимыс. Сйӧ артмӧма кафедра да йыл кывъяссыс. А кафедралӧн важ вежӧртасыс: «соборной, епископской» («кафедральной собор»).

Артмӧ, мый эз йӧгра дзескӧд комиясӧ. Ёнджыка комиясӧ дзескӧдмаӧсь пермской епископӧс (на пиыс медся горшнас вӧлӧма Филофей, епископалӧма пӧшти комын во — 1472 восянь 1501 воӧдз), епископьяслӧн слугаясыс да Пермь Вычегодская вӧлӧстьса начальствоис. Буретш та йылыс гижӧма Иван III-лӧн Пермь Вычегодская 1485 вося грамотаын. Сэн тӧдчӧдӧма, мый: «Обиды дели великие чинятся волостным людям пермякам от владыки пермского и владыки слуги, и межволостных людей, поимают у них сильно их дедины и отчины печича реки и озера, и курьи участки».

Лыддысьыс вермас юавны: кызди зськӧ да кор вермисны овмӧдчыны комияс Эжва катыдса сиктыясын? Вӧлӧма тайӧ, тыдалӧ, тадз:

Сыктывса войтыр Кельтма вожъясын

Кельтма юлысь вылыс джынсö, Иван III-лөн 1490 вося жалованной грамота серти, босьтöмаöсь ас киас Емдінса епископъяс («да верховина Котломы реки владыки»). Епископъяслөн слугаясыс, колö шуны, зев сюся видзлöмаöсь асланыс кöзяевалысь владениеяссö, торйөн нин епископствосö Емдінсыыс Вöлöгдаö вуджöдтöдз. (Тайö лöбма 1564 воын). Тайö тöдчö и мукöд местаяс серти. 1490 вося сийö жö грамота серти Эжваыс Дырнössянь Лöкчимöдз, а Лöкчим кузя Нидзас юöдз сідз жö Емдінса епископъяслөн владение, и буретш та вöсна Кöрткерöсö комиаяс вермисны овмöдчыны 1646 воысь неуна водзындыкыс.

Кöть эськö Эжва катыдыс и вöлöма сыктывсаяслөн вöралан угоддöясөн, но пöльзуйтчöмаöсь набн, кызди петкöдлöны документяс, абу ставöн, а сöмын найö, кодъяс мынтылöмаöсь тавысь торья дон, босьтлöмаöсь оброк вылö, а тайö оброкыс мунö вöлөм бара жö великöй князяслөн да царьяслөн казнаö.

Шуам, 1585 вося писцöвöй книга серти, Лöкчим юөн пöльзуйтчöны вöлөм нель вичкоса служакясы: Шошкаыс, Усть-Сысольскысы, Пажгавыс да Ыбысы. И тавысь налы колö вöлөм мынтыны кык шайт оброк да 40 алтын пошлина. Тайö жö писцöвöй книга серти, Эжва катыдса юяс (и абу ичöt юяс) босьтлöмаöсь оброк вылö абу вичкояс, погостьяс, а öтка войтыр, тыдалö, озырджикьясыс. 1585 воöдз на Эжва катыдса Кельтма, Прупт да Лопью кöртымавлöмаöсь Ыбса крестьяна: Федька Иванов, сын Большого, Семен Пельмегов, Афонька Климентьев, Давид Онтипин, Мосейка Васильев, и быд во мынтылöмаöсь кызь алтынöн да пошлинасö сизим деньгаөн.

И тыдовтчö со мый: Федька Иванов, сын Большогоыс вöлöма сэк Ыб погостса сотскöйөн, мукöдьясыс: Пельмегов, Климентьев, Онтипин, Васильев ыб погостса олысьяс лыдын книгаас абу пасйöма. Найö, тыдалö, овмöдчылöмаöсь нин сийö юяс пöлныс, кодъясыс быд во мынтисны сэтшöм ыджыд кöртым.

Тайö жö вося писцöвöй книга серти, Эжва катыдса юяс босьтлöмаöсь оброк вылö сыктывсаяс жö, кeбраса крестьяна Прокопка Кинев да Степанка Федосиев. (Улом да Карюга юяс), кöртымсö мынтöны вонас кык гривнаöс.

Эжва катыдса юясөн оброк вылö босьтöмөн пöльзуйтчөн модавс вöлöма на и бöрьяджык кадö. 1646 вося писцöвöй книга серти Сыктывса Вильгортын овлöма Вахрамейко, Игнатьев сын, прозвище Ватаманов, а вокыс сылөн—Левка Игнатьев, сын Ватаманов, тайö жö воас олöма Кулöмдінын. Вильгортсыыс Кулöмдінас сылөн вуджöмыс вöлöма абу вöля корсьöм ради. Кыдзи тыдовтчö неуна сёрнджык гижöм документясы, тайö Левка Ватамановыс босьтлöма оброк вылö став Эжва катыд-

сö—сэтчöс вöрьяснас, видзьяснас и тыяснас. Та йылысь виставсь Иван Грозный-лөн 1671 вося грамотаысн. Грамотасö сөтöма Ульянов манастырлы му торйöдöм вылö. А сэся бöрас нин гижöма: «А в приходных книгах прошлых лет с 157 году (1649 восянь) по нынешний 179 (1671 воöдз) написано: с пустые земли, что от Сысольского устья верст с 20 и больше, вверх по Вычегде реке, и с лесу, и с лугов, и с озер у сысолятина Левки Ватаманова оброк и пошлин 10 рублей 16 алтын 4 денги».

Сідзкö, Левка Ватамановыс 22 во чöж нин кутöма оброк вылын Эжва катыдсö (верст с 20 и выше), гашкö, буретш Кулöмдінöдзсыс? Эз кö сідз вöв, мыйла нö эськö сийö Кулöмдінас овмöдчыс?

Кельтма пöлөнса войтырлөн сёрниыс аслыснога. Сийö вель ёна торьялö Кулöмдінса, Немдінса да Мылдінса войтырлөн сёрниысь и матынджык сыктывса войтырлөн сёрни дінö. Писцöвöй книгаас серти, йöзыс Кельтма пöлөн, сылөн вожьяс пöлөн абу овлöмаöсь 1784—1786 воясöдз. И сöмын тайö восяяс межевание дырий Усть-Сысольскöй уездной канцелярияын тöдмаласыс, мый Кельтмалөн вож—Воч ю пöлөн эм кык грезд: Улыс да Вылыс Вочьяс, и сэн 16 керкаын олöмаöсь 87 морт.

Кельтма пöлөн, медясö сылөн вожьяс пöлөн овмöдчысны сöмын сыктывсаяс, и зев нин важкысыс. Казытыштам 1585 вося писцöвöй книгаыс ыбса крестьяналөн Кельтмасö асьсö, Прупт да Лопью вожьясö оброк вылö босьтöм йылысь пасйöдын. И локтисны найö сэтчö, дерт, эз Эжва кузя, а Лöкчимлөн вескыд вожьяс пöлөн, либö—Камаса Весляна йывсянь. (Веслянаыс вöлöма сыктывсаяслөн жö ю). Вылыс да Улыс Вочьяс кызди Кельтма вожьясын, вöлісны, дерт, пöчинöкьяс, кодъяс йылысь либö эз тöдны, а гашкö, тöдісны, да кутшöмкö помка вöсна эз зятисны.

Ме думыс, правöсь этнографьяс Л. П. Лашук да Л. Н. Жеребцов, кор найö гижöны, мый Кельтмаса Воч нимсö вайöмаöсь Сыктыс вожысы сэтчö медводдза овмöдчысыясыс. Найö, тыдалö, чайтöмаöсь, мый налөн виль овмöдчаніныс лоас сэтчöс местаясын шöр местаөн, центрөн, кутшöмөн вöлöма Сыктыс-Вочыс. И чайтöмыс налөн збыльмис. Сыктывсаяслысь Кельтма вылын важкысян нин олöмсö позö подулавны и сэтчöс войтырлөн некымын важ обычайён, кодъясö кутчысыöны öнi на (шуам кöть—гöститöдчöм). Казытыштам сэтчöс йöзлөн енлы да мутияслы эскöм йылысь. Тöдса, мый 18 нэмсян Кельтмаса йöз кутчысылöмаöсь важ вераö (сідз шусяна «старообрядчествоö»), а верасö налысь нимтöны: рочөн—«нетовщина», комиён—«вераса». Налөн вераыс унаторйөн абу öткодь бöрьяджык кадö чужлöм старообрядческöй тöлкьясыс. «Вераса»-яс пыртлöмаöсь кагаяссö, и венчайтчылöмаöсь вичкоын. Найö шулöмаöсь: «Мед кöть и еретик пы-

ртõ, но оз прõстой мужик». Та вõсна «нетовщинасõ» этнографьяс шуõны православиe да старообрядчество костын сора-костаõн.

Кельтма вожса войтырлõн «верасаясõн» асьнысõ шуõмыс отсалõ гõгõрвоны тайõ вераислысь вужьясõ да чужан кадсõ. Сыктывсаяс воõмаõсь Кельтма вожьясõ

Кристос вераа войтырõн нин, а абу язычникьясõн. Но сы вõсна, мый олисны найõ соборной вичкоясысь ылын, эз тõдны, кутшõм ыджид вежсõмьяс вичколõн обрядьясын лоõмаõсь 17-õд нэм шõрын. Сидзкõ, найõ локтисны сэтчõ коркõ 17 нэмьясõдз нин, а олисны Улыс да Вылыс Воч грездьясысь кындзи и мукõд пõчинõкьясын.

Емваса да Висерса комияс Эжва катыдын

Вычегодско-Вымской летописын Висер вожõс казтыштõма 1380 воын. Стефан Храплõн прõтивникыс, Пама сотник. Стефанõс Емдинсыс вõтлõм могысь шыõдчылõма Висер вожын да Емва пõлõн олысьяс динõ. «И весть дошла неверным людем по реке Вычегда на место, именуемое Вишера, и по реке Вымы, тамо живяху, старый Пама сотник».

Сидзкõ, Висер вожас комиясыс олõмаõсь ёна водзджик 1379 воысь, и найõ вõлõмаõсь абу пышьялысь войтыр. 1481 воõ вõли нуõдõма Коми муын первой перепись. Та могысь Москваса великой князь Иван III ыстас Пермь Вычегодскаяõ дьяк Иванка Гавриловõс. Сэсся, нель во мысти, 1485 воõ, Иванка Гавриловыслõн гижõдьясыс серти Иван III ыстас Пермь Вычегодскаяын олысьяслы сидз шусяна «жалованной грамота». Тайõ грамотаас пасйõма (Гавриловыслõн гижõдыс серти жõ), кутшõм юясõн, тыясõн да угождьясõн пользуйтчõмаõсь эжвасаяслõн, емвасаяслõн, висерсаяслõн, удорасаяслõн, сыктывсаяслõн да ужгасаяслõн польясыс да батьясыс.

Тайõ грамота серти, Висер вож — Емваса муяслõн юкõн. Висерсаяслы индõма кыйсыны-вõравны, видз-му вõдитны Емвасысь кындзи, сõмын Висер да Нывсер вожьясын. Эжва пõлõн налы нинõм абу индõма. Иванка Гавриловлõн лыддьõд серти, емвасаяслы колõ вõлõм ыстыны Москваса князлы 367 низь ку, а низь куыс кõ абу, быд низысь 4 гривна, висерсаяслы — 46 низь. Эжвасаяслы колõ вõлõм ыстыны 438 низь, удорасаяслы — 228 низь, сыктывсаяслы — 536 низь, ужгасаяслы — 92 низь. (Вотыслысь ыдждасõ вõлõм арталõны низь куясõн).

1608 вося перепись серти, Висер ю вылын вõлõма нин вичко (погост), кõть и погостыс век на лыддьысьõ Емваса муяслõн юкõнõн. («Вымские ж земли погост Вишера на реке на Вишере»). Погостыс мукоас погостьяс дорысь гõль — вичкоас служитлõмны сõмын дьяк да пõнõмар.

Крестьянской керкаыс вель уна — 21, но олысьяснас сõмын 9 (таõдз вõлины тшыг вояс). Квайт керкаыс олысьясыс кулõмаõсь, вит керка олысьтõм мõд местаõ вуджõм вõсна, и õти керкаыс олысьыс мунõма Кама вылõ.

Олысьясыс — ставныс «молодчейас» (гõльяс), кõть эськõ муясыс абу омõльбõсь — «середнийас» (10 чети, с осьминоу в поле, а в дву — потому ж), туруныс этша — 30 юр, но уна чõс — 120 (120 слопцов).

Погостас пырõ сõмын õти грезд — деревня Большой луг. Сэн 3 олан керка да 4 овтõм. Муясыс «середнийас», туруныс 70 юр.

Дырõн-регыдõн висерсаяслы сõмын Висервожын лоõма дзескыд. И кодюрõ на пывсы, тыдалõ, смелджыкьясыс, кутõмаõсь овмõдчавны Эжва пõлõн, Сыктыв вожса войтырлõн кыйсян-вõралан угождьясын. 1646 воõ висерсаяслõн Эжва вылын лоõны: Нёбдён, сэн 5 олан керка да нель овтõм, Сторожево грезд — 1 олан керка да 1 овтõм, Шуна туй (õния Шойнаты) грездын 2 керка.

Тайõ жõ кад кежлõ висерсаяс аддзõмаõсь нõшта на бурджык местаяс Эжва катыдысь — Кулõмдиныс да Немдиныс. И овмõдчалõмаõсь найõ сэтчõ, тыдалõ, некодлысь юясътõг-висьтасьтõг. Тадзи мещу сы вõсна, мый писецьяс Усть-Куломысь «погостец»-сõ шуõны выльбõн, и индõны, мый налõн вуж погостыс — погост Вишера.

Вишера погостысь олысьясõ лыддьõд-лиг писецьяс пасйõмаõсь: «Место дворовов—8 (овтõм керка) Якунка Васильева сына с сыном Самуилом, а они сошли того же Яренскаго уезду Вишерские ж волости на новую усаду (виль местаõ) на Усть-Неми во 145-м г. (1637 воõ); Большой лугысь гижасиг: «Двор пуст Кирилка Петрова сына, шел того же погосту на новую усаду на Усть-Неми во 153-м г. (1645 воõ); Сюзябыбсы: Двор пуст Гришки Антипова сына, шел того же погосту на новую усаду в дер. Усть-Неме во 149-м г. (1641 воõ); Нёбдённыс: «Дв. пуст Зиновка Елисеева сына, а они сошли на новую усаду в деревню на Усть-Кулом во 149-м г. (1641 воõ); Сторожево грездыс: «Дв. пуст Виски Петрова, а он шел того же погосту на новую усаду в дер. на Усть-Кулом в нынешнем во 158-м г. (1646 воõ); Большелуг грездыс: «дв. пуст Васки Федорова сына Мишурина 3 детьми с Аврамком да с Федотком, шел того же погосту на новую усаду в дер. Кжом (Усть-Кулом).

Виль Усть-Кулом «погостец»-ас сэк вõлõма ниа вичко, но вичкоыс и сэн служитысьясыс, тыдалõ, сõмын мода вылас. Сэн õти вичко, а абу кык (тõвся и гожся) кыдз вõлõма важ погостьясын: «А на погосте церковь во имя Николая Чудотворца», эм и поп, но коньõр кодь, а на церковной земле двор поп Петр Григорьев сын со вначуасыс с Куземкою да с Ульяном Васильевыми детьми (насянь мõдасны Кулõмдиныс

Попвасевъяс). Сідзкө, вөлөмә сөмын өти поп. Дьяк, пономарь, прёскурница, кызд мукдө вичкоясын, абубсь.

А өд «погостец»-ыс сэк нин вөлөмә абу ичөт: Кулөмдінас 12 керка, Усть-Немын — 13 керка, Кужбаын — 3 керка, Кулома ю вылын Куломка грездын (Дон?) — 4 керка, Керчеман — 1 керка. Ставнас — 36 керка. Весиг ыджыдджык «ай» погостсыс — Висерсыс: сэн сэк вөлөмә (овтөм керка-яссө лыддыбтөг) — 32 керка. Пасьям: Висерсыс Кулөмдінас да Немдінас вуджысыс-ясылөн унджыкыслөн овьясыс абубсь на, овьяссө налы сетөмны бөрынджык, 1678 — 1720 воясө).

Сыктывсаяс Эжва йылын

Тыдалө, сы бөрын, кор сыктывсаяс ка-зясласны, мый налөн кыйсян-вөралан угод-дьясө юастөг-вистасьтөг овмөдчөмабсь ыджыд грездьясөн да погостьясөн емва-саяс-висерсаяс, кутасны вуджавны Эжва катыдө и Сыктывса войтыр. Тадзи позьö шуны сы подув вылын, мый Эжва йывса сёрниыс медся матын Сыктыв вожса вой-тырлөн сёрни динө. Татшөмөн коми кыв велөдысыяс шуöны Пожөг сиктсөветө пы-рысь войтырлысь сёрнисө.

Пожөгыс артмөмә пөчинокысь; пуксь-мабсь сэтчө некымын олысь, 1678 воясө пе-репись серти, 1676 воө. Пөчинокыс сэк пырлөмә Усть-Нем погостө. Медводдза овмөдчысынас вөлөмабсь: Сыктывса Киб-раысь локтөм семьяяс — Афонька Васильев да сылөн сосед Якушка Осиповлөн; Сык-тывса Визингаысь бобыль Галка Тимофеев сын Лежановлөн ыджыд семья; Сыктывса Межадорысь локтөм бобыль Марчка Ива-нов тыр арлыда Нифонтка вокыскөд, и куим семья өния Архангельскöй областысь локтөм войтырлөн (Вага вылысь — Акудин-ка Петров 12 арөса Богдашка пыискөд; Каргопольсыс — пиянтөм бобыль Лучка Иванов, соседөн сыкөд олө Тотемскöй уездысь локтөм Архипка). 1720 воясө пе-репись дырйи Пожөгыс — погост; погостас пырöны: Волдін починок (сэни өти овмөс — Уляшовлөн; Великополье починок (сэни өти овмөс — Пашнинлөн); Кырныша почи-нок (сэн кык олысь — Чисталев да Куроч-кин); Скородум починок (өти керка — Пар-шуковлөн). Пожөгас — 6 керка, быд олысь-лөн торьялана овьяс.

Лыддьөдлам олысьясыс: Нифонт Иванов сын Мартюшев (тайö Межадорысь лок-төмаыс); Павел Яковлев сын Шахов (ты-далө, Кибраысь локтөм Якушко Иванов-ыслөн пи); Савва Гаврилов сын Лежанов (тайö Визинса бобыль Галка Лежановыслөн

* * *

Кыв көрталөм пыдди вермам шуны со мый. Медся ыджыд помкаыс, мыйла Сык-тыв ю вомсянь Эжва катыд дыр эз вөв овмөдөмә, вөлөмә сыын, мый сэни вөлө-мабсь сыктывсаяслөн кыйсян-вөралан угод-

Өни гөгөрвоана, мыйла Кулөмдінас, Нем-дінас да бөрынджык чужөм погостьясын — Донскöйын да Мыелдінскöйын сёрнитöны емдінса да висерса ног; тайö погостьясас и бөрынджык овмөдчөлабсь медсясө Емва вылысь да Висер вожысь локтөм войтыр. Пасйөмә тайөс и документьясын: 1678 воясө писцөвöй книгаысь лыддям Княжпогостыс: «Двор пуст Алешко Опа-рина, промер, дети его, покиня двор, пош-ли кормиться в людях на Вычегду»; Сере-говоыс: «Двор пуст Андрея Гичева, про-дал Ивану Панкратьеву, а живет Вишер-скöй волости во крестьянах».

пи); Козьма Порфирьев сын Мингалев; Фома Максимов сын Шабуров; Павел Аф-анасев сын Третьяков, Озырджыкысөн на пиысь вөлөмабсь: Шахов (көдзлөмә кык четверик, четверикас төрлөмә сю 6 пуд, зөр — 3 пуд), турун пуктылөмә 250 юр, и ставсыс вотсө мынтылөмә 16 шайт); Тре-тьяков (көдзлөмә 1,5 четверик, турун — 230 юр, мынтөмә 15 шайт); Лежанов (2 четверик, 200 юр да мынтөмә 10 шайт); Мартюшев (3 четверик, 200 юр да мынтөмә 10 шайт). Мингалевөс да Шабуровөс пасй-өмә бобылясөн; воддзаяс көдзлөмә 1 четверик, турун пуктылөмә 30 юр и мын-тылөмә 2 шайт да 4 гривна; мөдыс — 2 четверик, 120 юр и мынтылөмә 4 шайт.

Ставсө тайөс ми висьталім сы вөсна, мед гөгөрвоны, мыйла Пожөг сиктсөветын войтырыс сёрнитöны Сыктывса диалект вылын: унджык воддза олысьыс сэн вө-лөмабсь Сыктыв вожысь локтөм йөз. Пом-өсдінын да Вольдінын, кызди шуöны кыв велөдысыяс, «вуджан» («переходной») диа-лект. А тайö, тыдалө, сы вөсна, мый Пом-өсдінсө өснуйтысыясыс вөлөмабсь Сык-тыв вожысь да Усть-Сысала погостыс локтөм войтыр. 1720 воын Помөсдінын вө-лөмә кык керка. Отиас олөмабсь «Григорий Федоров сын Карманов с детьми и бра-тьями, и племянники». Тайö Григорийыслөн батысь, Федорыс вөлөмә, тыдалө, Сыктыв-са Шошкаыс, Визинсыс либө Палаузыс: сэн Кармановьясыс вөлөмабсь важысянь, эмөсь и өни. Мөдыс — «Еремей Наумов сын Игнатов с детьми и внучаты, и пле-мянники. Тайö Еремейыслөн батысь, ты-далө, Зеленечысь (1720 воө Игнатовьяслөн сэн 2 керка). Та вөсна Помөсдінын сора-коста сёрни: Сыктыв вожысь локтөм вой-тырлөн элөвöй сёрни: Зеленечысь лок-төмьясыянь — вэ-элөвöй.

дыөяс. Уськөдам төд вылө, кутшөм ыджыд ясак колө вөлөм мынтыны налы великөй князьяслөн-царьяслөн казнаө.

Сідз шусяна «обычной право» серти общинной муяс вылын пыр кезлө овмөд-

чыны позьё вёлём сёмын сэк, кор лэдзасны, сетасны позялун та вылө асьныс общинаясыс; Эжва катыдын кө, «Сысольскөй земляса» олысьяс. Тайө «правосө» торкалысьясөс чорыда вёлём мыждөны—сотөны налысь оланінъяссө, налысь кыйсян-вөралан көлуйсө. Но тайө правосө регыдөн кутасны торкавны озырджык йөз торъя юяс оброк вылө босьтөмөн.

Эжвалөн катыд вожьяс лыдысь медводз вёлі овмөдөма Висер ю. Сэні зэв нин важысянь олөмаөсь Емваысь локтөм войтыр. Сыктывсаяс зэв жө важысянь, но медсясө гусьдөн, овмөдөмаөсь Кельтма юлысь вожьяс: Воч, Прупт, Висерса войтырлөн Эжва вылө петөмыс (Небдін, Шойнаты), а сэсса налөн жө Кулөмдінө, Усть-Немө пуксьөмыс помөдз торкис сыктывсаяслысь Эжва катыд вылө монополиясө. Тайө вайөдіс сыө, мый Эжва пөлөн повтөгджык и юасьтөг-висьтасьтөг кутісны овмөдчыны не сөмын сыктывсаяс, но и ылысьджык муясысь локтөм войтыр. Сідз, Подъельскын медводдза олысьяснас, 1678 вося перепись серти, вөлөмаөсь Луз вылысь да Удорайс локтөм войтыр. Деревянскын да Ру-

чын тайө жө воас 13 верстьө мужичөй лыдысь көкъямысөн вөлөмаөсь Сыктыв вожысь, кыкөн—Луз вылысь, кыкөн—Удорайс и өти—Висерысь.

Ставыс тайө вайөдөма сыө, мый Эжва катыдын, Көрткерөссиянь босьтөмөн, тэчсьөма-сөвмөма торъя Эжва катыдса диалект. Диалектыс юксьө некымын нога сёрни вылө. Откымын сёрни ног серти стөча позьө төдмавны, кытысь волөмаөсь сэтчө йөзыс.

Сэні, көні олөны кызвын комиыс, йөгра некор абу овлөма: видз-му найө эз вөдитлыны, скөт эз видзны. А зверь-пөтканас да черинас Урал сайыс вөлөма ёна озырджык коми вөръясысь да юясысь. Эз өд прөста комиясыс зэв нин, тыдалө, важысянь мырдөн суйсьыны йөграыслөн кыйсян-вөралан угоддьөясас, и абу этшаөн воштөмаөсь таысь юръяснысө. Огө нин сёрнитөй ненецьяс да саамъяс йылысь. Налы Комиас вөчнысө вөлөм дзик жө нинөм.

Вермас лоны, мый тайө пасйөдъясыс кодлыкө оз воны сьөлөм вылас. Позьө вензьыштны. Өд вензьөмъяс дырйиыс, кызд шулөны, чужө истина.

Дженьыд вежон

Тювгунов Педӧр талун бара асывсяньыс зэв зӱля уджаліс. Звӧнитчаліс ӧтилаӧ-мӧдлаӧ, варовитіс, кодкӧд колӧ и оз ков. Сэсса чай юис.

Та бӧрын дыркодь шаракыліс бумагаясӧн. Ӑтилаӧ мыйкӧ пасьяліс, кымынӧскӧ вурис папкаӧ, мукӧдсӧ шыблаліс кӧрзинаӧ.

Кад мунӧ, удж — тожӧ. Дыр да чӧскыда пажнайтӧм бӧрын, дерт, вугрӧдлӧ. Но кӧні нӧ узьыштас уджалан кабинетас? Весиг водыштлынысӧ некытчӧ.

Тювгунов бара чай пузьӧдіс. Юис чашка куим-нӧль. Унзӱлыыс воши. Босьтіс кроссворд. Но тайӧ пӧрйӧ сьӧкыд веськаліс: кымынкӧ кыв сӧмын и тӧдмаліс. Педӧр шыбитіс сійӧс да видзӧдліс часі вылӧ. О-о, мый дыра на колӧ уджавны! Кытчӧ эськӧ нӧшта воштыны кадсӧ?

Син улас уси календарь. Тювгунов дзоргыштіс сы вылӧ, сэсса босьтіс ручка. Сідз. Вежоннас сійӧ уджалӧ вит лун, кыксӧ шойчӧ. А кымын лун шойчӧ во чӧжнас? Вӧлӧмкӧ — сӧ нӧльӧс. Абу уна. Дерт, шойччан лунъяс кындзи эмӧсь на праздникяс. Содтам отпуск — кызь нӧль лун.

Педӧр ӧзйис да зӱля артасис водзӧ. Артмис сьӧлӧм бурмӧдана лыдпас: вонас сійӧ шойчӧ нӧль тӧлысь да джын!

Тайӧ, дерт, абу этша. Но ӧд позьӧ жӧ вӧчны бурджыка! Мыйла нӧ эськӧ не лӧсьӧдны, шуам, вежоннас кык уджалан лун? Кык лун мырсян, а витсӧ шойччан. Удждонсӧ, дерт, важсӧ кольны. Сійӧс колӧ весиг содгыштны: ӧд вит лун шойччагад сьӧмыд унджык ковмас!

Пырис отделӧн веськӧдлысь Вертепов.

— Век уджалан?

— Мудзи талун, — ышловзис Тювгунов.

— Нинӧм. Ӑні шойччам тӧлысь кымын...

Тювгуновлӧн калькаліс вомыс.

— Отделнымӧс бырӧдӧны, — ышловзис начальник. — Весьшӧрӧ пӧ нянь сӧянныд. Тэа-меалы удж колӧ корсьны.

Ставыс на водзын

Тӧлысь сайын на Таня вӧлі муртса тӧдсаӧн, а талун со — медся матысса да муса — рӧднӧй гӧтыр! Кык вежон нин ӧтлаын олам.

Сӧ майбырӧй, кутшӧм жӧ нин лӧсьыд кургыны-овны том гӧтыркӧд! Радлун вӧсна юрид бергӧдчӧ. Сідзи и окота вӧчны муса Танялы мыйкӧ бурӧс. Шуам, картофель весавны да пуны. А мыйла эськӧ и не пуны? Кор Таня нӧӧбис сола чери, таdzi и вӧчи.

Гӧтыр зэв чӧскыдпырысь сӧйис черисӧ пӧсь картофель сорӧн, сэсса шуыштіс:

— Картошкаыс чӧскыдджык, кор «мундира»... Кыш улас пӧ став витаминьыс.

Мӧдысь пуи, дерт, «мундирӧн» нин.

— Тэныд — мый, дыш вӧлі весавнысӧ? — шензис Таня.

Ме шензьышти жӧ, но нинӧм эг шу.

Суббота́ Таня муніс магазинъяс гөгортны. «Дыркодь ветлөдлас,— думышти ме.— Вевъяла джоджъяс чышкыны. Вот рад лоё. Молодеч, шуас, Васенька! И окыштас».

Зэв бура чышкалі джоджъяс, ни өти ёгтор эз коль, бус ни.

Локтіс көзаяка, видзөдліс гөгөр да шуис:

— Позис и мыскалыштны, абу сьökыд удж.

Мөдысь ме тадзи и вөчи. Но окыштөм пыдди гөтыр ышловзис: — Тырмымөн вөлі и чышкыштны. Ме жө төрыт на дзимлялі квартиранымөс. Али, чайтан, ме лёка мыскалі джоджъяссө?

Тадзи и кутім овны. Көть мый вөч — ставыс неладнө. Мөвпалі - мөвпалі да шуи: «Дзик нинөм ог кут вөчны!»

Суббота́ лунтыр вөлі диван вылын. Таня чөв олө, ме — тожө. Вөскресенньö бара воді. Матыстчис гөтыр, чөв олыштис да ышловзис:

— Куylan? Но, но, куйлы, шойччы. А вед тэ, Васенька, вежон чөж вөлін збыльысь бур верөсөн!

Ме шуи крепыда нуөдны ассым чорыд визь и водзө. Но выльлунө рыгнас шөйөвоши: кухняын — раскладушка, эшкын да пөдушка. Пызан вылын гижөд: «Ужнайт да вод узыны». Видзөдлі: мян узьлан жыр топыда пөдлалөма.

Торйөдчөм йылысь шыөдчөм эг сет, юмов төлысьыс эз на помасьы. А гашкө, өтувьяс олөмыс кызкө-мыйкө ладмас на? Гашкө, ставыс на водзын?..

Некор вунөдлытөм вояс

Мөдөд төлысь нин кодзыд поводдя су-лалө. Сиктса мортыд велалөма кодзыдьяс дорад. Пыр дзоля пачыд ломтысьö. Ъвла удж борад паччорад кайлан, шонтысян. Майбыр!

Егор Афанасьевич пукаліс көрт пач бокын. Наталья Платоновна, пес да ва пыртөм бөрын, кайис паччөр вылас да шонтіс кокьяссö. Экма, кольөма тай кадыд, лоө пач бокын пукавын, а өд Егор Афанасьевич, сиктса ног кө, Опонь Егор, абу на эськө пач бокын пукалысь. Вөвлөм фронтовикьястө унаөс вермытөмыд кадысь водз жö босьтö.



Егор Афанасьевич да Наталья Платоновна.

Егор Афанасьевич Шахов частö вöлі висьтавлö клубса сцена вивсянь аслас боевой туйяс йлысь, кодьяс заводитчлісны 1939-өд воясö да помасисны 1945 воö.

1939-өд вося сентябрь төлысьö Егор Афанасьевичöс босьтісны армияö, служитіс пограничной войскаын. Вөлөма Эстониякөд граница вылын. Сэсса, мөд вонас, февраль төлысьö веськалөма финской граница вылө.

Граница вылын вöлі ичөтик ді, сэні сулалөма налөн заставаныс. Финняс уськөд-часны застава вылө войнас катерьяс вивсянь. Финняскөд тыш лоөма чорыд, лунтыр дорйисясны пограничникьяс. Сэсса финняс кутасны лыйны минометьясысь, муыс і ваыс кутас сочыны. Шаховлы да некумын мортыл удайтчис петны ді вылысь берегö. Сэні аддзысясны мукөд пограничникьяскөд, кодьяс петмаөсь окружение-ысь. Первой луннас жö Егор Афанасьевич ранитчис. 1944 вося январьдз Егор Афанасьевич тышкасис войвылын. Вөвлі дивизионной разведкаын разведчикöн. Дорйис Сестрорецк кар.

1944 вося январь 15 лунö налөн дивизия муніс ленинградской блокада ороөдм вылө. Наступайтисны Гатчина да Луга вылө. Нарва вылө наступайтигөн пансисны чорыд тышьяс. Советской салдатьяс петкөдлісны ыджыд мужество. Врагос зырисны, вөтлісны асланыс му вылысь, мездісны Литва, Польша. Воисны Германияөдз, но Берлинö Шаховлы эз удайтчы пыравны, частьсö мөдөдісны мездыны Чехословакия.

Война вылысь Егор Афанасьевич воис боевой наградаясөн. Красной Звезда орден сетісны Сандомирской направление вылын участуйтөмысь.

— Сэки мян часть, — висьталө Егор Афанасьевич, — кытшаліс да босьтис пленö 15 сюрс салдатос да офицерос. Слава орденөн наградитисны «языкос» вайбөдөмысь. Воддза наградаяс дорö содісны «За отвагу», «За оборону Ленинграда», «За освобождение Праги» медальяс. Эмось и Верховной Главнокомандующей Советской Союза Маршал Сталин ёртсянь благодар-ностьяс.

Нелямын кык во прөйдитіс война помасьмоянь, вояс босьтөны ассыныс. Егор Афанасьевичлы частö усьлө дум вылас военной туйясыс. И өні со көрт пач дорад пукалігөн синваыс доршасьывлө. Вөліны кө эськө орччөн фронтөвой ёртьясыс, вөлі мый йылысь сёрнитны, казътыштны. Төдан кө эськө, көні найö, кодьяс колисны?

Егор Афанасьевич война помасьмө бөрын дас во оліс Москваын, уджаліс Лихачёв нима автомобильной заводын да авиационной заводын электромонтёрөн.

Москваын уджалігөн сійс примитисны партия радьясö.

Дас во мысти Егор Афанасьевич локтіс чужан сиктас. Сэні и аддзыис Наталья Платоновнакөд. Гөтрасисны. Наталья Платоновна, Ульяновской сельхозтехникум помалом бөрын локтіс Пожогө уджавны зоотехникөн. Пожогад вөлі нин 9 колхоз. Ъвлі колхозö, Тымсердз лоө вөлі верзьөма вөлөн ветлөдлыны.

— Зоотехникнад сэки өтнам уджалі. Быдторсö ковмыліс вöчны, — казътылө Наталья Платоновна, — и гижан уджыс тыр, и лаборантавын колö. Куканьяс мөскыд, сыкөд колö бабичыны. Скөтлы көрөм сэки эз тырмыв. Турун, корось сора силос. Картупель нетшкигьясөн да бөрийгьясөн сійөн вердчывлім. Йөв плантö зэв уна сетывліс. ны, но кызкө тай век старайчывлім сійөс тыртны. Том пöраад он тай мудз. Уджавнытö радейтлім и. Шойччан луньяс эг төдлөй, и отпускө некор вөлі петавны, уджыд пыр вөлі.

1954-өд воö Наталья Платоновнаос примитөны партияö. И та бөрын том коммунист ещö на сьөлөмянь уджалө да ышөдö му-

кӧдӧс. И регыд мысти сійӧс бӧрйӧны сель-
сӧветӧ депутатӧн.

Партийнӧй организациясянь, кызди до-
стойнӧй коммунистӧс, бӧрйӧвлісны КПСС
Коми обкомса членӧн, Коми АССР Верхов-
нӧй Сӧветса депутатӧн.


9 колхозсыд котыртчис ӧти «Дружба»
колхоз. И 1969-ӧд воӧ колхозсыс лоис
«Пожегодскӧй» совхоз. Наталья Платонов-
наӧс индісны главнӧй зоотехникӧн, сетісны
отсӧг вылӧ том зоотехникӧс. Но уджыд пыр
содіс. Государстволы пыр унджык колӧ вӧлі
сетны йӧв да яй. Содтыны скӧтлысь юр-
лыд, стрӧиталісны виль скӧт картаяс. Ку-
тісны тышкасьны йӧвлысь качество кыпӧ-
дӧм вӧсна. Бур уджысь Наталья Платонов-
наӧс наградитісны Трудӧвӧй Краснӧй Знамя
орденӧн.

Уна вояс чӧж сетіс став вынсӧ радейта-
на уджӧ. 1976 воӧ петіс пенсия вылӧ. Но
век интересуйтчӧ дояркаяслӧн уджӧн, код-
лӧн кызди уджавсьӧ, овсьӧ. Кызди йӧв

сдайтӧм мунӧ, кутшӧм качествоӧн. Быд-
торйыс интересуйтӧ сійӧс, кутӧ пыр асьсӧ
скӧт видзысьлӧн ударнӧй фронт вылын.

Егор Афанасьевич да Наталья Платоновна
быдтісны 2 челядьӧс. Челядьыс семьясыс-
кӧд бокин олӧны, но чужан-быдман сиктӧ
быд во волевлӧны. Одиӧ кольӧны вояс. Да
вермас ӧмӧй вунны том пӧрайд, кодкӧд
йитчӧма шогыс и гажыс. Коляс кӧдзид тӧв,
воас гажа тулыс. Миян сӧветскӧй йӧз ку-
тасны пасйыны Победа лунсянь 42 во ты-
рӧм. Пасьталас Егор Афанасьевич съӧд ко-
стюмсӧ, кытчӧ ӧшлӧма орденъяс да ме-
дальяс, и мӧдӧдчасны Наталья Платоновна-
кӧд, сиктса йӧзкӧд да вӧвлӧм фронтовикъ-
яскӧд ӧтлаын, сикт кузя. И бара казытыш-
тасны бӧрӧ кольӧмсӧ и, дерт жӧ, кутасны
думайтны сы йылысь, кутшӧмджык лӧ
олӧмыс водзӧ вылӧ.

Лия МАРТЮШЕВА,
Усть-Куломскӧй районса
Пожӧг сикт



Дзугӧмӧн петӧм гижӧдъяс

Типографиялӧн мыж вӧсна тавояс март тӧлысья
журналын дзугӧмӧн петісны гижӧдъяс 14 да 43 лист
бокъясын. Извиняйтчам тавысь журнал судзӧдысьяс да
лыддысьсысьяс водзын, тшӧтш и гижӧдъяслӧн авторъяс
Г. Юшков да В. Латышева водзын.


Журналлӧн редакция.

Техн. редактор А. Одинцов.

Адрес редакции: 167610, г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).
Сдано в набор 13.03.87. Подписано к печати 07.04.87. Ц00539. Формат 70×108¹/₁₆.
Печать высокая. Усл. печ. л. 4,9+0,08; усл. кр.-отт. 5,425; учетно-изд. л. 4,45+0,3 вкл.
Тираж 5133 экз. Заказ № 3789. Цена 30 коп.

Республиканская типография Государственного комитета Коми АССР по делам
издательств, полиграфии и книжной торговли. 167610, г. Сыктывкар, ул. Перво-
майская, 70.



Коми книжнӧй издательствоысь главнӧй редактор В. В. Тимин тӧдмӧдӧ Кемьяр посёлокса велӧдчысьясӧс медводдза коми книгаясӧн.



Яснӧг посёлокса велӧдчысьяскӧд Коми АССР-са народнӧй поэт Серафим Попов да прозаик Петр Столповский.

30 көп.

Индекс 73069



Сыктывкар. Почтамт керка.

Снимокс В. Шульгинлөн.